

МЪЗГИНИЙА ЛЬ ГОРА ЛУҚА

Пешготын

Луқа йэки йунани дохтор (һ'эким) у дирокзан (т'арихзан) бу. Эви т'эви Павлос гэлэки р'евити кьрийэ (Фьлимон 24; Колоси 4:14; Тимот'ейо II, 4:11) у нава шьхөле шандитийа^ф Павлосда жи гэлэки алик'арийа ши кьрийэ.

Бь фькьра гэлэк зана эва Мьзгинийа^ф незики сала 80-и һатийэ һвисаре, щики нэә'йан жь Фьльстине дэр.

Дэстпебуна к'этебеда дэрһэқа буйина Йуһ'эннайе^ф ньхөмдар^ф, мьзгинийа буйина Иса^ф у шькьрдайина чэнд мэрвада^ф һвисар э, к'ижана һатьна Исаяэ жь Хвэдеда дьданэ к'ьфше. Ве Мьзгинийеда бона э'мьре Иса һе гэлэки дьбежэ, жь буйина Йуһ'эннайе ньхөмдар гьрти һ'эта жь нав мьрийа р'абун Иса. Луқа хвэстийэ дэрһэқа э'мьре Исада бь һур-гьли бьһвисэ. Пэй мьрын-р'абуна бир'а Луқа дэрһэқа бэлабуна Мьзгинийеда к'этеба «К'аред Шандийа» һвисийэ.

«Мьзгинийа ль гора Луқа» э'йан дькэ кө Иса чава Хьлазкьре^ф создайи бона Исраеле^ф жь Хвэдеда шанди йэ у оса жи Хьлазкьре һ'эму мэрва йэ. Эва Мьзгинийа бь тьһэрэки башқэ һ'эзкьрна Хвэде дьдэ к'ьфше, илаһи^ф һьндава мэрввед шкэстида. Гэлэка наве ве мьзгинийе данийэ: «Мьзгинийа бона гөнэк'ара^ф, шкэстийа, бөлэнгаза, бехвэя, жьнэбийа у хэриба».

Ве Мьзгинийеда фькьра «шабун у шькьрдайине» жи һэйэ, илаһи сэрийед пешьнда, кө ль сэр э'ламкьрна һатьна Иса дьһвисэ. Чэнд к'оламед шькьрдайине жи вьра һэнэ у хвэденаса гэлэк қөр'нада бь ван к'олама һ'эбандьна хвэ дэрбаз кьрынэ. Мэсэлэ, к'олама мьляк'эта^ф (2:14), йа Мэрийэме^ф (1:46-55), йа Зэкэрийа (1:68-79) у йа Шьмһ'ун (2:29-32). Хьлазийа к'этебеда жи нета шабуне к'ьфш дьбэ, ль к'ө Иса дьчэ э'змен у йед ль пэй Иса п'арьстгэһеда^ф дьшьвьн, шькьрийа хвэ дьдьнэ Хвэде (24:52-53).

Һьнэк п'аред бэрбьч'э'в жи әв ын, кӧ чэнд сәрһати у мәсәлә т'әне ве мьзгинийеда һәнә. Ава мәсәлә: К'ӧлама мьляк'эта, дәма буйина Иса, һазьрийа шьвана, Исайе донздәһ сали п'арьстгәһеда, мәсәлә «кӧр'е ӧндабуи у бьре ви», т'обәкьрьна^ф қачахәки сәр хаче^ф у тыштед майин.

Сәрәщәма фькьра к'ьгебе

Пешготьна Луқа (1:1-4)

Буйина Йуһ'әннайе нхӧмдар, буйина Иса у зар'отийа ван (1:5–2:52)

Қӧльхе Йуһ'әннайе нхӧмдар (3:1-20)

Нхӧмандьн^ф у шер'ьбандьна^ф Иса (3:21–4:13)

Даннасини у шьхӧлед Исайә ль Шәлиледа^ф (4:14–9:50)

Р'ийа Исайә жь Шәлиле һ'эта Оршәлиме^ф (9:51–19:27)

Һ'әфтийа Исайә хьлазийе ль Оршәлиме у дор-бәред веда (19:28–23:56)

Р'абуна Исайә жь мьрьне, хӧйабуна Ви шагьртава^ф у жор-һьлатьна Ви (24:1-53)

Пешготьна Луқа Т'ейофилор'а

1 Т'ейофилоие хвәйиқәдър, ньһа гәләка дәстпекьрийә сәрһатийа ван тыштед нава мәда буйи ӧса р'ез кьн, ² чава әвед кӧ пешийе бь ч'ә'ве хвә дитьбун у әв Мьзгини^ф бәла дькьрьн, мәр'а готьн. ³ Әз жи чава йәки һе зува р'аст пәй ван һ'әму тышта дьчум, мьн р'е тер'а дит кӧ бь һур-гьли тәр'а бьнь-висьм, ⁴ вәки тӧ р'астийа ван тыштед кӧ һин буйи, бьзаньби.

Мьзгинийа мьляк'әт^ф бона буйина Йуһ'әннайе^ф нхӧмдар^ф

⁵ Чахе һеродәс п'адшайе Щь-һустане^ф бу, к'аһинәк^ф жь бәрәка Әбийа һәбу, наве ви Зәкәри-йа бу. Жьна ви жи жь ә'сьле һарун^ф бу, наве ве Елизабет. ⁶ Әвана һәр дӧ жи ль бәр Хвә-де р'аст бун у нав һ'әму т'әми у қанунед Хӧданда^ф беқӧсур дьчун. ⁷ Ле зар'ед ван т'ӧнәбун, чьмки Елизабете зар' нәданин у һәр дӧйа жи ә'мьре хвә дәр-баз кьрьбун.

8 Аwa чaхе Зэкэрийа дора бэрэка хwэдa хьзмэтк'арийа к'ахинтийе ль бэр Хwэде дькьр, 9 бь э'дэте к'ахинтийеда п'эшк wir'а к'эт, кö һэр'э п'арьстгəһа^ф Хөдан, бьхуре^ф бьшəwьтинə. 10 У дəма шəwьтандьна бьхуре, т'əмамийа шьмə'те дэрва дöа дькьр. 11 Ынге мьлайк'эте^ф Хөдан wивa хöйа бу у алийе р'астева к'елəка^ф горигəһа^ф бь-хуре сəkьни. 12 Чaхе Зэкэрийа дит, т'əвиһəв бу у saw к'этə сэр wi. 13 Ле мьлайк'эт wir'а гот: «Зэкэрийа, нəтьрсə! Дöа тə һатə бьһистьне, к'өлфəтa^ф тə Елизабете тэр'а кöр'эки бинə у те наве wi Йуһ'əнна^ф дайни. 14 Əwe тэр'а бьбə эшq у шайи у гэлəке бь буйина wi ша бьн. 15 Чьмки əwe ль бэр Хөдан мəзын бə. Т'ö шар гэрəке шəрав-араqе вənəхwə*. У һе зьке дийа хwэдa, we бь Р'öһ'e^ф Пироз т'ьжи бə.

16 We жь зар'ед Исраеле^ф гэлəка бэрбь Хөдан Хwəдейе wан вэгэр'инə.

17 Əwe бь р'öһ' у qəwата Ел-йас^ф п'ехəмбэр^ф пешийа Хөданва һэр'ə*, we дьле бава сэр зар'ада у нəельма бэрбь фə'мдарийа р'аста вэгэр'инə, wəки шьмə'тəке бона Хөдан һазьр кə».

18 Зэкэрийа мьлайк'əтр'а гот: «Əze we йəке чawa бьзаньбьм? Əз кал ьм у к'өлфəтa мьн жи ə'мьре хwə иди дэрбаз кь-рийə»*.

19 Мьлайк'əт^ф ле вэгэр'анд у готе:

«Əз Щьбрайил ьм, кö ль бэр Хwэде дьсəkьньм.

У əз һатьмə шандьне, кö тэр'а бежьм у ве мьзгинийе бьдьмə тə*.

20 Ва те лал би у нькарьби хəбэр ди, һ'əтa we р'ожа кö əв тышт бенə сери,

* 1:15 Əва зар'а, awa готи Йуһ'əннайе^ф ньхөмдар^ф йəки «нəзир^ф» дьһa-тə һ'əсабе. Бона шур'ə-шур'ə қəйдə-қанунед нəзир Жьмар 6:1-21-да бьхуньн.

* 1:17 Малахи 4:5-6.

* 1:18 Дəстпeбун 18:11.

* 1:19 Данийел 8:16; 9:21.

чъмки тә әв готънед мьн
 бавәр нәкърън,
 кә we wәхте хwәда бенә
 сери».

21 Н'әта һынге шьмә'т нивийа
 Зәкәрийа бу у ә'щәбмайи дьман,
 кә әв п'арьстгәһеда дәрәнги
 дьк'әт. 22 У чахе әв дәрк'әтә
 дәрва, иди нькарьбу ванар'а
 хәбәр да. Вана шьк бьр, кә
 п'арьстгәһеда тышт һатийә ль
 бәр ч'ә'ва. У әви бь нишана
 ванар'а хәбәр дьда у лал ма.
 23 Гава р'ожд хьзмәткъръна
 ви хьлаз бун, чу мала хwә.
 24 Пәй ван р'ожар'а, к'өльфәта
 ви, Елизабет һ'әмлә дәрк'әт,
 пенщ мәһа әве хwә вәдьшарт
 у дьгот: 25 «Әв чь йәк бу ван
 р'ожада Хөдан бона мьн кьр,
 һ'але мьнда ньһер'и у қара мьн
 жь нав мәрва^ф да һьлдане».

Мьзгинийа мьляк'әт бона буйина Иса^ф

26 Мәһа шәшада Хwәде мьляк'
 к'әт^ф Щьбрайил шандә бажарә-
 ки Щәлиле^ф кә навә ви Ньсрәт
 бу, 27 щәм қизәкә бьк'ьр^ф, йа
 кә мәрвәки бь навә Усьве^ф
 мала^ф Давьдр'а^ф нишанкьри
 бу. Навә қизьке Мәрйәм^ф бу.

28 Мьляк'әт weва хөйа бу у готе:
 «Сьлав ль тә қизька к'әрәм^ф ле
 буйийе, Хөдан т'әви тә йә*».

29 Әва сәр готъна ви т'әвиһәв
 бу у фькьри: «Гәло әв чь сьлав
 ә?» 30 У мьляк'әт жер'а гот:
 «Мәрйәм, нәтьрсә! Чьмки тә
 к'әрәм жь Хwәде станд. 31 Ва те
 һ'әмлә дәрәйи Көр'әки бини
 у навә Ви Иса^ф дайни.

32 Әwe мәзын бә у Көр'е Йе
 һәри Жорьн we бе готъне.
 У Хөдан Хwәде we т'әхте
 бавә Ви Давьд бьдә Ви.

33 Әwe һ'әта-һ'әтайе п'адша-
 тийе сәр мала^ф Ақуб^ф бькә
 у хьлазийа П'адшатийа Ви
 we т'өнәбә».

34 Мәрйәме мьляк'әтр'а гот:
 «Әв йәке чава бьбә, чьмки әз
 һәла һе қизьм?» 35 Мьляк'әт ле
 вәгәр'анд у гот: «Р'өһ'е Пироз
 we бе сәр тә у қәwата Йе һәри
 Жорьн we сәр тә бькә си. Бона
 ве йәке әв Пирозе кә we жь тә
 бьбә, әв Көр'е^ф Хwәде we бе
 готъне. 36 Ва йә омьда тә Ели-
 забет жи, йа кә безөр'әт дьһатә
 готъне, we мәзынайийа хwәда
 әва мәһа шәша йә көр'әкида
 һ'әмлә йә. 37 Чьмки щәм Хwәде
 тыштәки нәбуйине т'өнә». 38 Ви

* 1:28 Нав һьнәк дәстньвисарада аһа йә: «Тө нав к'өльфәтада бьмбарәк и».

чахи Мәрийәме гот: «Эз шарийа Хөдан ым. Бьра анәгори готьна тә бона мьн бьбә». У мьляк'әт жь щәм we чу.

**Мәрийәм сәрики
Елизабете дьхә**

³⁹ Ван р'ожада Мәрийәм р'абу ләз чу алиие ч'ийа, бажарәки Щьһуда^ф. ⁴⁰ Әw к'әтә мала Зәкәрийа у сылав да Елизабете. ⁴¹ Гава Елизабете сылава Мәрийәме бьһист, зар'ок зьке weда львийа. Елизабет Р'өһ'е Пирозва т'ьжи бу ⁴² у бь дән-гәки бьльнд кьрә газигот: «Тө нав к'өлфәтада бьмбарәк и у бәре зьке тәда жи бьмбарәк ә. ⁴³ Әв чь бәхтәварик ә кә дийа Хөдане мьн сәр мьнда һат? ⁴⁴ Гава дәнге сылава тә к'әтә гөһе мьн, зар'ок зьке мьнда жь шабуна лист. ⁴⁵ Хwәзиль we, кә готьна Хөдан бавәр дькә, кә чь жер'а һатийә готьне, we бе сери». ⁴⁶ Мәрийәме гот*:

«Нәфса мьн пәсьне Хөдан дьдә

⁴⁷ у р'өһ'е мьн бь Хwәде Хь-лазкьре^ф мьн ша дьбә,

⁴⁸ чьмки Әwi бәре Хwә мь-луктийа шарийа Хwәда кьр.

Ва жь вьр шунда һ'әму нь-сьле^ф хwәзийа хwә ль мьн биньн,

⁴⁹ чьмки Хwәдейе Зор бона мьн тыштед п'ьр' мәзын кьрын.

Наве Wi пироз ә.

⁵⁰ Р'ә'ма Wi қьр'нә-қьр'нә ль сәр ван ә, йед кә жь Wi дьтьрсьн.

⁵¹ Qәwата дәсте Хwә Әwi да к'ьфше у йед кә дьле^ф хwәда к'ө-бар-бабах ын бәла-бәлайи кьрын.

⁵² Йед qәwат жь к'өрсийа анин хwәре у йед мьлук бьльнд кьрын*.

⁵³ Йед бьр'чи бь тыштед қәнщ т'ер кьрын у йед дәwләти дәствала вә-р'екьрын.

⁵⁴ Р'ә'ма Хwә ани бира Хwә, али хөламе Хwә, Исраел кьр,

⁵⁵ чава кал-бавед мә, Бьраһим^ф у зөр'әта wir'а бона һ'ә-та-һ'әтайе созе Хwә дабу*.

* 1:46-55 П'адшати I, 2:1-10.

* 1:52 Ибо 5:11; 12:19.

* 1:55 Миха 7:20; Дәстпелун 17:7.

⁵⁶ Мәрийәм wәкә се мәһа шәм Елизабете ма, паше вәгәр'ийа мала хwә.

Буйина Йуһ'әннайе нхөмдар

⁵⁷ Аwa дәма wәльдандьна Елизабете пер'а гһишт, көр'әк жер'а бу. ⁵⁸ Һәвал-һогьред we бһистьн кө Хөдан р'ә'ма хwәйә мәзын бона we кьрийә, т'әви we ша дьбун.

⁵⁹ Р'ожа һ'әйштада һатьн кө көр'әк сьнәт^ф кьн у наве баве ви Зәкәрийа ле кьн. ⁶⁰ Ле дийа ви гот: «На, наве ви гәрәке Йуһ'әнна бә». ⁶¹ Wер'а готьн: «Нава мәрвьед тәда бь ви нави кәсәк т'өнә». ⁶² Һьнге wана бь нишана жь баве ви пьрсин кө чь нави дьхwазә ви кә. ⁶³ Әви жи т'әхтәк хwәст у ль сәр ньвиси: «Наве ви Йуһ'әнна йә». Һ'әму ә'щәбмайи ман. ⁶⁴ Дәстхwәда зар-зьмане^ф ви вәбу, хәбәр да, шькьри да Хwәде. ⁶⁵ Тьрсе һ'әму щинаред ван гьрт у т'әмамийа ч'ийајед Щьһустанеда бона ве йәке дьһатә готьне. ⁶⁶ Һ'әму-

йед кө дьбһистьн, бира хwәда хwәй дькьрьн, дьготьн: «Гәло әв көр'әке бьбә чь?» Чьмки дәсте Хөдан пер'а бу.

П'ехәмбәртия^ф Зәкәрийа

⁶⁷ Баве ви Зәкәрийа бь Р'әһ'е Пироз т'ьжи бу, п'ехәмбәрти кьр у гот:

⁶⁸ «Шькьр жь Хөдан Хwәдеје Исраелер'а

кө сәрик да щьмә'та Хwә у азайи жер'а ани*.

⁶⁹ Жь мала хөламе Хwә Даwьд бона мә Хьлазкьрәки^ф зор* р'акьр,

⁷⁰ чава Әви һе бәрәда бь дәве п'ехәмбәрәд Хwәйә пироз^ф готийә,

⁷¹ кө әм жь дьжмьнед хwә у дәсте һ'әму хернәхwаза^ф хьлаз бьн*,

⁷² р'ә'ме кал-бавед мә бькә, пәймана^ф Хwәйә пироз

⁷³ у we сонда кө баве мә Бьра-һимр'а хвар бир бинә*,

⁷⁴ wәки жь дәсте дьжмьна азабуји,

* ^{1:68} Зәбур 41:13; 111:9.

* ^{1:69} Бь йунани хәбәр бь хәбәр аһа йә: «Стьруки хьлазкьрьне». Стьру гәләк щара чава нишана қәwате йә.

* ^{1:71} Зәбур 106:10.

* ^{1:73} Зәбур 106:45-46; Зәбур 105:8-9; Дәстпәбун 17:7.

эм бькарьбьн бе тьрс у хоф,
 75 һ'эму р'ожед э'мьре хвэда,
 р'аст у һ'элал Ви бьһ'эби-
 ньн.

76 Тө, ло көр'ько, те п'ехэмбэ-
 ре Йе һәри Жорьн бейи
 готьне,
 те пешийа Хөданва һәр'и,
 вәки р'ийа Ви һазьр ки*

77 у занэбуна азайийе быди
 щьм'та Ви
 бь бахшандьна гөнед ван.

78 Жь р'э'м у һ'өба Хвәдейе мә
 чава жорда р'о кө дәрте, өса
 we сәрики бьдә мә,

79 вәки йед кө тә'ристанийе
 у бьн сийа мьрьнеда дь-
 миньн р'онайи кә
 у ньгед мә дайнә сәр р'ийа
 э'дьялайийе»*.

80 Көр'ьк мәзын дьбу у бь
 р'өһ' қәват дьгьрт у һ'эта р'о-
 жа Исраелева хөйа бу жи ль
 бәр'ийе^ф дьма.

Буйина Иса

(Матта 1:18-25)

2 1 Ван р'ожада жь Августойе
 Қәйсәр^ф э'мьр дәрк'эт, кө
 һ'эму мәрвевд Императорийа

Р'омайе бенә навньвисаре. 2 Эв
 навньвисара пешьн һена Курен-
 йоие вәлийе^ф Сурйайеда һатә
 кьрьне. 3 Һ'эму дьчунә бажаре
 хвә, кө һәр кәс наве хвә бьдә
 ньвисаре. 4 Усьв жи жь бажаре
 Ньсрэта Щәлиле р'абу һәвраз
 чу Щьһустане, бажаре^ф буйина
 Даьд, кө жер'а Бәйтлөһ'м^ф
 дьготьн, чьмки эw жь мал у
 қәбила Даьд бу. 5 Эw чу кө
 т'әви Мәрийәма дәргистийа хвә
 бьк'эвә навньвисаре. Мәрийәм
 жи һ'әмлә бу. 6 Чахе әвана ль
 Бәйтлөһ'ме бун, р'ожа вәль-
 дандьна we пер'а гьһишт 7 у
 көр'е хвәйи Ньхөри ани, Эw
 п'еч'әкеда п'еч'а у афьр'да да-
 ни, чьмки меванханеда бона
 ван щи т'өнәбу.

Мьльйак'эт у шьван

8 Ль вьр чоле шьван һәбун,
 кө we шәве хвәйитийа кәрийе
 пәзед хвә дькьрьн. 9 Мьльйа-
 к'әте Хөдан ванва хөйа бу у
 р'умәта Хөдан дора ван шәwқ
 да, әw гәләки тьрсийан. 10 Ле
 мьльйак'эт ванар'а гот: «Нә-
 тьрсьн! Ва йә әз Мьзгинийа
 шабунәкә мәзын дьдьмә wә,

* 1:76 Ишайа 40:3; Малахи 3:1.

* 1:79 Малахи 4:2; Ишайа 9:2; 58:8; 60:1-2.

25 Ынге мәрвәк Оршәли-
меда һәбу, наве ви Шьмһ'ун
бу. Әв мәрвәки р'аст, хвәде-
хоф уль хивийа бәрдьлийа^{ф*}
Исраеле бу. Р'өһ'е Пироз жи
ль сәр ви бу 26 у бир'а готьбу:
«Һ'эта кө тө Мәсиһе Хөдан
нәбини, намьри». 27 Ынге
әв бь р'ебәрийа Р'өһ' һатә
п'арьстгәһе. Чахе де у баве-
ва Исайте бьч'ук анин кө ль
гора әдәте Қануне бона Ви
бькьн, 28 Шьмһ'ун Көр'ьк
һьлда да һ'әмеца хвә, шькьри
да Хвәде у гот:

29 «Йа Хвәйи, ньһа ль гора
созе Хвә
бь хер у сыламәт бәрдәстийе
Хвә бәр'дә.

30 Чьмки ч'ә'ве мьн азакьрна
Тә дит,

31 йа кө Тә бәр ч'ә'ве һ'әму
мләта һазьр кьрийә*,

32 кө бьбә р'онайийа бәр ч'ә'ве
нәщ'һуйа^ф
у қәдьр-һөрмәт^ф щьмә'та
Тә Исраелр'а»*.

33 Де у баве Ви сәр тыштед кө
Шьмһ'ун бона Ви дьготьн,
зәндәгьрти мабун. 34 Шьм-
һ'ун дөа ван кьр у дийа Ви
Мәрийәмер'а гот: «Бьбьһен,
Әва әви к'ьфшкьри йә, Йе
кө ве Исраеледа бьбә сәбә-
бе к'әтьн-р'абуна гәләка, өса
жи бьбә нишанәк, кө гәләке
мьқабьли Ви р'абьн 35 у бь ви
авайи фькьред гәләк дьла ве
ә'йан бьн. У дьле тәр'а жи мина
тирәке ве дәрбаз бә».

36 Ль вьр жь р'ьк'ьнйата Ашер,
қизәкә Фановелә п'ехәмбәр
һәбу, наве ве һана. Әве гә-
ләк ә'мьр дәрбаз кьрьбу, пәй
қизтийа хвәр'а һ'әфт сала щәм
мере хвә мабу. 37 Әв жьнәби-
кә һ'әйште чар сали бу* у жь
п'арьстгәһе дур нәдьк'әт, шөв
у р'ож бь дөа у р'ожийа^ф Хвәде
дьһ'әбанд. 38 Әва жи ве дәме
һат, шькьри да Хвәде у т'әви
һ'әмуийед кө ч'ә'вньһер'ийа аза-
буна Оршәлиме бун, дәрһәқа
көр'ькда хәбәр да.

* 2:25 Бь готьнәкә дьн: «Барьстанийа Исраеле, бона хьлазкьрн^ф йан
азабуна Исраеле».

* 2:31 Ишайа 40:5; 52:10.

* 2:32 Ишайа 42:6; 49:6; 52:10.

* 2:37 Аһа те фә'мкьрьне, йан: «Ә'мьре ве һ'әйште чар сали бу» йан
жи: «Һ'әйштечар сала жьнәби мабу».

**Мәрийәм, Усыв у Исайте быч'ук
вәдыгәр'ьнә Ньсрәте**

³⁹ Гава Усыв у Мәрийәме һәр тышт ль гора Қануна Хөдан кьрын, вәгәр'ийанә Щәлиле, бажаре хвә Ньсрәте ⁴⁰ Көр'ьк мәзын у қәват дьбу, бь сәр-вахтийе^ф т'ьжи дьбу, к'әрәма Хвәде жи бь Wir'а бу.

**Исайте донздәһ сали
п'арьстгәһеда**

⁴¹ Де у баве Wi һәр сал Щә-жьна^ф Дәрбазбунедә дьчунә Оршәлиме. ⁴² Чахе Әв бу донз-дәһ сали, ль гора ә'дәт әвана һәвраз чунә щәжьне. ⁴³ Гава р'ожед щәжьне хьлаз бун у пашда вәдыгәр'ийанә мала хвә, Исайте хьшим ль Оршә-лиме ма. Ле де у баве Wi һаш жь Wi т'өнәбун, ⁴⁴ вана т'ьре^ф т'әви р'евийа йә. Р'ийа р'ожә-ке һатьн, нав һәвал-һогьред хвәда ль Wi гәр'ийан. ⁴⁵ Гава Әв нәдитьн, пашда вәгәр'и-йанә Оршәлиме, ль Wi гәр'и-йан. ⁴⁶ Р'ожа сьсийа вана Әв п'арьстгәһеда дит. Әв т'әви дәрсдара р'уньшьтбу, гөһда-рийа ван дькьр у пьрс дьданә ван. ⁴⁷ Һ'әмуйед кө хәбәр дана Wi дьбьһистьн, сәр занәбун у

шабед Wi зәндәгьрти дьман. ⁴⁸ Гава де у баве Wi әв дитьн, һ'әйирин у дийа Wi жер'а гот: «Lawo! Тә чьма өса сәре мә кьр? Әз у баве тә к'әл-бин ль Тә дьгәр'ийан». ⁴⁹ Әви ванр'а гот: «Һун чьма ль Мьн дьгә-р'ийан? Wә ньзаньбу гәрәке Әз мала Баве^ф Хвәда бьм?» ⁵⁰ Ле вана фә'м нәкьр Әви чь гот. ⁵¹ Әв т'әви ван вәгәр'ийа һатә Ньсрәте у гөр'а^ф ванда бу. Ле дийа Wi әв һ'әму тышт дьле хвәда хвәй дькьрын. ⁵² У Иса бь сәрвахтийе у бәжьнеда пешда дьчу у ль Хвәде у мәрьва хвәш дьһат.

**Даннасинийа Йүһ'әннайе
ньхөмдар**

*(Матта 3:1-12; Марқос 1:1-8;
Йүһ'әнна 1:19-28)*

З ¹ Панздәһ салияа п'адша-тийа Тибәрйойе Қәйсәрда, Пилатойе^ф Понтийо вәлийе Щьһустане бу, һеродәс сәр-вере Щәлиле бу, Филипойе бьре ви сәрвере қәза Итурйайе у Трахонидае бу у Лусанйас сәрвере Авелинийае бу, ² Һәнан у Қәйафа жи сәрәкк'аһин бун. Һьнге хәбәра Хвәде бәр'ийеда Йүһ'әннайе көр'е Зәкәрийар'а һат ³ у Йүһ'әнна һатә һ'әму

дор-бәред ч'әме Урдөне дан-насин дькър, кө щьмә'т жь гөнәкърьне вәгәр'ә^ф у бь аве бе нхөмандьне^ф, вәки Хвәде ван бьбахшинә. ⁴Чава к'ьтеба Ишайа^ф п'ехәмбәрда нывисар ә кө дьбежә:

«Дәнге бәр'ийеда дькә гази:
 <Р'ийа Хөдан һазьр бькьн
 у шьвәр'ийед^ф Ви р'аст бь-
 кьн.

⁵ Һ'әму гәли бьра т'ьжи бьн,
 ч'ийа-бани ньмьз бьн,
 р'ийед харо-маро р'аст бьн
 у ч'ә'л-ч'ул дуз бьн.

⁶ У һәр кәсе азайийа Хвәде
 бьбинә»*.

⁷Гәләк дьһатьнә щәм Йһ'ән-на, кө жь ви бенә нхөмандьне. Әви ванр'а дьгот: «Ч'ежькед^ф мә'ра! К'е вәр'а гот, кө һун жь хәзәба те бьр'әвьн?» ⁸Дә бь кьред қәнщ бьдьянә к'ьфше, кө һун жь гөнәкърьне вәгәр'ийанә. У р'анәбьн нәбежьн: «Бьраһим баве мә йә». Әз вәр'а дьбежьм, кө Хвәде жь ван кәвьра жи дь-карә зар'а Бьраһимр'а дәрхә. ⁹Ва йә бьвьр^ф ль сәр р'аве^ф дарә йә. Һәр дара кө бәре қәнщ нәйнә, ве бе бьр'ине у авитьне нава егьр». ¹⁰Ә'лаләте жь ви

пърси у гот: «Ле әм чь бькьн?»

¹¹Әви ль ван вәгәр'анд у гот: «Дө дәст к'ьнше к'е һәнә, бьра йәки бьдә ви, йе к'е кө т'өнә у хөрәке к'е һәйә, бьра диса өса бькә».

¹²Хәршгьр^ф жи һатьн кө бенә нхөмандьне у вири'а готьн: «Дәрсдар^ф, әм чь бькьн?»

¹³Әви ванр'а гот: «Чьқас жь вә те хвәстьне жь ви зедәтър нәстиньн».

¹⁴Әскәра жи жь ви пьрси: «Ле әм чь бькьн?» Әви ванр'а гот: «Кәсәки нәшели-ньн, бебәхтийе ль хәлқе нәкьн у бь һәқе хвә р'азии бьн».

¹⁵Һ'әму һивийе бун у бона Йһ'әнна дьле хвәда дьготьн:

«Гәло әв ә Мәсиһ?» ¹⁶Йһ'ән-на ль һ'әму йа вәгәр'анд у гот:

«Әз вә бь аве дьньхөминьм, ле Йәки жь мьн қәваттър ве бе. Әз нә һежа мә бәне чарьхед Ви жи вәкьм. Әве вә пе Р'ө-һ'е Пироз у егьр бьньхөминә.

¹⁷Мәлһ'әба Ви дәсте Вида йә. Әве бедәра Хвә пақьж кә, гәньм бькә ә'мбара Хвә, ле кайе ве бь агьре кө натәмьрә бьшәвьтинә».

¹⁸Ава Йһ'әнна бь гәләк тьштәд дьн жи хәлқ ширәт дь-кьр у Мьзгини дьда. ¹⁹Ле гава

* ^{3:6} Ишайа 40:3-5.

Йуһ'әнна ль Һеродәсе сәршер жи һьлат^ф бона Һеродийа жьна бьре ви у һ'әму хьрабийед кө ви дькьрын, ²⁰ һынге Һеродәс сәр ван кьрнада әв нәһәқи жи кьр, кө Йуһ'әнна авитә кәле.

Иса те ньхөмандьне

(*Мәтта 3:13-17;*

Марқос 1:9-11)

²¹ Гава һ'әму щьмә'т дьһатә ньхөмандьне, Иса жи һатә ньхөмандьне. Ве дәме кө дөа дькьр, ә'зман вәбу ²² у Р'өһ'е Пироз бь бәдәни мина кәвоткәке сәр Ви дани у дәнгәк жь ә'змен һат у гот: «Тө көр'е Мьни дәлал и, кө Әз жь Тә р'ази мә».

Р'ьк'ьнйата Иса

(*Мәтта 1:1-17)*

²³ Иса незики си сали бу, гава Әви дәст бь к'аре Хвә кьру ван т'ьре Әв көр'е Усьв бу, Усьве Әли, ²⁴ Әлийе Мәтат, Мәтате Леви, Левийе Мәлк'е, Мәлк'ейе Йаннай, Йаннае Усьв, ²⁵ Усьве Мәтитийа, Мәтитийае Амос, Амосе Нәһум, Нәһуме һәсли, һәслие Нәщай, ²⁶ Нәщайе Мәһат, Мәһате Мәтитийа, Мәтитийае Шемәйин, Шемәйине Йусех, Йусехе Йода, ²⁷ Йодае Йуһәннан, Йуһәннане

Р'еша, Р'ешайе Зәрубабәл, Зәрубабәле Шалтийел, Шалтийеле Нәри, ²⁸ Нәрийе Мәлк'е, Мәлк'ейе Еди, Едийе Қосам, Қосаме Елмәдам, Елмәдаме Әр, ²⁹ Әре Йешу, Йешуйе Елийазер, Елийазере Йорим, Йориме Мәтат, Мәтате Леви, ³⁰ Левийе Шьмһ'ун, Шьмһ'уне Щьһуда, Щьһудае Усьв, Усьве Йонам, Йонаме Елйақим, ³¹ Елйақиме Мәлйю, Мәлйюйе Мәна, Мәнае Мәтитийа, Мәтитийае Нат'ан, Нат'ане Давьд, ³² Давьде Йеша^ф, Йешайе Овед, Оведе Боваз, Бовазе Сәлмон, Сәлмоне Нәһшон, ³³ Нәһшоне Аминадав, Аминадаве Админ, Админе Арам, Араме Һәсрун, Һәсруне Перес, Пересе Щьһуда, ³⁴ Щьһудае Ақуб, Ақубе Ишақ^ф, Ишақе Бьрахим, Бьрахиме Тераһ, Тераһе Нәһор, ³⁵ Нәһоре Сәрух, Сәрухе Р'ево, Р'евоје Пелег, Пелеге Әбәр, Әбәре Шәлаһ, ³⁶ Шәлаһе Қенан, Қенане Арпәхшад, Арпәхшаде Сам, Саме Нөһ^ф, Нөһе Ламәх, ³⁷ Ламәхе Мәтушәла, Мәтушәлае Һәнох, Һәнохе Йаред, Йареде Маһалалел, Маһалалеле Қенан, ³⁸ Қенане Әнош, Әноше Сет', Сет'е Адәм^ф у Адәме Хвәде.

Щер'ьбандьна^ф Иса*(Мәтта 4:1-11;**Марқос 1:12-13)*

4 ¹ Иса бь Р'öh'e Пирозва т'ьжи жь Урдөне вэгэр'ийа, Р'öh' бэр'ийеда р'ебэрийа Ви дькьр, ² чьл р'ожи жь мирещьн^ф һатә шер'ьбандьне^ф. Әви ван р'ожада тыштәк нәхвар у гава әв р'ож дәрбаз бун, бьр'чи бу.

³ Ынге мирещьн Вир'а гот: «Һәгәр Тө Көр'е Хвәде йи, ви кәвьрир'а бежә кө бьбә нан». ⁴ Иса ле вэгәр'анд у гот: «Ньвисар ә: <Инсан т'әне бь нен нажи>* **».

⁵ Ынге мирещьн Әв р'акьрә сәр шики бьльнд, дәқеда һ'әму п'адшатийед дьнайәе нишани Ви дан ⁶ у готә Ви: «Әзе р'әвш у сәрвертийа ван һ'әмуяа бьдьмә дәсте Тә, чьмки мьнр'а һатийә дайине у к'ер'а кө бьхвазьм әзе бьдьме. ⁷ Һәгәр ньһа Тө сәре хвә ль бәр мьн дайни, әв һ'әму we п'ара Тә

бьн». ⁸ Иса ле вэгәр'анд у гот: «Ньвисар ә: <Сәре хвә ль бәр Хөдан Хвәдейе хвә дайнә у т'әне Ви бьһ'әбинә!>*»

⁹ Паше мирещьн Иса бьрә Оршәлиме, Әв сәр бьльндщийа бане п'арьстгәһе да сәкьнандьне у готә Ви: «Һәгәр Тө Көр'е Хвәде йи, дә Хвә жь вьр бавежә хваре. ¹⁰ Чьмки ньвисар ә: <Хвәде we т'әмийа Тә бьдә мьлйак'әтед Хвә, кө Тә хвәй кьн> ¹¹ у: <Әве Тә сәр дәсте хвә бьгьрын, вәки ньге Тә кәвьр нәк'әвә>*». ¹² Иса ле вэгәр'анд у гот: «Һатийә готьне кө: <Хөдан Хвәдейе хвә нәщеп'ьбинә!>*» ¹³ У гава мирещьн һ'әму шер'ьбандьн хьлаз кьрын, дәмәке жь Ви дур к'әт.

Иса қәза Щәлиләда дәст бь к'әре Хвә дькә*(Мәтта 4:12-17;**Марқос 1:14-15)*

¹⁴ Иса бь қәвата Р'öh' вэгәр'ийа Щәлилә у нав-дәнге Ви һ'әму

* ^{4:4} Нав һьнәк дәстньвисарада аһа йә: «Нә кө т'әне инсан бь нен дьжи, ле бь һәр хәбәрәкә Хвәде».

** ^{4:4} Қануна Дөшари 8:3.

* ^{4:8} Қануна Дөшари 6:13.

* ^{4:11} Зәбур 91:11-12.

* ^{4:12} Қануна Дөшари 6:16.

алийед ви вәлатида бәла бу.
 15 Әви к'ъништед^ф ванда һин
 дькьр у һ'әмуйа пәсьне Ви дьдан.

**Бажаре Ньсрәте, ль к'ө Иса
 мәзын бьбу, Ви қәбул накә**
 (Матта 13:53-58; Марқос 6:1-6)

16 Әв һатә Ньсрәте, ви щийе
 кө Әв ле мәзын бьбу, мина
 ә'дәте Хвә р'ожа^ф шәмийе Әв
 к'әтә к'ъниште у р'абу кө бьхунә.
 17 К'ътеба Ишайа п'ехәмбәр
 данә Ви у гава к'ътеба гөломатккьри
 вәкьр, әв щидит кө аһа
 ньвисар бу:

18 «Р'өһ'е Хөдан ль сәр Мьн ә,
 чьмки Әви Әз бь р'ункьрне^ф
 к'ъфш кьрм, вәки Мьзгинийе
 бьдьмә фәқира, у Әз шандьмә
 һесирар'а бой сәрбәстийе^ф

у корар'а бой дитьне даннасин
 кьм, азайийе бьдьмә бьндәста
 19 у сала Хөданә р'ә'ме* жи
 бьдьмә наскьрне**.

20 У к'ътеб гөломатк кьр да бәр-
 дәсти р'уньшт у к'ъништеда

һ'әму зур' бьбун ль Ви дьньһе-
 р'ин. 21 Әви дәстпекьр ванар'а
 гот: «Әва ньвисара иро һатә сери,
 гава вә бьһист». 22 Һ'әмуйа
 жи бона Ви қәнщ хәбәр дьдан
 у сәр хәбәр дана Вийә мәр'ифәт
 зәндәгьрти мабун у дьготьн:
 «Әва нә көр'е Усьв ә?» 23 Әви
 ванр'а гот: «Һуне р'аст ве готьне
 сәр Мьн бежьн: «Һ'әкимо! Дә
 һ'әкимтийе ль хвә бькә. У әв
 тыштед мә бьһистьн кө Тә
 Кәфәрнаһумеда кьрн, ль вьр
 щийе мьск'әне хвәда жи бькә».

24 У гот: «Әз р'аст вәр'а дьбежьм,
 п'ехәмбәр щийе мьск'әне хвәда
 бекәдәр ә. 25 Әз р'астийе вәр'а
 дьбежьм, гәләк жьнәби Исра-
 еледа һена Елийасда һәбун,
 чахе се сал у шәш мәһа ә'зман
 һатә гьртьне у т'әмамийа вәлетда
 бу хәлайикә гьран. 26 Ле Елийас
 кәсәкир'а нәһатә шандьне,
 пештьри жьнәбийа жь бажаре
 Сәрәпта Сайдер'а*. 27 У гәләк
 к'оти^ф жи Исраеледа һена Ели-
 ша^ф п'ехәмбәрда һәбун у жь ван
 т'ө кәс пақьж нәбу, пештьри
 Нә'мане^ф жь Сурйайе*. 28 Гава

* 4:19 Аһа жи те фә'мкьрне: «Сала қәбулкьрна Хөдан».

** 4:18-19 Ишайа 61:1-2.

* 4:25-26 П'адшати III, 17:8-16.

* 4:27 П'адшати IV, 5:1-14.

һ'әмуйед к'ъништеда эв йәк бһистьн, һерс к'этьн. ²⁹Р'абун Әв жь бажер дәрхьстьн, бьрын сәр ви ч'ийайе ль к'ө бажаре ван һатьбу чекьрьне, вәки Ви жь кәнделда бавежьн. ³⁰Ле Әв нав ванр'а дәрбаз бу чу.

Иса р'өһ'еф һ'эрам^ф дәрдыхә

(Марқос 1:21-28)

³¹Иса бәржер бу һатә бажаре Кәфәрнаһума Щәлиле у р'о-жа шәмийе әв һин дыкьрын. ³²Әв ль сәр һинкьрьна Ви зәндәгьрти мабун, чьмки хә-бәрдана Ви бь һ'өкөм бу. ³³У к'ъништеда мәрвьәк һәбу, кө р'өһ'еф щьнайи^ф һ'эрам^ф пер'а һәбу. Әви бь дәнгәки бьльнд кьрә қир'ин: ³⁴«Вәйе! Тө чь жь мә дыхвази Исайе Ньсрәте? Тө һатийи қыр'а мә бини? Әз заньм Тө к'и йи. Тө Пирозе Хвәде йи!» ³⁵Иса ле һьлат у гот: «Кәр' бә у же дәрк'әвә!» Щьн әв бәр ван ль ә'рде хьст у бе зьрардаийн жь ви дәрк'әт. ³⁶Һ'әму зәндәгьрти ман, һәвр'а дыготьн: «Әв чь готьн ә? Әв бь һ'өкөм у қәвате ә'мьри ль р'өһ'ед һ'эрам дыкә у дәрдык'әвьн?» ³⁷У бә'са Ви һ'әму дор-бәра бәла дыбу.

Иса гәләк нәхвәша қәнщ дыкә

(Матта 8:14-17;

Марқос 1:29-34)

³⁸Әв жь к'ъниште дәрк'әт чу мала Шьмһ'ун^ф. Хвәсийа Шьмһ'ун тә'л т'айеда дьнә'-лийа у бона we жь Ви һиви кьрын. ³⁹Иса сәр wer'а сәкьни, ль т'айе һьлат у т'айе же бәр'-да. Дәстхвәда р'абу сәр хвә, бәрдәсти ванр'а кьр. ⁴⁰Гава р'о дычу ава, һ'әмуйед кө шу-р'ә-шур'ә нәхвәшийед ван һәбун анинә щәм Ви. Әви дәсте Хвә дани сәр ван һәр йәки у әв қәнщ кьрын. ⁴¹Жь гәләка жи щьн дәрдык'әтьн, дыкьрынә қир'ин у дыготьн: «Тө Көр'е Хвәде йи!» Ле Иса ль ван һьлат у нәдһьшт әв хәбәр дьн, чьмки заньбун кө Әв Мәсиһ ә.

Даннасинийа

т'әмаийа Щьһустане

⁴²Сьбәһ кө зәлал бу, Иса р'абу чу щики хәвлә. Ә'лаләт ль Ви дыгәр'ийан у һ'әта щәм Ви һатьн, нәдһьштьн кө Әв дәст жь ван бьк'ьшинә. ⁴³Ле Әви ванр'а гот: «Гәрәке Әз бажаред дьнда жи Мьзгинийа

П'адшатийа^ф Хвәде бьдъм, чьмки Эз бона we йәке hatь-мә шандьне». ⁴⁴ У к'ьништед Шьһустанеда* даннасин дькьр.

**Иса гази шагьртед^ф Хвәйә
пешьн дькә**

(*Мәтта 4:18-22;*

Марқос 1:16-20)

5 ¹ Шарәке Иса ль бәр го-ла Шенисарте сәкьнибу у ә'лаләте дора Wi гьрт, кө хәбәра Хвәде бьбьһе. ² У Әви дө қәйьк дәве голе дитьн, мә'-сигьр жь ван дәрк'әтьбун у т'ор'ед хвә дьшуштьн. ³ Иса к'әтә қәйькәкә жь ван, кө йа Шьһ'ун бу, һиви жь wi кьр, кө қәйьке һьнәки жь бә-же^ф дур хә. У Әв р'унышт, жь қәйьке ә'лаләт һин кьр. ⁴ Ча-хе Әви хәбәр дана Хвә хьлаз кьр, Шьһ'унр'а гот: «Қәйьке бьбә щийе к'ур у т'ор'ед хвә бавежьнә неч'ире». ⁵ Шьһ'ун ле вәгәр'анд у гот: «Мамоста, мә т'әмамийа шәве кьр-нәкьр тыштәк нәгьрт, ле бона хатьре Тә әзе т'ор'а бавежьме». ⁶ У гава өса кьрн, һақас мә'си к'әтьне, кө т'ор'ед ван дьқәтийан. ⁷ У бь нишана гази һәвалед хвәйә

қәйька дьнда дькьрн, кө бен али ван бькьн. У әвана hatьн һәр дө қәйьк жи т'ьжи кьрн, һьндьк мабу һөқ буна. ⁸ Гава Шьһ'ун-Пәтрус әв йәк дит, хвә авитә чоке Иса у гот: «Хө-дан, дури мьн һәр'ә, әз йәки гөнәк'ар^ф ьм». ⁹ Чьмки бона ван мә'сийед гьрти хофе wi у һ'әмуьед пер'а гьртьбу, ¹⁰ өса жи Ақуб^ф у Йүһ'әннайе^ф көр'ед Зәбәди, кө һәвалед Шьһ'ун бун. У Иса Шьһ'унр'а гот: «Нәтьрсә! Жь вьр шунда те мәрьва мина мә'сийа бьгьри». ¹¹ У қәйьк дәрхьстьнә бәже, һәр тышт һьштьн пәй Wi чун.

**Иса йәки жь к'отибуне
пақьж дькә**

(*Мәтта 8:1-4; Марқос 1:40-45*)

¹² Гава Иса бажарәкида бу, ль вьр мәрвьәки сәрдапеда к'оти һәбу. Чахе әви Иса дит, хвә дәвәр'уйа авит же лава кьр у гот: «Хөдан! һәгәр бьхвази, Тө дькари мьн пақьж ки». ¹³ У Иса дәсте Хвә дьреж кьре, ле к'әт у гот: «Әз дьхвазьм. Пақьж бә!» У дәстхвәда к'отибун же чу. ¹⁴ Иса т'әми да wi, кө ве йәке кәсир'а нәбежә, ле гот:

* 4:44 Нав һьнәк дәстньвисарада аһа йә: «Щәлиледа».

«Һәр'ә хвә нишани к'аһин кә у чава Муса т'әми дайә, һ'әди-йа пақьжбуна хвә бьдә, вәки һ'әмуяр'а бьбә шә'дәти, кә тә пақьж буйи». ¹⁵ Нав у дәнге Иса һе бәла дьбу у п'ьр' ә'лаләт дьщвийа кә гөһдарийа Ви бькьн у жь нәхвәшийед хвә қәнщ бьн. ¹⁶ Ле Әви Хвә ль щийе хәвлә дьгьрт у дәа дькьр.

Иса шьлушә'тәки қәнщ дькә у гөнед ви дьбахшинә

(*Мәтта 9:1-8; Марқос 2:1-12*)

¹⁷ Р'ожәке чахе Әви һин дькьр, ферьси^ф у дәрсаред Қануне жи р'уньштьбун, кә жь һ'әму гөндәд Щәлиле, Щьһустане у жь Оршәлиме һатьбун. Қәвата Хөдан һазьр бу, вәки Иса нәхвәшед ван қәнщ бькә. ¹⁸ Ве дәме чәнд мәрийа йәки шьлушә'т ньвинева анин у дьхвәстьн әв бьбьрана һьндөр' у ль бәр Иса данина. ¹⁹ У гава вана жь дәст ә'лаләта гьран т'ө р'е нәдитьн кә ви биньнә һьндөр', р'абунә сәр хени, к'әрмид вәкьрн, ньвинева дахьстьнә нава мале, ль бәр Иса. ²⁰ Гава Әви бавәрийа ван дит, готә йе шьлушә'т: «Ә'вдо, гөнәд тә һатьнә бахшандьне». ²¹ Қанунзан у ферьсийа дәстпекьр

фькьрин у һәвр'а готьн: «Әв к'и йә аһа Хвәде бөһөрмәт дькә? Пештьри Хвәде к'и дькарә гөна бьбахшинә?» ²² Фькьред ван Исава ә'йан бун у ль ван вәгәр'анд гот: «Һун чь дьле хвәда дьфькьрн? ²³ К'ижан р'ьһ'әт те готьне: «Гөнәд тә һатьнә бахшандьне», йан: «Р'абә у бьгәр'ә?» ²⁴ Ле вәки һун бьзаньбьн кә һ'өкөме Көр'е^ф Мерьв һәйә ль сәр дьне гөна бьбахшинә», готә йе шьлушә'т: «Әз тәр'а дьбежьм, р'абә ньвина хвә һьлдә һәр'ә мала хвә». ²⁵ Әв жи бәр ч'ә'ве ван пер'а-пер'а р'абу у ньвина кә ль сәр п'алдаи бу һьлда чу мала хвә у шькьри дьда Хвәде. ²⁶ Һ'әму һ'әйр-һ'өжмәк'ар ман у шькьри дьданә Хвәде, бь хофа мәзьн дьготьн: «Иро мә тыштед нәбуи дитьн».

Иса гази Леви^ф дькә

(*Мәтта 9:9-13;*

Марқос 2:13-17)

²⁷ Пәй ве йәкер'а Иса дәрк'әт, ль щийе хәрщһьлдәне хәрщгьрәки р'уньшти дит кә наве ви Леви^ф бу у готе: «Пәй Мьн вәрә». ²⁸ Әви жи һәр тышт һьшт, р'абу пәй Ви чу. ²⁹ Леви мала хвәда һөрмәтәкә мәзьн жер'а

кър. Т'эви ван гэлэк хэрщгър у
 һнәкед майин жи ль сәр сьф-
 ре р'унышт'бун. ³⁰Ферьсийа у
 қанунзанед ван бина хвә тәнг
 кърн у шагъртед^ф Вир'а готн:
 «Чьма һун т'эви хэрщгър у гө-
 нәк'ара дьхвн у вәдхвн?»
³¹Иса ль ван вәгәр'анд у гот:
 «Сахләм нә һ'әвшә һ'әким ын,
 ле нәхвәш. ³²Эз нәһатъмә гази
 йед р'аст кьм, ле гази гөнәк'ара
 бона т'обәйийе^ф».

Пьрса р'ожигъртне

(*Мәтта 9:14-17; Марқос 2:18-22*)

³³Вана жь Иса пьрси: «Чьма
 шагъртед Йүһ'әнна у өса жи йед
 ферьсийа т'ьме р'ожи дьгърн
 у дөа дькн, ле шагъртед Тә
 дьхвн у вәдхвн?» ³⁴Әви
 жи готә ван: «Һун дькарын
 бежьнә хвәндийед дә'ватә:
 <Р'ожи быгърн>, һ'әта кә зә'ва
 т'эви ван ә? ³⁵Ле р'оже бен, гава
 зә'ва жь ван бе һьлдане, һнге
 ван р'ожада we р'ожи быгърн».

³⁶Әви мәсәләк жи ванр'а гот:
 «Кәсәк жь п'арч'е ну набър'ә у
 к'ьнща кәвн п'инә накә. Һәгәр
 өса бькә, һн п'арч'е ну дьқә-
 лешә, һн жи кәвн у ну ль һәв

накн. ³⁷У нә жи кәсәк шәрава
 ну дькә мәшкәд кәвн. Һәгәр
 өса бькә, шәрава ну we мәшка
 бьт'әдинә у бьр'ьжә, мәшке жи
 хьраб ьн. ³⁸Ле гәрәке шәрава
 ну бькнә мәшкәд ну*. ³⁹У кәсәк
 пәй шәрава кәвнр'а нахвәзә
 йа ну вәхвә, чьмки йа кәвн
 һе ле хвәш те».

Пьрса р'ожа^ф шәмийе

(*Мәтта 12:1-8;*

Марқос 2:23-28)

6 ¹Р'ожәкә шәмийе Иса на-
 ва зәвийар'а дәрбаз дьбу,
 шагъртед Ви сьмбьлед гәнъм
 дьчьнин, дәстед хвәда дьфь-
 рькандьн у дьхварьн. ²Ле жь
 ферьсийа һнәка гот: «Чьма
 һун тыште нәщайизи р'ожа^ф
 шәмийе дькн?» ³Иса ль ван
 вәгәр'анд у гот: «Wә нәхвән-
 дийә кә Давьд чь кър, гава әв
 у йед пер'а бьр'чи бун? ⁴Нә
 әв к'әтә Хана^ф Хвәде у нане^ф
 Хвәдер'а дайи һьлда, һн хвәха
 хвар, һн жи да йед т'эви хвә,
 вәки т'ө кәсир'а нә щайиз бу
 бьхвара, пештьри к'аһина?»*
⁵У вәгәр'ийа ванр'а гот: «Көр'е
 Мервь Хөдане шәмийе йә жи».

* ^{5:38} Нав һнәк дәстньвисарада аһа йә: «Кә һәр дө жи бенә хвәйкърне».

* ^{6:4} Қануна К'аһинтийе 24:9; П'адшати I, 21:1-6.

**Иса р'ожа шәмийе мәрве кө
дәсте ви к'шийабу**

қәнш дькә

(*Мәтта 12:9-14; Марқос 3:1-6*)

6 У р'ожа шәмикә дьн Иса чу к'ъниште, кө һин бькә. Мәрвәк ль вьр һәбу, кө дәсте вийи р'асте к'ъшийабу. 7 Ч'э'ве қанунзан у ферьсийа ль сәр Ви бун, гәло we р'ожа шәмийе нәхвәша қәнш кә йан на, wәки мә'никә ван һәбә, кө хәйба Ви бькьн. 8 Ле фькьред ван Исава э'йан бун у ви мәрве дәстк'ъшийайир'а гот: «Р'абә ве говәке бьсәкьнә». Эw жи р'абу сәкьни. 9 Ынге Иса ванр'а гот: «Әзе пьрсәке жь wә бькьм. Р'ожа шәмийе чь шайиз ә бькьн: Қәнши йан хьраби, р'öh'әки хьлаз кьн йан онда кьн?» 10 У Иса ль һ'әмуйед дора Хwә ньһер'и, ви мәрвир'а гот: «Дәсте хwә дьреж кә». Эwi жи өса кьр у дәсте ви диса қәнш бу. 11 Ынге wана жь һерса хwә дьхвар, нав һәвда дьшевьрин, кө чь биньнә сәре Иса.

Бьжартьна

һәр донздәһ шандийа^ф

(*Мәтта 10:1-4; Марқос 3:13-19*)

12 Ван р'ожада Иса чу сәре ч'ийе, кө дөа бькә у т'эмаийа

шәве бәр Хwәде бь дөа дәрбаз кьр. 13 Чахе сьбәһ зәлал бу, Эwi гази шагьртед Хwә кьрьн у донздәһ мәрвь жь нав ван бьжартьн, кө навед ван жи «шанди^ф» дани: 14 Шьмһ'уне кө наве ви дани Пәтрус^ф у бьре wi Эндравьс, Ақуб у Йуһ'әнна, Филипо у Бәртоломәйо, 15 Мәтта у Т'ума, Ақубе^ф һалфawо у Шьмһ'уне кө wәлатп'арьст^ф дьһатә готьне. 16 Щьһудайе Ақуб у Щьһудайе^ф Исхәрийоти, кө нәмаийа^ф Ви кьр.

**Иса даннасин дькә,
һин дькә у қәнш дькә**

(*Мәтта 4:23-25*)

17 Эw бь т'эви ван бәржер бу һат, р'астәке сәкьни. Ль we дәре к'омәкә шагьртайә мәзьн у щьм'әтәкә гьран жь т'эмаийа Щьһустане, Оршәлиме у жь дәве бә'ра Суре у Сайде щьвийайи бун. 18 Эwана һатьбун, wәки гөһдарийа Ви бькьн у жь нәхwәшийед хwә қәнш бьн. У йед жь р'öh'ед һ'эрам щәфа дьк'ьшандьн жи қәнш дьбун. 19 У т'эмаийа ә'лаләте жи дьшә'данд, wәки дәсте хwә бьдана Ви, чьмки қәwат жь Ви дәрдьк'әт у һәр кәс жь ван қәнш дьбу.

Йед хвэзъли у нэ хвэзъли

(Матта 5:1-12)

²⁰ Иса бэре Хвэ да шагъртед
Хвэ у гот:

«Хвэзи ль вэ фэқира,
чъмки П'адшатийа^ф Хвэде
йа вэ йэ.

²¹ Хвэзи ль вэ, кӧ хун ньһа
брь'чи нэ,
чъмки хуне т'ер бьн.
Хвэзи ль вэ, кӧ хун ньһа
дыгьрин,
чъмки хуне бьк'эньн.

²² Хвэзи ль вэ, гава хун бона
Кӧр'е Мерьв бэр ч'э'ве
мэрийа р'эш бьн,
гава вэ қэбул нэкьн, вэ
behӧрмэт кьн
у наве хьраб сэр вэ дэрхьн.

²³ У р'оже эшқ бьн у жь шабуна
бьра ньгед вэ э'рд нэгьрэ, чъм-
ки ва һэде вэ ль э'змен гэлэк
э, чъмки кал-бавед ван жи
сэре п'ехэмбэра өса дькьрын.

²⁴ Ле вэй ль вэ дэвлэтийа,
чъмки хун гьһиштьнэ мэ-
рэме хвэ.

²⁵ Вэй ль вэ, кӧ хун ньһа т'ер
ьн,
чъмки хуне бьр'чи бьн.
Вэй ль вэ, кӧ хун ньһа дь-
к'эньн,

чъмки хуне бьгьрин у шине
бькьн.

²⁶ Вэй ль вэ, кӧ һ'эму мэрьв
бона вэ қэнш хэбэр дьдьн,
чъмки кал-бавед ван жи
п'ехэмбэред дэрэвр'а өса
дькьрын.

Дьжмьнед хвэ һ'ыз бькьн

(Матта 5:38-48; 7:12a)

²⁷ Ле Эз вэр'а, йед кӧ дьбь-
һен дьбежъм, дьжмьнед хвэ
һ'ыз бькьн, хернэхвазед хвэр'а
қэншийе бькьн. ²⁸ Ньфьр'кьред
хвэ бьмбарэк кьн у бона йед
хьрабийе вэ дькьн, дӧа бькьн.
²⁹ Һэгэр йэк р'уйе тэ хэ, йе
дьн жи бьдэ бэр у йе кӧ п'оте
тэ жь тэ бьстинэ, кьрасе хвэ
жи жер'а бьһелэ. ³⁰ Бьдэ ви,
к'и жь тэ дьхвазэ у к'и жь тэ
дьстинэ пашда нэхвазэ. ³¹ У
чава хун дьхвазьн мэрьв бона
вэ бькьн, хун жи өса ванр'а
бькьн. ³² Һэгэр хун ван һ'ыз
бькьн, к'ижан кӧ вэ һ'ыз дь-
кьн, чь фэйдэ? Нэ гӧнэк'ар
жи ван һ'ыз дькьн, к'ижан кӧ
ван һ'ыз дькьн? ³³ У һэгэр хун
қэншикьред хвэр'а қэншийе
бькьн, чь фэйдэ? Нэ гӧнэк'ар
жи өса дькьн? ³⁴ У һэгэр хун
дэйн дьдьнэ йед өса, жь к'ижана

гөмана вә һәйә пашда бьстиньн, чь фәйдә? Нә гөнәк'ар жи дәйн дьднә гөнәк'ара, кә диса һақаси пашда бьстиньн? ³⁵ Ле һун дьжмьнед хвә һ'ыз бькьн, қәнщийе бькьн, дәйн бьдн у һивийа вәгәр'андьне нәминьн. Һәде вәйе гәләк бә у һуне бьбьнә зар'ед Йе Һәри Жорьн. Чьмки Әв бона бешекьра жи, нәр'аста жи қәнщ ә. ³⁶ Дьлр'ә'м бьн, чава Баве^ф вә дьлр'ә'м ә.

**Һинкьрна дәрһәқа
ломәкьрнеда^ф**
(Мәтта 7:1-5)

³⁷ Лома нәкьн у ломәйе ль вә нәбьн, нәһәқийе нәкьн, нәһәқи ве ль вә нәбә, бьбахшиньн вәр'а ве бе бахшандьне. ³⁸ Бьдн, вәр'а ве бе дайине, бь пиванәкә т'ьжи һ'әжанди, дөвьсанди, сәри қуч' ве бькьнә п'еша вә. Чьмки бь чь чапе һун бьпивьн, бь ве жи вәр'а ве бе пиване». ³⁹ Әви мәсәләк жи ванр'а гот: «Гәло кор дькарә р'ебәрийе кора бькә? Нә һәр дөйе жи бьк'әвьнә ч'ә'ле? ⁴⁰ Шагьрт жь дәрсдаре хвә нә мәстър ә, ле әве кә хвәндьна хвә р'ьнд пек тинә, дькарә мина дәрсдаре хвә бә. ⁴¹ Тө

чьма қыршьке ч'ә'ве бьре хвәда дьбини, ле к'еране ч'ә'ве хвәда набини? ⁴² Йан жи чава тө дькари бежи бьре хвә: «Бьра, бьһелә кә әз қыршьк жь ч'ә'ве тә дәрхьм», ле тө к'еране ч'ә'ве хвәда набини? Дөр'у! Пешийе к'еране ч'ә'ве хвә дәрхә. Паше те қәнщ бьбини кә чава қыршьк жь ч'ә'ве бьре хвә дәрхи.

Дар у бәре ве

(Мәтта 7:17-20; 12:34б, 35)

⁴³ Дара қәнщ бәре хьраб надә, нә жи дара хьраб бәре қәнщ. ⁴⁴ Һәр дар жь бәре хвә те наскьрьне, кәсәк жь стьрийа һежира начьнә у нә жи жь дьр'ийе тьрийа. ⁴⁵ Мәрьве қәнщ, жь хьзна дьле хвәйи қәнщ, қәнщийе дәртинә, ле мәрьве хьраб, жь хьзна дьле хвәйи хьраб хьрабийе дәртинә. Чьмки дьле ви чьва т'ьжи йә зар жи әве дьбежә.

Һ'имед дө мала
(Мәтта 7:24-27)

⁴⁶ Һун чьма Мьнр'а «Хөдан! Хөдан!» дьбежьн у ван тыштед кә Әз вәр'а дьбежьм накьн? ⁴⁷ Һәр кәсе кә те щәм Мьн готьнед Мьн дьбьһе у дьқәдинә, Әз вәр'а бежьм мина

к'е йә. ⁴⁸Әу мина мәрвәки йә, йе кә мале чедькә, әрде дык'олә к'ур дыкә, һ'име ве ль сәр кевьр дати́нә. У гава лейи^ф р'адьбә, ч'әм ль ве мале дьхә, әу наһ'әжә, чьмки р'ьнд һатъбу чекьрьне. ⁴⁹Ле әве хәбәрәд Мьн дыбьһе у нақәдинә, мина мәрвәки йә, йе кә сәр хвәли-йе бе һ'им мале хвәр'а чедькә. Гава ч'әм ле дьхә, дәстхвәда һьлдыше, веран дыбә, ль бәр мират'е дьчә».

**Иса хөламе сәрсәдәки^ф
қәнш дыкә**

(*Мәтта 8:5-13; Йуһ'әнна 4:43-54*)

7 ¹Гава Иса әу готьнед кә ве гөһдарар'а быгота хьлаз кьрын, чу Кәфәрнаһуме. ²У хөламе сәрсәдәки^ф, кә бона ви йәки һежа бу, нәхвәш бәр мьрьне бу. ³Гава әви бона Иса бьһист, р'успийед^ф щьһуйа^ф шандьнә щәм Ви у же һиви кьр, кә бе хөламе ви хьлаз кә. ⁴Әвана һатьнә щәм Иса, гәләки һиви же кьрын у готьн: «Әу һежа йә кә Тө әве қәншийе жер'а бьки, ⁵чьмки әу мьләте мә һ'ыз дыкә у к'ь-ништ жи бона мә чекьрийә». ⁶Һьнге Иса т'әви ван чу. Гава незики мале бу, сәрсәд чәнд

достед хвә шандьнә пешийа Ви, Вир'а гот: «Хөдан, зә'мәте нәбинә, чьмки әз нә һежа мә кә Тө бейи мала мьн. ⁷Бона ве йәке мьн хвә лайиқи Тә нәгьрт, кә бьһатама пәй Тә жи. Т'әне хәбәрәке бежә у хөламе мьне қәнш бә. ⁸Чьмки әз хвәха жи мәрвәки бьн һ'өкөмда мә у бьн дәсте мьнда жи әскәр һәнә. Әз йәкир'а дыбежьм: <Һәр'ә>, дьчә, йәки дьнр'а дыбежьм: <Вәрә>, те у жь хөламе хвәр'а дыбежьм: <Әви тышти бькә>, дыкә». ⁹Гава Иса әв йәк бьһист, сәр ви зәндәгьрти ма у вәгәр'ийа сәр ве щьмә'та кә пәй Ви дьчу, гот: «Әз вәр'а дыбежьм, Мьн Исраеледа жи бавәрикә аһа йәкида нәдитийә». ¹⁰У әвед шанди вәгәр'ийанә мал, дитьн кә ве әу хөлам қәнш буйә.

Сахбуна көр'е жьнәбийе

¹¹Р'ожәкә дьн Иса чу бажәрәки, кә наве ви Найин бу у шагьртед Ви жи т'әви ә'лаләтәкә гьран Вир'а дьчун. ¹²Гава незики дәргәһе бажер бу, ва мьрик дәрдьхьстьн. Әу көр'е жьнәбикә тайе т'әне бу у гәләк һәвари жи жь бажер пер'а дьчун. ¹³Гава Хөдан де дит, гөне Ви ле һат у вер'а гот: «Нәгьри».

¹⁴Әу незики дарбәсте бу гьрт у әвед кӧ дьбрьн сәкънин, Иса гот: «Хорто! Әз тәр'а дьбежъм, р'абә!» ¹⁵Мьри р'абу р'уньшт, дәстпекър хәбәр да у Иса әв да дийа ви. ¹⁶У сав к'әтә сәр һ'әмуя, шькъри дьданә Хвәде у дьготьн: «П'ехәмбәрәки мәзьн нава мәда дәрк'әтийә!» у: «Хвәде сәрик дайә мьләте Хвә!» ¹⁷Нав у дәнге Ви т'әма-мийа Щьһустане у дор-бәре we бәла бу.

Иса шаба пьрса
Йуһ'әннайе ньхӧмдар дьдә
(*Матта 11:1-19*)

¹⁸Шагьртед Йуһ'әнна Йу-һ'әннар'а бона ван һ'әму тышта готьн. Йуһ'әнна жи гази дӧ ша-гьртед хвә кър ¹⁹у әв шандьнә щәм Хӧдан, вәки же бьпърсын: «Тӧ Әв и, Йе кӧ гәрәке бьһата, йан әм һивийа йәки дьн бьн?» ²⁰Әв мәри һатьнә щәм Иса у готьн: «Йуһ'әннайе ньхӧмдар^ф әм шандьнә щәм Тә, кӧ жь Тә бьпърсын, Тӧ Әв и, Йе кӧ гәрәке бьһата, йан әм һивийа йәки дьн бьн?» ²¹У we дәме Иса гәләк жь нәхвәшийа, дәрба, жь р'ӧһ'ед хьраб қәнщ кьрын

у ч'ә'вед гәләк кора вәкьрын. ²²Иса ль ван вәгәр'анд у гот: «Һәр'ьн, чь кӧ wә дит у бьһист Йуһ'әннар'а бежьн: Кор дь-биньн, сәқәт дьгәр'ьн, к'оти пақьж дьбьн, кәр' дьбьһен, мьри р'адьбьн у фәқирар'а жи Мьзгини те дайине. ²³У хвәзи ль ви, кӧ жь Мьн п'ьшк набә».

²⁴Гава әвед кӧ Йуһ'әнна шандьбун чун, Иса бона Йу-һ'әнна ә'лаләтер'а дәстпекър гот: «Һун дәрк'әтьнә бәр'ийе чь бьбиньн? Қамишәки^ф кӧ жь байе дьһ'әжә? ²⁵Йан дәрк'әтьн чь бьбиньн? Мәрвьәки к'ьнше назьк^ф ль хвә кьри? Нә әвед кӧ к'ьнше назьк хвә дькьн у ә'мьре р'ьнд дәрбаз дькьн, әв малед п'адшада нә? ²⁶Йан һун дәрк'әтьн чь бьбиньн? П'ехәм-бәрәки? Бәле, Әз вәр'а дьбежъм, жь п'ехәмбәрәки жи мәстър ә. ²⁷Әва әв ә, бона к'ижани нь-висар ә: «Ва йә Әзе қасьде Хвә пешийа Тәва бышиньм. Әве р'ийа Тә пешийа Тәва һазьр кә»*. ²⁸Әз вәр'а дьбежъм, жь нава әвед кӧ жь к'ӧлфәта дьне к'әтьнә, т'ӧ кәс жь Йуһ'әнна мәстър нәбуйә, ле П'адшатийа Хвәдеда йе һәри бьч'ук жь ви

* ^{7:27} Малахи 3:1.

мәстър ә». ²⁹ Гава т'эмамия шьмә'те, өса жи хәршгъра әв йәк бһист, т'ъвдира Хвәде р'аст һ'эсаб кърн, чьмки бь нхөмандьна Йуһ'әнна һатьбу-нә нхөмандьне. ³⁰ Ле ферьси у қанунзана бона хвә т'ъвдира Хвәде т'эхсир^ф кърн, чьмки вана нәхвәст кә жь Йуһ'әнна бенә нхөмандьне.

³¹ Иса сәрда зедә кър гот: «Әз мәрвөд ви ньсьли мина чь бышьбиньм? Йан әв мина чь нә? ³² Әв мина ван зар'а нә, йөд кә базарөда р'уньшти нә, гази һөвдө дькьн у дьбежьн: «Мә бона вә зөр'не хьст, һун нәр'әқьсин у бона вә бөйт^ф гот, һун нәгърийан». ³³ Йуһ'әннайә нхөмдар һат, нә нан дьхвар, нә жи шәрәв вәдхвар*, вә дь-гот: «Шьн вида һәйә». ³⁴ Көр'е Мерьв һат, дьхвә у вәдхвә, һун бона Ви дьбежьн: «Ва Әв йәки пәй хварьн у вәхварьне к'әти йә, досте хәрщгър у гөнәк'ара йә». ³⁵ Ле һ'әмуйөд кә пәй сәрвахтийә дьчьн әв к'ьфш дькьн кә сәрвахти р'аст ә*».

Иса мала Шьмһ'унда к'өлфәта гөнәк'ар дьбахшинә

³⁶ Йәки ферьси һиви жь Иса кър, кә т'әви ви хварьне бьхвә. Әв жи чу мала ви ферьсийи, сәр сьфре р'уньшт. ³⁷ У ви бажарида к'өлфәтәкә ч'ә'в-дәр^ф һөбу. Гава ве бһист кә Әв мала ферьсида сәр сьфре р'уньштийә, дәрданәкә^ф ала-бастьрейи р'уне бинхвәш ани, ³⁸ пыштева бәр ньгөд Ви сәкьни гърийа, бь һесьред хвә ньгөд Ви шьл кърн у бь п'ор'е сәре хвә жи зьһа кърн. Паше ньгөд Ви р'амусан, бь р'уне бин-хвәш жи р'ун^ф кърн. ³⁹ Гава ви ферьсийә кә әв т'әглиф кърбу әв йәк дит, дьле хвә-да гот: «Һөгәр Әва п'ехәмбәр буйа, ве бьзаньбуйа кә к'и йә у йәкә чава йә дәсте хвә дайә Ви», чьмки йәкә ч'ә'вдәр бу. ⁴⁰ Иса вир'а гот: «Шьмһ'ун, Әз дьхвазьм тыштәки тәр'а бежьм». Әви жи гот: «К'әрәм кә бежә, дәрсар». Иса гот: ⁴¹ «Дө дөйндарөд йәки һөбун,

* 7:33 Йуһ'әннайә нхөмдар йәки «нәзир^ф» дьһатә һ'эсабе.

* 7:35 Бь йунани хәбәр бь хәбәр аһа йә: «Сәрвахти жь һ'әму зар'өд хвә р'аст к'ьфш дьбә». Ынәк жи аһа фә'м дькьн: «Сәрвахти жь һ'әму ә'мәләд хвә к'ьфш дьбә кә әв р'аст ә».

йәк пенсыд зиви^ф дәйндаре ви бу, йәк жи пенши. ⁴² Ле чьмки тыштәки ван т'өнәбу кә дәйне хвә быдана, әви бахшандә һәр дөйа жи. Ньһа жь ван һәр дөйа к'ижане гәләки ви һ'ыз бькә?» ⁴³ Шьмһ'ун ле вәгәр'анд у готе: «Т'әхмина мьн әве кә гәләк жер'а һатә бахшандьне». Иса вир'а гот: «Тә р'аст те дәрхьст». ⁴⁴ У сәр к'өлфәтеда вәгәр'ийа, Шьмһ'унр'а гот: «Ве к'өлфәте тә дьбини? Әз һатьмә мала тә, бона ньгед Мьн тә ав нәда, ле әве бь һесьред хвә ньгед Мьн шьл кьрын у бь п'ор'е сәре хвә жи зьһа кьрын. ⁴⁵ Тә р'амусанәк нәда Мьн, ле жь һынгева кә Әз һатьмә вьр, әве дәст жь р'амусана ньгед Мьн нәк'ышандийә. ⁴⁶ Тә сәре Мьн р'ун^ф нәкьр, ле әве бь р'уне бинхвәш ньгед Мьн р'ун кьрын. ⁴⁷ Бона ве йәке Әз тәр'а дьбежьм, гөнәд ве кә гәләк бун һатьнә бахшандьне, ләма әве гәләк һ'ыз кьр. Чьмки к'ер'а гәләк тенә бахшандьне, гәләк жи һ'ыз дькә. Ле к'ер'а һьндьк тенә бахшандьне, әв һьндьки һ'ыз дькә». ⁴⁸ У wer'а гот: «Гөнәд тә һатьнә бахшандьне». ⁴⁹ Ынгә әвед кә т'әви Ви сәр сьфре р'уныштьбун нав хвәда

дьготьн: «Әва к'и йә, һ'әта кә гөна жи дьбахшинә?» ⁵⁰ У Иса ве к'өлфәтер'а гот: «Бавәри-йа тә тә хьлаз кьри. Бь хер у сьламәт һәр'ә».

К'өлфәтед кә пәй Иса дьчун

8 ¹ Пәй ве йәкер'а Иса гөнд у бажара дьгәр'ийа, данна-син дькьр, Мьзгинийа П'адшати-йа Хвәде дьда у һәр донздәһ шагьрт жи Пер'а бун, ² өса жи чәнд к'өлфәтед кә жь р'өһ'ед хьраб у нәхвәшийа қәнщ бьбун: Мәрийәма кә жер'а Мәждәлани дьготьн, йа кә һ'әфт шьн же дәрк'әтьбун ³ у Йоһана, жьна Хузайе вәк'илхәрщә^ф мала һеродәс, Сосьн у гәләкед ма-йин, кә вана бь һәбука^ф хвәва ванр'а бәрдәсти дькьрын.

Мәсәла т'охьмр'әш^ф

(*Мәтта 13:1-9; Марқос 4:1-9*)

⁴ У гава ә'лаләтәкә гьран жь гәләк бажара щәм Иса щьвийа, Әви мәсәләк гот: ⁵ «Т'охьмр'әш^ф р'абу чу кә т'охьм бьр'әшинә. Гава дьр'әшанд, һьнәк к'әтьнә дәве р'е һатьнә п'епәскьрьне у тәйрәдед ә'змен һатьн әв хварьн. ⁶ У һьнәк жи к'әтьнә щийе кәвьри, гава шин бун, жь дәст кемасийа шьлайе һ'ышк

бун. ⁷У һьнэк жи к'этьнэ нава стьрийа, стьри жи пер'а шин бун у эw хэньqандьн. ⁸Һьнэкед дьн жи к'этьнэ нава э'рде qэнщ у шин бун, сэд шар бэр дан». Гава эв йэк гот, кьрэ гази: «Göhe к'ейи бьһистьне һэйэ бьра бььһе!»

Иса чьма бь мәсэла

хэбэр дьдэ

(Матта 13:10-17;

Марqос 4:10-12)

⁹Шагьртед Wi же пьрсин: «Мэ'на эве мәсэла чь йэ?»
¹⁰Эви гот: «Wэр'а һатийэ дайине, кö һун сөр'ед П'адшатийа Хwэде бьзаньбьн, ле йед майинр'а бь мәсэла те хэбэрдане кö: <Бьньһер'ьн у нэбиньн, бььһен у фэ'м нэкьн>*.

**Шьровэкьрына
мәсэла т'охьмр'эш**

(Матта 13:18-23;

Марqос 4:13-20)

¹¹Эвэ мэ'на ве мәсэла: Т'охьм хэбэра Хwэде йэ. ¹²Т'охьмед кö к'этьнэ дэве р'е эw ьн, йед кö хэбэре дььһен, ле мирещьн те хэбэре жь дьле ван дэрдьхэ, кö нэбэ бawэр бькьн у хьлаз^ф

бьн. ¹³Т'охьмед кö к'этьнэ щийе кэвьри эw ьн, йед кö гава хэбэре дььһен, бь эшq у ша qэбул дькьн. Ле чьмки р'awед ван т'өнэнэ, дэмэкэ кьн бawэр дькьн у wэхте щер'ьбандьне дьк'эвьн. ¹⁴Т'охьмед кö к'этьнэ нава стьрийа эw ьн, йед кö хэбэре дььһен, хэмед дьнева, дэвлэт у шабуна ви э'мьрива мьжул дььһн, дьхэньqьн у бэред ван нагьһижьн. ¹⁵У т'охьмед к'этьнэ нав э'рде qэнщ эw ьн, йед кö бь дьле сах у qэнщ хэбэре дььһен, дьле хwэда хwэй дькьн у бь сэбьр бэре хwэ дьдьн.

Ч'ьра сэр п'еч'ьре^ф

(Марqос 4:21-25)

¹⁶Т'ö кэс ч'ьра вехьсти накэ бьн фьраqе, нэ жи дькэ бьн щиньвине, ле датинэ сэр п'еч'ьре^ф, wэки эwед кö дьк'эвьнэ һьндөр', р'онайе бьбиньн. ¹⁷Чьмки тыштэки вэшарти т'өнэ кö дэрднэйе у нэ жи тыштэки дьзива, кö хöйа нэбэ у нэйе бэр р'онайе. ¹⁸Awa дина хwэ бьдье кö һун чава дььһен, чьмки к'ер'а кö һэйэ, we he ле зедэ бэ у к'ер'а кö т'өнэ, эве кö wi т'ьре һэйэ жи, we же бе стандьне».

* 8:10 Ишайа 6:9.

Де у бьрайед Иса*(Матта 12:46-50;**Марқос 3:31-35)*

19 Ынге де у бьрайед Ви хатьнэ щэм Ви, ле жь дэст зэ'фбуна э'лалэте нькарьбун незики Ви буна. 20 Щаб данэ Ви кӧ: «Дийа Тэ у бьрайед Тэ дэрва сэкьни нэ у дьхвазьн Тэ бьбиньн». 21 Эви жи ль ван вӧгэр'анд у гот: «Де у бьрайед Мьн эв ын, йед кӧ хэбӧра Хвӧде дьбьнен у дьқәдиньн».

Иса фьртоне^ф дьсәқьр'инэ*(Матта 8:23-27; Марқос 4:35-41)*

22 Р'ожәке Иса шагьртед Хвӧва к'этэ қәйьке у готэ ван: «Эм дәрбази ви бәри голе бьн». У р'ек'этьн. 23 Гава қәйькеда дьчун, Эв хәвр'а чу. У фьртонәк^ф ль голе р'абу, қәйьк т'ьжи ав дьбу, эв қәзийеда бун. 24 Ынге шагьрт незики Ви бун, Эв һ'ьшйар кьрын у готьне: «Мамоста, Мамоста! Эм онда дьбьн!» Эв р'абу, ль байе у пелед аве һьлат, эв сәкьнин у сәқьр'ин. 25 Ынге Эви ванр'а гот: «Бавәрийа вә к'ане

йә?» У вана бь хоф, э'щембайи һәвр'а готьн: «Гәло эв к'и йә, кӧ э'мьри сәр бе у аве жи дькә у ельми^ф Ви дьбьн?»

Иса йәки щьнак'әти^ф**қәнщ дькә***(Матта 8:28-34; Марқос 5:1-20)*

26 Эвана бь қәйьке чунэ т'опраход Гьрасине, пешбәри Щәлиле. 27 Гава Эв дәрк'этэ бәже, жь ви бажари мәрвәкдәрк'этэ пешийа Ви, кӧ щьн нав вида бун. Эви зува нэ к'ьнщ ль хвӧ дькьрын у нә жи малда дьсәкьни, нава гор'ьстанада дьма. 28 Гава әви Иса дит, кьрә қир'ин к'этэ бәр Ви у бь дәнгәки бьльнд гот: «Тӧ чь жь мьн дьхвази Исайе Кӧр'е Хвӧдеие һәри Жорьн? Эз р'әша жь Тә дькьм, мьн нәдә щәфе!» 29 Чьмки Иса э'мьри сәр р'ӧһ'е һ'әрам кьрьбу, кӧ жь ви мәрви дәрк'әвә. Эв гәлөк щара щьна дьк'әт, гава бь қәйд у зьнщира жи гьредьдан, әви диса қәйд дьқәтандьн у щьна эв чола дьхьст. 30 Ынге Иса жь ви пьрси у готе: «Наве тә чь йә?» Эви гот: «К'омәскәр*», чьмки гәлөк щьн к'әтьбунә нава

* 8:30 Бь йунани хәбәр бь хәбәр аһа йә: «Легейон», аһа готи «к'омәкә щьнайә бей'әсаб».

ви. ³¹ У шына лава Ви дькър, кӧ э'мър нӧкӧ эв хӧр'ьнӧ гӧлийе^ф хӧй-вайе. ³² Ль ви шийи сурики бӧразайи мӧзын хӧбу, кӧ сӧре ч'ийе дьч'ерийа. Шына р'ӧща же дькър, кӧ изьне бьдӧ ван, эв хӧр'ьн бьк'ӧвьнӧ нава бӧраза. Эви изьн да. ³³ У шын жь нав ви мӧрвы дӧрк'ӧтън, чун к'ӧтънӧ нава бӧраза у эв сури жорда р'ӧви, хвӧ жь кӧнделда авитьнӧ голе хӧньцин. ³⁴ Гава бӧразвана эв йӧк дит, р'ӧвин чунӧ бажар у гӧнда, эв йӧк гьли кьрын. ³⁵ Мӧрвь р'ӧбун чун, кӧ тыште буйи бьбиньн. Гава хӧтънӧ щӧм Иса, дина хвӧ дане, ве эв мӧрвы кӧ шын же дӧрк'ӧтъбун, к'ьнще ви ле, сӧр х'ьше хвӧда хӧти, ль бӧр ньгед Иса р'унышти йӧ. Хьнге эв тырсийан. ³⁶ Эвед кӧ эв йӧк дитьбун, йед майинр'а готын, кӧ чава эви шынак'ӧти^ф рӧнш бу. ³⁷ Хьнге х'ӧму бьнӧлийед^ф дор-бӧред Гьрасине хиви жь Иса кьрын, кӧ жь ван дур к'ӧвӧ, чьмки савӧкӧ мӧзын эв гьртьбун. Эв жи к'ӧтӧ рӧйьке

у пашда вӧгӧр'ийа. ³⁸ Ле эв мӧрвы кӧ шын же дӧрк'ӧтъбун лава Ви кьр, кӧ эв жи т'ӧви Ви хӧр'ӧ. Ле Иса эв вӧр'екьр у гот: ³⁹ «Вӧгӧр'ӧ мала хвӧ у чь кӧ Хвӧде бона тӧ кьр гьли кӧ». У эв чу, чь кӧ Иса бона ви кьрьбу т'ӧмамыйа бажерда дьгот у дькьрдӧ дӧнги.

Qиза мьри у к'ӧлфӧта нӧхвӧш
(*Матта 9:18-26; Маркос 5:21-43*)

⁴⁰ У чахе Иса вӧгӧр'ийа, э'лалӧте Эв рӧбул кьр, чьмки х'ӧму жи хивийа Ви бун. ⁴¹ Хьнге мӧрвыкӧ навe ви Йайиро, сӧр-вӧре к'ьниште, хӧт хвӧ авитӧ ньгед Иса у хиви же кьр, кӧ хӧр'ӧ мала ви. ⁴² Чьмки т'ӧне ризӧкӧ хийӧ донздӧх сали хӧбу у эв жи бӧр мьрвыне бу. Гава Иса дьчу, э'лалӧте зӧ'мӧт дьда Ви. ⁴³ Вьр к'ӧлфӧтӧк жи хӧбу, кӧ донздӧх сале ве бун*, сӧр хуне вӧбьбу. Эве х'ӧму хӧбука хвӧ дабу х'ӧкима, ле т'ӧ кӧси ч'арӧ ле нӧкьрьбу. ⁴⁴ Эва пыштева хӧт ль р'ишийед к'ьнще Ви к'ӧт у дӧстхвӧда хун же ч'ькийа.

* 8:43 Анӧгори Qануна Муса к'ӧлфӧта сӧр хуне вӧбуи х'ӧр'ьми дьхӧтӧ х'ӧсабе. Хӧр кӧсе кӧ ве дьк'ӧт дьх'ӧр'ьми (нӧпарьж дьхӧтӧ х'ӧсабе). Изьна ве т'ӧнӧбу кӧ незики тыштӧки пироз буйӧ. Бьхуньн: Qануна К'ӧхинтийе 15:19-31.

45 Иса гот: «Әу к'и бу кө ль Мьн к'әт?» Гава һ'әмуя инк'ар^ф кьр, Пәтрус* гот: «Мамоста, ә'лаләт Тә дә'ф дьдә, тәнгасийе^ф дьдә Тә**». 46 Ле Иса гот: «Йәк ль Мьн к'әт, чьмки Әз пе һ'әсийам кө жь Мьн қәват дәрк'әт». 47 У гава к'өлфәте дит кө нәһатә вәшартьне, ләрзы, һат хвә авитә бәр Ви у ль бәр т'әмамия шьмә'те Вир'а гот, кө бона чь ль Ви к'әт у чава пер'а-пер'а қәнш бу. 48 Әви wer'а гот: «Ә'вде!* Бавәрийа тә тө қәнш кьри. Бь хер у сыламәт һәр'ә». 49 Әви һе хәбәр дьда, жь мала сәрвере к'ьниште йәки һат у гот: «Қиза тә мьр, иди зә'мәте нәдә дәрсдар». 50 Гава Иса әв йәк бьһист, вир'а гот: «Нәтърсә, т'әне бавәр бькә у we қәнш бә». 51 Гава Әу чу мал, нәһьшт кәсәк һәр'ә һьндөр', пештърри Пәтрус, Йуһ'әнна, Ақуб у де у баве қизьке. 52 Һ'әмудьгьрийан у шиһа we дькьрын, ле Иса гот: «Нәгьрин. Әу нәмьрийә, ле

һеньжийә». 53 Вана қәрфе хвә Пе дькьр, чьмки заньбун кө әһа мьрийә. 54* У Иса дәсте we гьрт, дәнг да we у гот: «Қизьк, р'а-бә!» 55 У р'өһ'е we ле вәгәр'ийа, пер'а-пер'а р'абу сәр хвә. Иса ә'мьр кьр, кө хөрәк бьдьнә we. 56 Де у баве we зәндәгьрти ман. Ле Әви т'әми ль ван кьр, кө ве йәке кәсир'а нәбежьн.

Шандьна һәр донздәһа

(Мәтта 10:5-15; Марқос 6:7-13)

9 1 Иса гази һәр донздәһ шагьртед Хвә кьр, қәват у һ'өкөм да ван, кө һ'әму шьна дәрхьн у жь нәхвәшийа қәнш кьн. 2 Әу шандьн, кө П'адшатиһа Хвәде даннасин кьн у нәхвәша қәнш кьн 3 у ванар'а гот: «Бона р'е тьштәки һьлнәдьн, нә шьвдар, нә турьк, нә нан, нә п'әрә, нә жи дө дәст кьрас. 4 Чь мала кө һун һәр'ьне, вьр бьминьн у жь вьр р'ек'әвьн. 5 У әв дәра кө вә қәбул нәкьн, гава жь ви бажари дәртен,

* 8:45 Нав һьнәк дәстньвисарада аһа йә: «У йед пер'а».

** 8:45 Нав һьнәк дәстньвисарада әв жи һәйә: «У Тө дьбежи, к'и бу, ль Мьн к'әт?»

* 8:48 Нав һьнәк дәстньвисарада әв жи һәйә: «Сәрхвә бә!»

* 8:54 Нав һьнәк дәстньвисарада әв жи һәйә: «Иса һ'әму дәрхьстьнә дәрва...»

т'оза нъгед хwэ давшинън, wэки ванар'а бьбэ шэ'дэти». ⁶ У шагърт р'абун, гонд-гонд гэр'ийан у хэр дэра Мъзгини дан, нэхwэш қэнщ кърън.

Шашийа Һеродэс

(*Матта 14:1-12; Марқос 6:14-29*)

⁷ Аwa Һеродэсе сэрwер бона һ'эму кърънед Иса бьхист у т'эвиһэв бу, чьмки һьнэка дь-гот: «Эва Йуһ'энна йэ, жь нав мърйиа р'абуйэ» ⁸ у һьнэка жи дьгот: «Елйас э к'ьфш буйэ» у һьнэкед майин жи дьготън: «Эва йэк жь п'ехэмбэред бэре йэ сах буйэ». ⁹ Һеродэс гот: «Мьн сэре Йуһ'энна да лехьстьне, ле Эва к'и йэ кэ эз дэрһэқа Wiда ван тышта дьбьһем?» У wi дьхwэст Иса бьдита.

Иса пенщ һ'эзара т'ер дькэ

(*Матта 14:13-21;*

Марқос 6:30-44; Йуһ'энна 6:1-14)

¹⁰ Гава шанди вэгэр'ийан, чь кэ ван кърьбу Исар'а гьли кърън. Эwi т'эне шандийед Хwэ т'эви Хwэ һьлдан у чунэ бэрбь бажаре Бэйтсайдаие. ¹¹ Гава э'лалэт пе һ'эсийа, пэй Wi чу. Иса эw қэбул кърън у т'эви ван бона П'адшатийа Хwэде хэбэр дьда у эwед кэ

һ'эwще қэнщбуне бун қэнщ кърън. ¹² Бэре еwаре хэр донздэһ натънэ щэм Wi у жер'а готън: «Э'лалэте бэр'дэ, кэ хэр'ьн гонд у бэргед дор-бэра ши-вар бьн у хwэр'а хөрэк дэст хьн, чьмки эм ль щики хьки-хwэли нэ». ¹³ Ле Иса ванр'а гот: «Һун хөрэк бьдънэ ван». Wана жи ле вэгэр'анд у готън: «Пештьри пенщ нан у дэ мэ'сийа wэки майин тыштэки мэ т'онэ, хэгэр эм нэчън т'эмамайиа шьмэ'тер'а хөрэк нэк'ьр'ьн?» ¹⁴ Чьмки wэ-кэ пенщ һ'эзар мери бун. Эwi шагъртед Хwэр'а гот: «Щьмэ'те пенши-пенши бьдънэ р'уньштандьне». ¹⁵ У өса кърън, һ'эму жи данэ р'уньштандьне. ¹⁶ Эwi эw пенщ нан у хэр дэ мэ'си һьлдан, бэре Хwэ э'зменда кър шькьри да, кэркър у да шагърта, кэ бэлайи э'лалэте кьн. ¹⁷ Һ'эмуйа жи хвар т'ер бун у донздэһ сэлэ жи һурькед бэрмайи бэрэв кърън.

Пэтрус шэ'дэтийе

ль сэр Иса дьдэ

(*Матта 16:13-19; Марқос 8:27-29*)

¹⁸ Щарэке Иса бь т'эне т'э-ви шагъртед Хwэ дэа дькър, жь ван пьрси: «Бь т'эхмина шьмэ'те Эз к'и мэ?» ¹⁹ Wана

ле вэгэр'анд у готын: «Һьнэк дьбежын <Йуһ'әннайе ньхөм-дар ә>, һьнәкед дьн дьбежын <Елйас ә>, һьнәкед майин жи дьбежын <йәк жь п'ехәмбәред бәре йә сах буйә>». ²⁰ Әви жь ван пьрси: «Ле һун чь дьбежын? Бь т'әхмина вә Әз к'и мә?» Пәтрус ле вэгэр'анд у гот: «Тө Мәсиһе Хвәде йи».

**Иса дәрһәҗа щәфа
у мьрна Хвәда дьбежә**

(Мәтта 16:20-28;

Марҗос 8:30–9:1)

²¹ Һьнге Иса һ'ышк т'әми да ван, кә we йәке кәсир'а нәбежын. ²² У әви гот: «Көр'е Мервь гәрәке гәләки щәфа бьк'ышинә, жь алийе р'успийа, сәрәкед к'аһина у қанунзанада бе т'әхсиркьрын у кәшт'ыне, ле р'ожа сьсийа we жь мьрне р'абә».

**Хаче^ф хвә һьлдә
у ль пәй мьн вәрә**

²³ У Иса һ'әмуяр'а гот: «Һәгәр йәк дьхвәзә ль пәй Мьн бе, бьра хвә инк'ар кә у һәр р'ож хаче^ф хвә һьлдә уль пәй Мьн бе. ²⁴ Чьмки к'и кә дьхвәзә ә'мьре хвә хьлаз кә, әве онда кә у к'и кә ә'мьре хвә бона Мьн онда

кә, әве хьлаз кә. ²⁵ Чь фәйдә, һәгәр мәрвь т'әмамия дьнйәе қазьнщ кә, ле ә'мьре хвә онда кә йан зьраре хә? ²⁶ У к'и Мьн у хәбәред Мьн шәрм һ'әсаб кә, Көр'е Мервь жи we ви шәрм һ'әсаб кә, гава Әw бь р'умәта Хвә, р'умәта Баве у мьлйак'әтед пирозва бе. ²⁷ Әз р'аст вәр'а дьбежым, һьнәкед ль вьр сәкьни we мьрне нәбиньн, һ'әта кә П'адшатийа Хвәде бьбиньн».

**Шагьрт Иса нава нур
у р'умәтеда дьбиньн**

(Мәтта 17:1-8; Марҗос 9:2-8)

²⁸ Пәй ве хәбәрданер'а вәкә һ'әфтеке шунда, Иса Пәтрус, Йуһ'әнна у Ақуб һьлдан чунә сәре ч'ийе кә дәа бькьн. ²⁹ Гава Иса дәа дькьр, р'өнге р'уйе Ви һатә гөһастьне, к'ышщед Ви чил-қәрқаш бун, бьрьқин. ³⁰ У ва дө мәрьва т'әви Ви хәбәр дьдан, йәк Муса бу, йәк жи Елйас. ³¹ Әвана бь р'умәт к'ьфш бун у бона мьрна Ви хәбәр дьдан, кә Оршәлимеда we бьбуйа. ³² Ч'ә'вед Пәтрус у әвед т'әви ви жь хәве гьран бьбун, ле гава һ'ышйар бун, р'умәта Ви у һәр дө мәрьвед щәм Ви сәкьни дитьн. ³³ Чахе әвана жь Ви дур к'әтын, Пәтрус Исар'а

гот: «Мамоста, чава р'нд э кӧ эм вьр ьн! Дә әме се һ'олька чекьн, йәке Тәр'а, йәке Мусар'а у йәке жи Елйаср'а». Чьмки әви нъзаньбу әв чь дьбежә. ³⁴ Гава әви һе хәбәр дьда, ә'врәк һат у сәр ван кьрә си. У чахе к'әтьнә бьн ви ә'ври, әвана тьрсийан. ³⁵ У жь ви ә'ври дәнгәк һат у гот: «Әвә Кӧр'е Мьн, Бьжартийе Мьн^{Ф*}! Гӧһдарийа Ви бькьн!» ³⁶ Гава әв дәнг һат, Иса т'әне ма. У вана дәнге хвә бьр'и, ван р'ожада чь кӧ дитьбун кәсир'а нәготьн.

**Иса кӧр'ькәки щьнак'әти
қәнш дькә**

(*Мәтта 17:14-18; Марқос 9:14-27*)

³⁷ Р'ожа дьне, гава әвана жь ч'ийе һатьнә хваре, ә'лаләтәкә гьран пешийа Вида һат. ³⁸ Ђннге жь нав ә'лаләте мәрвьәки гази кьр у гот: «Дәрслар, әз һиви жь Тәдькьм, бь ч'ә'ве р'ә'мель кӧр'е мьн бьньһер'ә. Әв тайе мьни т'әне йә. ³⁹ Р'ӧһ'әки хьраб ви дьгьрә у ньшкева дькә қир'ин вәдьч'ьр'ькә, к'әф сәр дьк'әвә һурдәхвәши дьбә у бь зорәке жь ви дур дьк'әвә. ⁴⁰ Мьн лава

жь шагьртед Тә кьр, кӧ щьн же дәрхьн, ле вана нькарьбу». ⁴¹ Иса гот: «Ньсьле нәбауәр у хальфи^Ф! Һ'әта к'әнге Әзе т'әви вә бьм у ль вә сәбьр кьм? Кӧр'е хвә бинә вьр». ⁴² Гава һе дьһат, щьн әв ә'рде хьст у вәч'ьр'ьки. Иса ль р'ӧһ'е һ'әрам һьлат, кӧр'ьк қәнш кьр у да баве ви. ⁴³ Т'әма-мийа щьм'әте сәр мәзьнайийа Хвәде зәндәгьрти мабу.

**Иса диса дәрһәқа
мьрьна Хвәда дьбежә**

(*Мәтта 17:22-23;*

Марқос 9:30-32)

У чахе һ'әму сәр һәр тьштед кӧ Иса дькьрьн ә'щәбмайи ма-бун, Әви шагьртед Хвәр'а гот: ⁴⁴ «Һун ван хәбәра бира хвәда хвәй кьн: Кӧр'е Мервь we бь-к'әвә дәсте мәрьва». ⁴⁵ Ле вана әв йәк фә'м нәкьр, чьмки әв жь ван вәшарти бу кӧ фә'м нәкьн у тӧрӧш нәдькьрьн жи бона we йәке жь Ви бьпьрсийана.

К'и йә йе һәри мәзьн?

(*Мәтта 18:1-5; Марқос 9:33-37*)

⁴⁶ Нав шагьртада пьрс пешда һат, кӧ нава ванда к'и йә йе

* 9:35 Нав һнәк дәстньвисарада дәвса «бьжарти» «дәлали» һәйә. Ль гора Ишайа 42:1 Мәсйһ бьжартийе Хвәде йә.

һәри мәзын. ⁴⁷ Ле нетед дьле ван Исава ә'йан бун, зар'окәк ани щәм Хвә да сәкьнандьне ⁴⁸ у ванр'а гот: «К'и кә әве зар'оке бь наве Мьн қәбул кә, әв Мьн қәбул дькә. У к'и кә Мьн қәбул кә, Йе кә Әз шандьмә қәбул дькә. Ава әви нава вә һ'әмуйада йе һәри бьч'укә, әв ә йе һәри мәзын».

**Йе нә мьқабьли вә йә,
әв алийе вә йә
(Марқос 9:38-40)**

⁴⁹ Йуһ'әнна р'абу у гот: «Ма-моста, мә мәрвьәк дит кә бь наве Тә щьн дәрдьхьстьн, ле мә кьр кә әм нәһельн, чьмки әв пәй мә найе». ⁵⁰ Ле Иса вир'а гот: «Пешийе ль ви нәгьрын, чьмки әве кә нә мьқабьли вә йә, әв пышта вә йә».

**Гөндәки самәрийа^ф
Иса қәбул накә**

⁵¹ У чахе әв р'ождә кә Исайе бьһата һьлдане незик бун, Әви бәре Хвә да Оршәлиме, кә һә-

р'ә вьр. ⁵² У пешийа Хвә мәри шандьн, әвана чунә гөндәки Самәрийае^ф кә бона Ви һазьрийе бьбиньн. ⁵³ Ле самәрийа^ф Әв ль вьр қәбул нәкьр, чьмки бәре Ви к'әтьбу Оршәлиме. ⁵⁴ Гава шагьртед Ви Ақуб у Йуһ'әнна әв йәк дит, готьн: «Хөдан, Тө дьхвази әм жь ә'з-мен агьр бьхвазын кә бьбарә у қьр'а ван бинә?*^{**} ⁵⁵ Ле Әв вөгәр'ийа, ль ван һьлат*. ⁵⁶ У чунә гөндәки дьн.

**Щабдарийа
йед кә пәй Иса дьчьн
(Мәтта 8:19-22)**

⁵⁷ У чахе әвана р'еда бун, йәки Вир'а гот: «Тө к'өда жи һәр'и әзе пәй Тә бем». ⁵⁸ Иса готә ви: «Р'увийар'а қәл һәнә, тәйрәдед ә'зменр'а жи һелин, ле бона Көр'е Мервь шик т'өнә кә сәре Хвә ле дайнә». ⁵⁹ Иса йәки дьнр'а гот: «Пәй мьн вә-рә». Әви жи гот: «Хөдан! Изьне бьдә мьн, кә әз пешийе һәр'ьм баве хвә дәфьн кьм». ⁶⁰ Ле Иса

* 9:54 Нав һьнәк дәстньвисарада әв жи һәйә: «Чава Елийас кьр».

** 9:54 П'адшати IV, 1:9-16.

* 9:55 Нав һьнәк дәстньвисарада әв жи һәйә: «У гот: <Һун ньзаньн хвәйе чь р'өһ'и нә. Чьмки Көр'е Мервь нәһат, кә р'өһ'е мәрвьа онда кә, ле хьлаз кә»».

вир'а гот: «Бъра мьри мьрийе хвэ дэфын кьн. Тө һәр'э П'адшатийа Хвэде даннасин кэ». ⁶¹ Йэки дьн жи гот: «Эзе пэй тэ бем Хөдан, ле т'эне изьне бьдэ мьн, кө эз пешийе хатьре хвэ жь нэфэред мала хвэ бьхвазьм». ⁶² Иса гот: «К'и кө дәсте хвэ датинэ сэр к'отане у ль пышт хвэва дьньһер'э, әв нэ һежайи П'адшатийа Хвэде йэ».

Шандьна һ'эфте дө шагьрта

10 ¹ Пэй ве йәкер'а Хөдан һ'эфте дө* шагьртед дьн жи к'ьфш кьрьн у әвана дөдө-дөдө пешийа Хвэва шандьнэ ван ши у бажара, к'идәре Хвэха ве бьчуйайе ²у ванар'а гот: «Нандьрун^ф гэләк ә, ле п'алә һьндькьн. Ава һиви жь Хвэе нандьруне бькьн, вәки п'ала нандьруна Хвәр'а бышинэ. ³Һәр'ьн, Эз ва вә мина бәрха дьшиньмә нава гөра. ⁴Хвәр'а нә к'иськ һьлдьн, нә турьк, нә жи чарьха. У р'ева сьлаве* нәдьнә т'ө кәси, ⁵чь мала кө һун һәр'ьне, пешийе бежьн: «Ә'дьялайи ве малер'а». ⁶У

һәгәр ль вьр мәрвьәки һежайи ә'дьялайие һәбә, ә'дьялайиа вәйе ль сәр ви бьминә. Ле һәгәр т'өнәбә, ве ль вә вәгәр'э. ⁷У ве маледа бьминьн, чь хварьне жи бьдьнә вә, әве жи бьхвьн у вәхвьн, чьмки п'алә һежайи һәqe хвэ йә. У мал бь мал нәгәр'ьн. ⁸К'ижан бажаре кө һун һәр'ьне у вә қәбул кьн, чь дайньнә бәр вә, бьхвьн. ⁹Нәхвәшед навда қәнщ кьн у ванр'а бежьн: «П'адшатийа Хвэде незики вә буйә». ¹⁰Ле әв бажаре кө һун һәр'ьне у вә қәбул нәкьн, дәрәнә мәйдана у бежьн: ¹¹«Әм ве т'оза кө жь бажаре вә ньгед мөва гьртийә жи ль сәр вәда давьшиньн. Ле ве йәке бьзаньбьн кө П'адшатийа Хвэде незики вә буйә». ¹²Әз жь вәр'а дьбежьм, Р'ожа^ф Ахрәте һ'але Содоме^ф ве жь йа ви бажари четьр бә*.

Бажаред нәбавәр

(Матта 11:20-24)

¹³Вәй ль тә Хоразин! Вәй ль тә Бәйтсайда! Һәгәр әв к'әрә-

* ^{10:1} Нав һьнәк дәстньвисарада аһа йә: «Һ'эфте».

* ^{10:4} Аһа те фә'мкьрьне: «Р'ева нәсәкьньн, вәки бь сьлавдайине вәхте хвэ онда нәкьн».

* ^{10:12} Дәстпәбун 19.

мәтед кө нава вәда бун, Сур у Сайдайеда* бьбуна, әванайе зува бь к'өрх^ф нав к'озийеда^ф р'уньшти т'обә бькьрана. ¹⁴Ле Р'ожа Ахрәте һ'але Сур у Сайдайе we жь һ'але вә четър бә. ¹⁵У тө Кәфәрнаһум, тә т'ьре те һ'әта ә'змен бьльнд би? Ле те һ'әта дийаре^ф мьрийа һә-р'и хваре!

¹⁶Әwe гөһдарийа вә дькә, гөһдарийа Мьн дькә у әwe вә т'әхсир дькә, Мьн т'әхсир дькә, ле әwe Мьн т'әхсир дькә, йе кө Әз шандьмә т'әхсир дькә».

Вәгәр'андьна һ'әфте дөда

¹⁷Әw һ'әфте дө шагьрт бь әшқ у ша вәгәр'ийан у готьн: «Хөдан, шьн жи сайа наве Тә ельми мәдьбун». ¹⁸Әwi ванар'а гот: «Мьн мирешьн дит, чава бьруска жь ә'змен жорда к'әти. ¹⁹Аwa Мьн һ'өкөм дайә вә, кө һун мәр'у дуп'ьшка у т'әмамияа қәwата дьжмьн п'епәскьн у қәт т'ө тыште зьраре нәдә вә. ²⁰Ле бь we йәке ша нәбьн кө шьн ельми вә дьбьн, ле ша бьн, кө навед вә ль ә'змана ньвисар ә».

Шабуна Иса

(Мәтта 11:25-27; 13:16-17)

²¹Wi чахи Әw бь Р'өһе Пироз ша бу у гот: «Шькьр наве Тә бә Баво, Хөдане ә'рд у ә'зман, кө Тә әв тышт жь зана у билана^ф вәшартьн у ль бәр зар'а вәкьр. Бәле Баво, чьмки аһа ль Тә хwәш һат. ²²Һәр тышт жь Баве Мьн Мьнр'а һатийә дайине. Кәсәк ньзанә Көр'^ф к'и йә, пештьри Баве у кәсәк ньзанә Бав к'и йә, пештьри Көр' у йед кө Көр' бьхwазә ванва Баве бьдә наскьрьне». ²³У we гаве сәр шагьртед Хwәда вәгәр'ийа у ванар'а башқә гот: «Хwәзи ль ван ч'ә'ва, чь кө һун дьбиньн әw жи дьбиньн. ²⁴Чьмки Әз wәр'а дьбежьм, кө гәләк п'е-хәмбәр у п'адша хwәстьн әw тыштед кө һун дьбиньн бьдитана, ле нәдитьн у әw тыштед кө һун дьбьһен бьбьһистана, ле нәбьһистьн».

Мәсәла самәрийе қәнш

²⁵Һьнге қанунзанәк р'абу Әw щер'ьбанд у гот: «Дәрсдар, әз чь бькьм, wәки жийина^ф һ'ә-

* ^{10:13} Хоразин у Бәйтсайда бажаред шьһуйа бун, ле Сур у Сайда әw бажаред нәшьһуйа бун, аwa готи п'утп'арьст бун.

та-һ'этайе бьстиньм?»²⁶ Әви жи wir'а гот: «Қанунеда чь ньвисар ә? Тө чава дьхуни?»²⁷ Әви ле вәгәр'анд у гот: «Хөдан Хвәдейе хвә һ'ыз бькә, бь т'эмамия дьле^ф хвә, бь т'эмамия щанийа хвә, бь т'эмамия қәвата хвә у бь т'эмамия һ'ыше хвә»*, «һөвале хвә жи вәкә хвә һ'ыз бькә»**». ²⁸ У Иса wir'а гот: «Тә р'аст гот. Өса бькә у те бьжийи». ²⁹ Ле әви хвәст хвә р'аст дәрхә, Исар'а гот: «Һөвале мьн к'и йә?»³⁰ Иса ле вәгәр'анд у гот: «Мәрвьәк һәбу, әв жь Оршәлиме бәржери Әриһаје дьбу. Әв к'этә дәсте қачаха у вана әв тә'зи кьр, к'өтан у нивкөшти һыштын чун. ³¹ Өса қәўьми кө к'аһинәк we р'еда дьһат. Гава әв дит, бәрр'а дәрбаз бу чу. ³² Өса жи йәки леви^ф һат, гьһиштә ви шийи, ль ви ньһер'и, бәрр'а дәрбаз бу чу. ³³ Паше р'евики самәри һат. Гава әв дит, гөне ви ле һат. ³⁴ Әв незики ви бу, бьзьр у шәрав ль бьринед ви хьстын, п'еч'а у әв дани сәр к'әрк'әдане хвә бьрә меванхане у бона ви хәм кьр. ³⁵ Р'ожа дьне

дө зив дәрхьстын данә хвәйе меванхане у гот: «Хвәйитийе ль ви бькә, тө чь жи сәр ви зедә хәрщ ки, гава әз вәгәр'ийам, әзе ль тә вәгәр'иньм».

³⁶ Ньһа т'әхмина тә, жь ван һәрсека к'ижан бу һөвале ви мәрвье кө к'этә дәсте қачаха?»

³⁷ Әви жи гот: «Әве кө гөнә ле ани». Иса wir'а гот: «Һәр'ә тө жи өса бькә».

Иса мала Мәрт'а у Мәрийәмеда

³⁸ Чахе р'ек'әтын чун, Иса к'этә гөндәки. К'өльфәтәк кө наве we Мәрт'а бу Әв бьрә мала хвә. ³⁹ Хушкәкә we жи һәбу, наве we Мәрийәм. Әва бәр ньгед Хөдан р'уныштьбу у гөһдарийа хәбәрәд Ви дькьр. ⁴⁰ Мәрт'а жи кө гәләк т'ьвдарәкдитьнева гиро бу, һат сәкьни у Исар'а гот: «Хөдан, қәт хәма Тә нинә кө хушка мьн нава ве т'ьвдарәкдитьнеда әз т'әне һыштьмә? Бежә we кө али мьн бькә». ⁴¹ Хөдан ле вәгәр'анд у готе: «Мәрт'а, Мәрт'а, тө бона гәләк тышта хәма дьки у т'әвиһәв дьби. ⁴² Ле

* 10:27 Қануна Дөщари 6:5.

** 10:27 Қануна К'аһинтийе 19:18.

т'эне тыштэк лазьм э, эв п'ара
 қәнщ жи Мәрийәме хwәр'а бь-
 жарт у жь we найе стандьне».

Һинкьрына бона дōакьрыне

(*Матта 6:9-13; 7:7-11*)

11 ¹Щарәке Иса щики дōа
 дыкьр, гава хьлаз кьр, жь
 шагьртед Wi йәки жер'а гот:
 «Хōдан, мә һини дōакьрыне кә,
 чава Йуһ'әнна шагьртед хwә
 һин кьрын». ²Әwi ванар'а гот:
 «Гава һун дōа дыкьн, аһа бежьн:

Баво*;

Наве Тә пироз бә.

П'адшатийа Тә бе**.

³ Нане мәйи р'оже р'ож бь
 р'ож бьдә мә.

⁴ У гōнед мә бьбахшинә,
 чьмки әм жи дьбахшиньнә
 һ'әму дәйндаред хwә
 у мә нәбә щер'ьбандьне*».

⁵У ванар'а гот: «Жь wә к'ижан
 ә кō достәки wi һәбә у ниве
 шәве һәр'ә мала wi жер'а бежә:
 <Досто, се нана дәйни бьдә мьн.

⁶Чьмки пьсмамәки мьн жь р'е

дагәр'ийайә һатийә мала мьн,
 тыштәки мьни хwарьне т'ōнә,
 кō дайньмә бәр wi». ⁷У әw жи
 һьндōр'да ле вәгәр'инә у бежә:
 <Дәри иди дада йә, әз у зар'ед
 хwәва жи нава щи-ньвинада нә,
 зә'мәте нәдә мьн, әз нькарьм
 р'абьм бьдьмә тә». ⁸Әз wәр'а
 дьбежьм, һәгәр әw бона дос-
 тийе жи р'анәбә нен нәдә wi,
 ле бона беарзийа wi we р'абә
 чьқас жер'а лазьм бә бьдә wi.
⁹Әз wәр'а дьбежьм, бьхwазьн
 һуне бьстиньн, бьгәр'ьн һуне
 бьбиньн, дәри хьн we бәр wә
 вәбә. ¹⁰Чьмки к'и кō дьхwазә
 дьстинә, к'и кō дьгәр'әдьбинә у
 к'и кō дәри дьхә бәр wi вәдьбә.

¹¹Жь wә к'ижан ә әw бав, кō
 кōр'е wi мә'си бьхwазә, дәw-
 са мә'си мәр бьде*, ¹²йан жи
 һеке бьхwазә, дуп'ьшке бьде?

¹³Һун кō хьраб ьн, заньн тыш-
 тедед қәнщ бьдьнә зар'ед хwә,
 ле Баве ә'змана we чьқас зедә
 Р'ōһ'е Пироз бьдә әwед кō жь
 Wi дьхwазьн».

* 11:2 Нав һьнәк дәстньвисарада аһа йә: «Баве мәйи ә'змана».

** 11:2 Нав һьнәк дәстньвисарада әв жи һәйә: «Ә'мыре Тә бә, чава ль
 ә'змен оса жи ль сәр ә'рде».

* 11:4 Нав һьнәк дәстньвисарада әв жи һәйә: «Ле мә жь йе хьраб хьлаз кә».

* 11:11 Нав һьнәк дәстньвисарада әв жи һәйә: «Кōр'е wi нан же бь-
 хwазә, кәвьр бьде?»

Иса у Бэлзэбул^ф

(*Мәтта 12:22-30;*

Марқос 3:20-27)

¹⁴Щарәке Иса шыне лал жь йәки дәрдыхьст, чахе кӧ шын дәрк'әт, әви лал хәбәр да у ә'лаләт зәндәгьрти ма. ¹⁵Ле жь ван һьнәка гот: «Әв бь һ'ӧкӧме Бэлзэбуле^ф сәрвере шына шына дәрдыхә». ¹⁶Һьнәка жи Әв дышер'ьбанд, нишанед ә'змен жь Ви дыхвәстын. ¹⁷Ле нетед дьле ван Исава ә'йан бун у ванар'а гот: «Һәр п'адшатийа кӧ нава веда т'ьфақ^ф т'ӧнәбә ве веран бә у мала кӧ бет'ьфақи бьк'әве, әв мал наминә. ¹⁸Һун дыбежын, кӧ Әз бь һ'ӧкӧме Бэлзэбул шына дәрдыхьм. Ле һәгәр мирещын нава хвәда бет'ьфақ бә, п'адшатийа ви ве чава бьминә? ¹⁹У һәгәр Әз бь Бэлзэбул шына дәрдыхьм, ле йед кӧ пәй вә тен* бь чь дәрдыхьн? Һәгәр ӧса бә, әве вә ломәк'ар кьн. ²⁰Ле һәгәр Әз бь т'ьлийа Хвәде шына дәрдыхьм, вәки ӧса йә П'адшатийа Хвәде гьһиштийә вә. ²¹Чахе йәки қәват бь ч'әк хвәйитийе мала хвә дькә, т'ӧ тыште ви зьрар ле набә. ²²Ле

гава йәки жь ви қәваттьр бе у ви быгьрә, ве әв ч'әке кӧ ви гӧмана хвә дабу сәр же бьстинә, һәбука ви жи бәла кә. ²³К'и кӧ нә т'әви Мьн ә, мьқабьли Мьн ә у к'и кӧ т'әви Мьн т'оп накә, бәла дькә.

Вәгәр'андьна р'ӧһ'е һ'әрам

(*Мәтта 12:43-45)*

²⁴Чахе р'ӧһ'е һ'әрам жь мервь дәрте, шийе бе ав дыгәр'ә, кӧ р'ьһ'әтийе бьбинә у гава набинә, дыбежә: «Әз вәгәр'ьмә ве мала хвәйә кӧ же дәрк'әт'ьмә». ²⁵У гава те, пақьжкьри у һәвдаи дьбинә. ²⁶Һьнге дьчә һ'әфт шынед дьнә жь хвә хьрабтьр жи тинә, дьк'әвьнә вьр дьжин. У ахьрийа ви мәрвыи жь пешийе хьрабтьр дьбә».

Хвәзьлийа р'аст

²⁷Чахе Иса һе хәбәр дьда, жь нава ә'лаләте к'ӧлфәтәке дәнге хвә бьльнд кьр у Вир'а гот: «Хвәзи ль ви бәт'ьни, кӧ Тӧ хвәда хвәйкьри у ван бьстана, кӧ шир данә Тә». ²⁸Ле Әви гот: «Һе хвәзи ль ван, йед кӧ хәбәра Хвәде дьбьһен у пек тиньн».

* 11:19 Аһа жи те фә'мкьрьне: «Зар'ед вә».

**К'эрэмэтәке
чава нишан дьхвазын**

(*Мәтта 12:38-42;*

Марқос 8:12)

²⁹ Чахе э'лаләт сәр Ви дь-
щвийа, Иса дәстпекьр у гот:
«Эва ньсьла хьраб э, нишанәке
дьхвазэ, ле жер'а нишанәкә дьн
наһе дайине пештьри нишана
Уньс^ф п'ехәмбәр. ³⁰ Чава Уньс
бона Нинәвайа бу нишан, өса
жи Көр'е Мерьв we ви ньсьлир'а
бьбә нишан*. ³¹ П'адша Башуре^ф
we Р'ожа Ахрәте т'эви мәрьвед
ви ньсьли р'абә у ван нәһәқ кә,
чьмки әва жь сәре дьне һат, кә
сәрвахтийа Сьлеман^ф бьбьһе у
ва йә Йәки жь Сьлеман мәстър
ль вьр һәйә*. ³² Мәрьвед Нинә-
вайе Р'ожа Ахрәте we т'эви ви
ньсьли р'абьн у ван нәһәқ кьн,
чьмки әвана бь даннасинийа
Уньс жь гөнәкьрьне вәгәр'ийан.
Ва йә Йәки жь Уньс мәстър ль
вьр һәйә.

Ч'ьра бәдәне

(*Мәтта 5:15; 6:22-23)*

³³ Кәсәк ч'ьре венахә у данай-
нә щийе хәвлә, нә жи дькә бьне

фьраде, ле датинә сәр п'еч'ьре,
wәки әве кә дьк'эвьнә һьндөр',
р'онаһе бьбиньн. ³⁴ Ч'ьра бәдәна
тә ч'э'ве тә йә. һәгәр ч'э'ве тә
п'ак э, т'эмамийа бәдәна тәһе
р'онаһи бә. Ле һәгәр ч'э'ве тә
хьраб э, бәдәна тәһе жи тә'ри
бә. ³⁵ Аwa һаш жь хwә һәбә, дьбә
кә әв р'онаһа нава тәда тә'ри
йә. ³⁶ һәгәр т'эмамийа бәдәна
тә р'онаһи йә у п'арәкә тә'ри
т'өнә, һ'әмуһе жи р'онаһи бә,
чава ч'ьра бь шәwқа хwә тә
р'онаһи дькә».

**Иса ферьси у қанунзана
нәһәқ дькә**

(*Мәтта 23:1-36; Марқос*

12:38-40; Луқа 20:45-47)

³⁷ Гава хәбәрдана Хwә хьлаз
кьр, йәки ферьси һиви же кьр
кә һәр'ә т'эви ви нан бьхwә. Әв
жи чу, ль сәр сьфре р'уньшт.
³⁸ Гава ферьси дит кә Әви
пешийа нанхварьне ль гора
ә'дәте дин дәстед Хwә нәшуш-
тьн, зәндәгьрти ма. ³⁹ Ле Хөдан
вир'а гот: «Аwa һун ферьсийа
т'ас у финщана р'уйе дәрвава
пақьж дькьн, ле дьле wә һьн-
дөр'ва бь тьмаһе у хьрабийава

* ^{11:30} Уньс 3.

* ^{11:31} П'адшати III, 10:1-13.

т'ъжи йә. ⁴⁰ Бефә'мно! Әве кӧ дәрва чекър, һьндӧр' ченәкър?
⁴¹ Ава бь чьва т'ас у финшанед вә т'ъжи нә, бь ван хвәр'а хера бькьн у һәр тыште вәр'а һ'әлал^ф бә. ⁴² Ле вәй ль вә ферьсийа! Һун дәһәке^ф пунге^ф, щәт'ри-йе^ф у һ'әму п'ьншар'а дьдьн, ле һәқийе у һ'ьзкьрна Хвәде давежьнә пышт гӧһе хвә. Вә гәрәке әв йәк бькьрана у дәст жь йед майин нәк'ьшанда. ⁴³ Вәй ль вә ферьсийа, кӧ һун к'ьништада к'ӧрсийед пешьн һ'ьз дькьн, базарада жи сьлава. ⁴⁴ Вәй ль вә! Һун мина т'ьрбед бе нав-нишан ьн, кӧ мәрвь сәр ван дьгәр'ьн у ньзаньн». ⁴⁵ Жь қанунзана йәки ле вәгәр'анд у гот: «Дәрсдар, Тӧ бь ван хәбәра мә жи беһӧрмәт дьки». ⁴⁶ Әви гот: «Вәй ль вә қанунзана жи, чьмки һун баред гьран дьдьнә сәр мьле мәрьва, ле т'ьликә хвә жи надьнә ван бара. ⁴⁷ Вәй ль вә, кӧ һун т'ьрбед ван п'әхәмбәра чедькьн, йед кӧ кал-бавед вә әв кӧштьнә. ⁴⁸ Бь ве йәке һун шә'дәтийа хвә дьдьн, кӧ һун һавьжийа хвә кьрьнед кал-бавед хвә тиньн. Әвана п'әхәмбәр дькӧштьн у һун т'ьрбед ван чедькьн. ⁴⁹ Ләма жи сәрвахтийа Хвәде

гот: «Әзе п'әхәмбәр у шандийа бышиньмә щәм ван, жь ван һьнәка ве бькӧжьн, һьнәка жи бьзериньн». ⁵⁰ Бона ве йәке хуна һ'әму п'әхәмбәра, кӧ жь вәхте ә'фьрандьна дьнийәйеда һатийә р'етьне, жь ви ньсьли ве бе хвәстьне, ⁵¹ жь хуна Һабил^ф һ'әта хуна Зәкәрийа, йа кӧ нав горигәһе^ф у п'арьстгәһеда һатә р'етьне. Әз р'аст вәр'а дьбежьм, жь ви ньсьли ве бе хвәстьне. ⁵² Вәй ль вә қанунзана, кӧ вә к'ьлита занәбуне һьлдайә. Нә һун к'әтьне у нә жи вә һьштиийә йед кӧ дьхвазьн бьк'әвьне». ⁵³ У гава Әв р'әбу кӧ һәр'ә, қанунзан у ферьси қьлқьлин, бона гәләк тышта Вир'а к'әтьнә дә'ве. ⁵⁴ У бәр дәве Ви сәкьни бун, вә-ки бь хәбәрәке бькарьбьн Ви бьгьрн у гӧнәк'ар кьн.

Һинкьрна дәрһәқа дӧр'утийеда

12 ¹ Ви чахи, гава бь һ'әзара мәри шьвийан, ӧса кӧ сәр һәвр'а дәрбаз дьбун, Әви пешийе дәстпекър шагьртед Хвәр'а гот: «Һ'әвза хвә жь һәвиртьр'шке^ф ферьсийа бькьн, Әз тиньмә сәр дӧр'утийа ван. ² Тыштәки дьзива т'ӧнә кӧ дәрнәйе у нә жи вәшарти

кӧ к'ѳш нӧбӧ. ³Wӧ чь тӑ'ри-йеда готийӧ, ӧве р'онайеда бе бһистьне у wӧ чь ль мале гӧһада хӧбӧр дайӧ, ӧве сӧр бана бьбӧ дӧнги.

**Бъзаньбьн кӧ тьрса wӧ
жь к'е һӧбӧ**

(Матта 10:28-31)

⁴Эз wӧ пьсамед Хwӧр'а дьбежьм, жь вана нӧтьрсьн, йед кӧ бӧдӧне дькӧжьн, жь we пештьр тыштӧки дьн нькарьн бькьн. ⁵Ле Эзе wӧр'а бежьм, кӧ хун жь к'е бьтьрсьн. Жь Wi бьтьрсьн, Йе кӧ пӧй кӧштьнер'а жи һ'ӧкӧме Wi һӧйӧ бавежӧ шӧ'ньме^ф. Бӧле, Эз wӧр'а дьбежьм жь Wi бьтьрсьн! ⁶Нӧ пенщ ч'ъвик бь дӧ дьравед чарqӧр'уше тенӧ фьротане? Ле Хwӧде жь ван йӧки жи бир накӧ. ⁷Ӧса жи һӧр т'елӧки п'ор'ед сӧре wӧ жьмарти йӧ. Нӧтьрсьн, хун жь гӧлӧк ч'ъвика qимӧттьр ьн.

Иqрар^ф у инк'аркьрьна Иса

*(Матта 10:32-33; 12:32;
10:19-20)*

⁸Эз wӧр'а дьбежьм, к'и кӧ бӧр мӧрва Мьн иqрар^ф кӧ, Кӧр'е Мерьв жи we wi бӧр мьлйак'ӧтед Хwӧде иqрар кӧ. ⁹У к'и кӧ Мьн бӧр мӧрва

инк'ар кӧ, ӧве жи бӧр мьлйак'ӧтед Хwӧде бе инк'аркьрьне. ¹⁰У к'и кӧ тыштӧки мьqабьли Кӧр'е Мерьв бежӧ, we бе бахшандьне. Ле к'и кӧ готьнӧкӧ хьраб мьqабьли Р'ӧһ'е Пироз бежӧ, ль wi найе бахшандьне. ¹¹У гава wӧ бьбьнӧ к'ьништа йан бӧр һ'акьм йан сӧрwеред һ'ӧкӧмӧте, хун хӧм нӧкьн кӧ хуне чава шаба хwӧ бьдьн йан чь бежьн. ¹²Чьмки Р'ӧһ'е Пироз ӧве дӧме we wӧ hin кӧ, чь лазьм ӧ кӧ хун бежьн».

Дӧвлӧтийе бефӧ'м

¹³Жь нава ӧ'лалӧте йӧки Wi-р'а гот: «Дӧрсдар, бежӧ бьре мьн, бьра мират'а^ф баве мьн мьнр'а п'арӧвӧкӧ». ¹⁴Эwi wi-р'а гот: «Һӧвал, к'е Эз сӧр wӧ һ'акьм йан жи п'аркьр к'ѳш кьрьмӧ?» ¹⁵У готӧ ван: «Һаш жь хwӧ һӧбьн у һ'ӧвза хwӧ жь һӧр щур'ӧ тьмайе бькьн, чьмки ӧ'мьре инсен зедӧбуна һӧбука вива гьредайи нинӧ». ¹⁶Эwi мӧсӧлӧк жи ванр'а гот: «Зӧвийа мӧрвьӧки дӧвлӧти гӧлӧк бӧр да. ¹⁷У ӧwi дьле хwӧда гот: «Эз чава бькьм? Ши жи т'ӧнӧ кӧ дӧрӧмӧта хwӧ текьме». ¹⁸У гот: «Эзе аһа бькьм, ӧ'мбаред хwӧ һьлшиньм у he йед мӧзын

чекъм, һ'әму дәрәмәт у һәбука хвә жи бькьмә вьр. ¹⁹ У хвәха хвәр'а бежъм: Ә'вдо! Тә бона хвә т'ера гәләк сала, гәләк һә-бук дайә сәр һәв, р'уне бьхвә, вәхвә у ша бә». ²⁰ Ле Хвәде готә ви: «Бефә'мо! Ишәв р'öh'e тәйе жь тә бе стандьне. Әв һәбука тә бәрәв кьрийә ве к'ер'а бьминә?» ²¹ Оса жи ве бе сәре һәр кәси, йе кә бона хвә хьзне т'оп дькә у пе Хвәде дәвләти набә».

**Һинкьрна дәрһәқа
хәмкьрьнеда
(Мәтта 6:25-34)**

²² Һынге Әви шагьртед Хвәр'а гот: «Ләма Әз вәр'а дьбежъм, бона ә'мьре хвә хәма нәкьн, кә һуне чь бьхвьн, нә жи бона бәдәна хвә, кә һуне чь ль хвә кьн. ²³ Чьмки ә'мьр жь хварьне қимәттәр ә у бәдән жи жь к'ьнша. ²⁴ Дина хвә бьдьянә қар'қар'а^ф, нә дьр'әшиньн, нә дьдьрун у нә жи ә'мбар йан к'иләред ван һәнә, ле Хвәде р'ьсқе ван дьгьһинә. Һун чьқаси жь тәйрәда қимәттәр ьн! ²⁵ Иди жь вә к'и дькарә бь хәмед хвә дәқәке сәр ә'мьре хвәда зедә кә*?» ²⁶ Һәгәр һун ви тыште һәри

бьч'ук нькарьн бькьн, иди чьма бона тыштед майин хәм дькьн? ²⁷ Дина хвә бьдьянә сосьна, чава шин дьбьн, нә дьхәбьтьн у нә дьр'есьн. Әз вәр'а дьбежъм, кә Сьлеман жи нава т'әмамийа ве хер-хьзна хвәда мина жь ван йәке хвә нәкьр. ²⁸ Һәгәр гиһаие чөле, кә иро һәйә у сьбе давезьнә нава егьр, Хвәде өса дьхәмьлинә, ле чьқас зедә ве ль вә кә, кембауәрно? ²⁹ Ль ван тышта нәгәр'ьн, кә һуне чь бьхвьн йан чь вәхвьн. Бәр хвә нәк'әвьн. ³⁰ Чьмки п'ут-п'арьстед^ф дьнйаие ль пәй ван һ'әму тышта дьк'әвьн, ле Баве вә занә кә һун һ'әвше ван тышта нә. ³¹ Ле бәр вева һун ль П'адшатийа Ви бьгәр'ьн у әве вәр'а бенә дайине.

**Хьзна ә'змана
(Мәтта 6:19-21)**

³² Нәтьрсә, кәрийе пези бьч'ук! Чьмки ль Баве вә хвәш һат, кә п'адшатийе бьдә вә. ³³ Һәбука хвә бьфьрошьн у хвәр'а хера бькьн. Хвәр'а к'иське кә нар'ьзә у хьзна ә'зманайә кә кем набә қазьнщ кьн. Ль ве дәре нә дьзе незик бе у нә

* 12:25 Аһа жи те фә'мкьрьне: «Бьһөстәке ль сәр бәжьна хвә дьреж кә».

жи we бьзузе бьхвэ. ³⁴ Чьмки хьзна вэ к'идэре бэ, дьле вэйе жи ль we дэре бэ.

Хөламе һ'ышйар

(Мәтта 24:45-51)

³⁵ Бьра пышта вэ гьредайи у ч'ьред вэ вехьсти бьн. ³⁶ Һун мина ван мэрьва бьн, йед кө һивийа ахайе хвэ нэ, кө әве к'энге жь дэ'вате вэгэр'э, кө чахе бе дери хэ, пер'а-пер'а р'абьн дери вэкьн. ³⁷ Хвэзи ль ван хөлама, кө чахе ахайе ван бе, ван һ'ышйар бьбинэ. Эз р'аст вэр'а дьбежьм, әве пышта хвэ гьредэ, ван сэр сьфре бьдэ р'уньштандьне у бөрдөстийе ванр'а бькэ. ³⁸ У һэгэр ахайе ван ниве шөве йан жи бэрбанга сьбөһе бе у ван өса бьбинэ, әв хөламана хвэзьли нэ. ³⁹ Ле һун ве йөке бьзаньбьн, һэгэр хвэйе мале бьзаньбуяа кө дьзе к'ижан сьһ'эте бьһата, we нөһьшта кө мала ви дэрэвэкьра. ⁴⁰ Ава һун жи һазьр бьн, чьмки әв сьһ'эта кө дьле вэр'адэрбаз набэ, Көр'е Мерьв we бе».

Хөламе амьн у хөламе беамьн

⁴¹ Пэтрус гот: «Хөдан, әва мәсэла тө т'өне бона мә гот йан бона һ'өмуя?» ⁴² Хөдан гот:

«К'и йө әв вэк'илхэрше^ф амьн у сэрвахт, кө ахайе ви, we ви сэр хөламед хвэ сэрвер к'ьфш кэ, кө вэхтда хварьна ван бьдэ ван. ⁴³ Хвэзи ль ви хөлами, кө чахе ахайе ви бе, әви өса бь-бинэ. ⁴⁴ Эз р'аст вэр'а дьбежьм, әве ви бькэ сэрвере т'эмаийа һөбука хвэ. ⁴⁵ Ле һэгэр әв хө-лам дьле хвэда бежэ: «Ахайе мьн һатьна хвэ дэрэнги дехэ» у дэстпекэ ль хөлам у шарийа хэ, бьхвэ, вэхвэ у сэрхвэш бэ, ⁴⁶ ахайе ви хөлами we р'ожэкэ өса бе, кө әв нэ һивийе йө у сьһ'этэкэ өса, кө әв ньзанэ. We ви қэт-қэти кэ у п'ара ви т'өви п'ара беамьна кэ. ⁴⁷ У әв хөламе кө хвэстьна ахайе хвэ занэ у к'аре хвэ накэ, нэ жи ль гора хвэстьна ви дькэ, we гэлэки бе к'өтане. ⁴⁸ Ле әве кө жь нөзанийа хвэ тыштэки һөжайи к'өтане дькэ, we һьндьки бе к'өтане. К'ер'а гөлөк һатийө дайине, гөлөк жи we же бе хвэстьне у к'ер'а гөлөк һатийө спартьне^ф, шабдарийа ви жи we гөлөк бэ.

Иса дьбэ сөбөбе щөдөбуне

(Мәтта 10:34-36)

⁴⁹ Эз һатьм, вөки егьр ба-вежьмэ сэр дьне у Мьн чава

дххвәст вәки иди алав бьда. ⁵⁰ Ле нххөмандһнәкә Мһн һәйә, кә Әз гәрәке пе бемә нххөмандһне у дһле Мһн қәт нә р'һ'әт ә һ'әта кә әв бе сери. ⁵¹ Вә т'ьре Әз һатһм ә'дһлайийе бьдһмә дһне? Әз вәр'а дьбежһм на, ле бона щөдәбуне. ⁵² Жь вьр шунда маләкеда пенщ мәрьве жь һәв щөдә бһн, сьсе ве мьқабьли дөда бһн, дөдө мьқабьли сьсийа. ⁵³ Баве р'абә мьқабьли көр', көр' жи баве, де қизе, қиз жи де, хвәси буке у бук жи хвәсийе».

Нишанед зәмен

(Мәтта 16:2-3; 5:25-26)

⁵⁴ У Әви ә'лаләтер'а жи гот: «Чахе жь р'оавайе ә'вр дәрте, һун дәстхвәда дьбежһн: «Баране бьбар» у өса жи дьбә. ⁵⁵ У гава байе башуре те, һун дьбежһн: «Һәвайе гәрм бә» у өса дьбә. ⁵⁶ Дөр'уно! һун р'уйе ә'змен ә'нәнә дькһн һәвайе чава бә, ле чава ви зәмани ә'нәнә накһн?

⁵⁷ Һун чьма хвәха надһнә ль бәр һ'әсаба, кә к'ижан ә р'аст? ⁵⁸ Чахе нәйаре тә тә к'аши щәм һ'акьм дькә, өса бькә, кә р'ева т'әви ви ль һәв бейи. Нәбә әв тә бьдә дәсте һ'акьм, һ'акьм

жи тә бьдә дәсте сәрәскәр у әв жи тә бавежә кәле. ⁵⁹ Әз тәр'а дьбежһм, тө жь вьр т'ө шар дәрнак'әви һ'әта поле^ф пашһн нәди».

Жь гөнәкьрьне вәгәр'һн^ф, кә өнда нәбһн

13 ¹ Ви чахи һнәк һатһн бо-на ван щәлилийа Исар'а готһн, хуна к'ижана Пилато т'әви хуна қөрбанед^ф ван кьрьбу. ² Иса ль ван вәгәр'анд у гот: «Вә т'ьре әв щәлилийед кә әв йәк һатә сәре ван, жь һ'әму щәлилийед майин гөнәк'артьр бун? ³ Әз вәр'а дьбежһм, на! Ле бәле һәгәр һун жь гөнәкьрьне вәнәгәр'һн, һун һ'әмујее жи р'ожа ванда һәр'һн. ⁴ Йан жи әв һ'иждәһ мәрьвед кә кәлә^ф Силваме сәр ванда к'әт мьрһн, вә т'ьре әвана жь һ'әму бьнәлийед Оршәлиме гөнәк'артьр бун? ⁵ На! Әз вәр'а дьбежһм, һәгәр һун жь гөнәкьрьне вәнәгәр'һн, һун һ'әмујее жи р'ожа ванда һәр'һн».

Мәсәла дара һежирейә бе бәр

⁶ Әви әва мәсәла жи гот: «Мәрвьәк һәбу, нава р'әзе^ф тьрийе вида дарәкә һежирейә ньканди һәбу. Р'ожәке әв һат,

кө сәр we бәр бьгәр'ә, ле нәдит.
 7 **Ви чахи р'эзванр'а гот:** «Эва мөхдаре се сала йә өз тем, бәре ве дара һежире дьгәр'ым, ле набиньм. Эве бьбьр'ә! Бадихәwa^ф чьма ши гьртийә?» 8 **Р'эзван ле вәгәр'анд у гот:** «Аха, исал жи we сәбьр кә. Эзе дора we вәдьм у п'әйн^ф бькьме. 9 **Һәгәр саләкә дьн бәр бьдә, қәнщ ә, ле һәгәр нәдә, паше бьбьр'ә».**

**Р'ожа шәмийе
 қәнщкьрьна к'өльфәта
 қонщьки**

10 **Р'ожәкә шәмийе Иса к'ьништәкеда һин дькьр.** 11 **Ль вьр к'өльфәтәкә қонщьки һәбу, кө һ'иждәһ салед we бу, р'өһ'е нәхвәшийе пер'а бу.** Эwe қәт нькарьбу хвә р'аст кьра. 12 **Гава Иса әв дит, гази we кьр у готе:** «Ә'вде! Тө жь нәхвәшийа хвә аза йи!» 13 **У Әви дәстед Хвә да-нин сәр we, әв пер'а-пер'а р'аст бу у шькьри дьда Хвәде.** 14 **Ле сәрwere к'ьниште һерс к'әт, кө Иса р'ожа шәмийе нәхвәш қәнщ кьру ә'лаләтер'а гот:** «Шәш р'ож бона шьхөлкьрьне һәнә, һун нава ван р'ожада дькарьн бен қәнщ бьн, нә кө р'ожа шәми-

йе». 15 **Хөдан ле вәгәр'анд у готе:** «Дөр'уно! Жь wә к'ижан р'ожа шәмийе гайе хвә йан к'әра хвә жь афьр' вәнакә у набә сәр аве?» 16 **Нә әва жи қиза Бьраһим ә, кө әва мөхдаре һ'иждәһ салед we бун, мирещьн әв гьредабу.** Нә лазьм бу кө әв р'ожа шәмийе жь we қәйде вәбуя?» 17 **У гава әв йәк гот, һ'әмуйед кө мьқа-бьли Ви бун шәрми ман.** У т'әмамия ә'лаләте бона ван к'әрәмәтед **Вийә р'умәти кө Ви дькьрьн ша дьбу.**

**Дө мәсәлед
 ль сәр П'адшатийа Хвәде**
*(Матта 13:31-33;
 Марқос 4:30-32)*

18 **Пәйр'а Иса гот:** «П'адшати-ийа Хвәде мина чь йә? У Әз we һьмбәри чь кьм?» 19 **Әв мина һ'әбәкә т'охьме хәрдале йә, кө мәрвьәки һьлда бахче хвәда чанд.** У гава әв мәзьн бу, бу дар, тәйрәдед ә'змен һелинед хвә сәр ч'ьрьлед we чекьрьн».

20 **Әви диса гот:** «Әз П'адшати-ийа Хвәде һьмбәри чь кьм?» 21 **Әв мина һәвиртьр'шк ә, кө к'өльфәтәке һьлда нава се код* арда стьра, һ'әта кө һ'әму һьлат».**

* 13:21 Се кодед шьһуйа^ф дькьр қаси 25 килограма.

Дәре тәнг*(Мәтта 7:13-14, 21-23)*

²²Иса гөнд у бажарар'а дәрбаз дьбу, һин дькър у бәрбь Оршәлиме дьчу. ²³Йәки Уир'а гот: «Хөдан, гәло һиндък ын, әвед кә we хьлаз бьн?» Әви ванр'а гот: ²⁴«Бьщә'диньн, кә һун дәре тәнгр'а бьк'әвьнә һиндөр', чьмки Әз вәр'а дьбежьм, гәләке бьхвазьн бьк'әвьне у we нькарьбьн. ²⁵У пәйр'а, кә хвәйе мале р'абә дәри бьгьрә, һинге һуне дәрва бьминьн у дәри хьн бежьн: «Әм хөлам, дәри ль мә вәкә». Әве ль вә вәгәр'инә у бежә: «Әз ньзаньм һун жь к'ө нә». ²⁶Һинге һуне бежьн: «Мә т'әви Тә хвар, вәхвар у Тә к'учед мәда һин дькър». ²⁷Ле Әве бежә: «Әз вәр'а дьбежьм, Әз ньзаньм кә һун жь к'ө нә. Жь Мьн дур к'әвьн, һун һ'әмуийед кә нәһәқийе дькьн!» ²⁸Ль вьр we бьбә гьри у ч'ьркә-ч'ьрка дьрана, гава һун Бьраһим, Исһақ, Ақуб у һ'әму п'әхәмбәра П'адшатийа Хвәдеда бьбиньн, хвә жи дәрва авити. ²⁹У we жь р'оһьлат-р'оавайе у бакөр^ф-башуре бен, П'адшатийа Хвәдеда

сәр сьфре р'уенен. ³⁰Ава бьзаньбьн кә һьнәкед паш we бьбьнә пеш у һьнәкед пеш we бьбьнә паш».

Иса ль сәр Оршәлиме**дьловинә***(Мәтта 23:37-39)*

³¹We дәме чәнд ферьси һатын у Уир'а готьн: «Р'абә жь вьр һәр'ә, чьмки һеродәс дьхвазә Тә бькөжә». ³²У Әви ванр'а гот: «Һәр'ьн ви р'увийир'а бежьн: «Ва Әз иро, сьбе щьна дәрдьхьм, нәхвәша қәнщ дькьм у р'ожа сьсийа Әзе бьгьһижьмә мәрәме Хвә». ³³Ле гәрәке Әз иро, сьбе, дөсьбә р'ийа Хвәда һәр'ьм, чьмки набә кә п'әхәмбәрәк жь Оршәлиме дәр онда бә. ³⁴Оршәлим! Оршәлим! Тө кә п'әхәмбәра дькөжи у шандийед шәм хвә дьди бәр кәвьра. Чәнд щара Мьн хвәст кә зар'ед тә өса бьщьванда, чава мьришк щущукед хвә бьн баскед хвәда дьщьвинә, ле тә нәхвәст! ³⁵Ва мала тә we хьрабә бьминә. Әз вәр'а дьбежьм, иди һун Мьн т'ө щар набиньн, һ'әта кә һун бежьн: «Бьмбарәк ә Әве кә бь наве Хөдан те»*».

* 13:35 Зәбур 118:26.

**Иса ль мала ферьсида
нэхвәшәки қәнщ дькә**

14 ¹Р'ожәкә шәмийе Иса бона нанхварьне чу мала сәрверәки ферьсийа. **Вана** ч'ә'ве хвә жь сәр **Ви** нәдьбьр'и. ²Ль вьр пешбәри **Ви** мәрвьәки бь нэхвәшийа авзе^ф һәбу. ³Иса жь қанунзан у ферьсийа пьрси у гот: «Р'ожа шәмийе қәнщкьрьн шайиз э йан на?» ⁴Вана дәнге хвә нәкьр. Ынге Әви нэхвәш гьрт, қәнщ кьр у вәр'екьр. ⁵Паше Әви ванр'а гот: «Жь вә к'ижан э, һәгәр кәр'е* ви йан гайе ви бьк'әвә бире, р'ожа шәмийе пер'а-пер'а дәст нәвеже дәрнәхә?» ⁶Нькарьбун шаба ве пьрса **Ви** бьдана.

**Һинкьрна дәрһәқа
йед кә ль наве хвә дьгәр'ын**

⁷У гава Әви дит, вәки мәрвьед т'әглифкьри чава хвә шийе жорьн дьгьртьн, мәсәләк ванр'а гот: ⁸«Гава йәк тә гази дә'вате дькә, шийе жорьн р'унәни, нәбә кә йәки жь тә қәдьртьр жи алийе вида т'әглифкьри бә, ⁹у хвәйе дә'вате, ава готи т'әглифкьрийе вә һәр дөйа, бе

тәр'а бежә: «К'әрәма хвә ши бьдә фьлан кәсе». Ынге те жь шәрма хвә р'аби шийе жерьн р'унейи. ¹⁰Ле чахе тә т'әглиф дькьн, һәр'ә шийе жерьн р'уне, кә чахе хвәйе дә'вате бе тәр'а бежә: «Пьсмам, к'әрәм кә, дәрбази жоре бә!» Ынге қәдьре тәйе бәр ч'ә'ве һ'әму р'уньштига бьльнд бә. ¹¹Ава һәр кәсе кә хвә бьльнд кә, ве ньмьз бә у к'и кә хвә ньмьз кә, ве бьльнд бә».

¹²У Иса т'әглифкьрийе Хвәр'а гот: «Чахе тә фьравине йан шиве датини, гази һәвал-һогьр, бьра-пьсмам йан жи дәр-шинаред хвәйә дәвләти нәкә, нәбә әв жи тә т'әглиф кьн у қәнщийа тә ль тә вәгәр'иньн. ¹³Ле гава тә хварьнәке датини, гази фәқир, сәқәт, йед дькөльн у кора кә. ¹⁴Ынге те хвәзьли би, чьмки әвана нькарьн қәнщийа тә ль тә вәгәр'иньн, ле бәле Р'ожа^ф Р'абуна р'астайә жь мьрьне ве ль тә бе вәгәр'андьне».

**Мәсәла шайийа гьран
(Мәтта 22:1-10)**

¹⁵Гава жь һазьра йәки әв йәк бьһист, **Вир'а** гот: «Хвәзи ль

* ^{14:5} Нав һьнәк дәстньвисарада дәвса «көр'» «к'әр» һәйә.

ви, кӧ П'адшатийа Хвәдеда нен бьхвә». ¹⁶ Ле Иса wir'а гот: «Мәрвәки шайикә гьран һазьр кьр у гәләк мәри т'әглиф кьрын. ¹⁷ Гава вәхте шайие пер'а гьһишт, әви хӧламе хвә шанд, кӧ һ'әму т'әглифкьрийа-р'а бежә: «Һәр тышт иди һазьр ә, к'әрәм кьн вәрьн». ¹⁸ Ле һәр йәки дәстпекьр мә'ни гьрт. Йе пешьн wir'а гот: «Мьн хвәр'а ә'рд к'ьр'ийә, әз ә'сәйи гәрәке һәр'ьм бьбиньм. Әз һиви жь тә дькьм, мьн бьбахшинә». ¹⁹ У йе дьн гот: «Мьн пенщ щот га к'ьр'инә, әз дьчьм кӧ ван бьщер'ьбиньм. Әз һиви жь тә дькьм, мьн бьбахшинә». ²⁰ Йе сьсийа жи гот: «Әз зәвьщимә, ләма нькарьм бем». ²¹ У әв хӧлам вәгәр'ийа һат, әв һ'әму ахайе хвәр'а гьли кьрын. Һьнге аха һерс к'әт, хӧламе хвәр'а гот: «Зу һәр'ә мәйдан у к'учед бажер, фәқира, қопа, сәқәта у кора т'оп кә бинә вьр». ²² Пәйр'а хӧлем готе: «Ахайе мьн, тә чава ә'мьр кьр, мьн өса жи кьр, ле диса щи һәйә». ²³ У ахе хӧлемр'а гот: «Дәрк'әвә сәре р'е у дьрба, зоре ль һәр кәси бькә бинә вьр, кӧ мала мьн т'ьжи бә». ²⁴ Әз вәр'а дьбежьм, кӧ жь ван мәрвьед т'әглифкьри т'ө

кәс жь шайийа мьн we тыш-тәки тә'м нәкә».

Чава бьбьнә шагьрте Иса

(*Мәтта 10:37-38*)

²⁵ Пәй ве йәкер'а ә'лаләтәкә гьран т'әви Иса дьчу у Әв сәр ванда вәгәр'ийа у гот: ²⁶ «Һәгәр йәк пәй Мьн бе у Мьн жь де у баве хвә, жь жьн у зар'ед хвә, жь хушк у бьрайед хвә у өса жи жь хвә зә'фтьр һ'ьз нәкә, нькарә бьбә шагьрте Мьн. ²⁷ У к'и кӧ хаче хвә һьлнәдә пәй Мьн нәйе, әв нькарә бьбә шагьрте Мьн. ²⁸ Жь вә к'ижан ә, кӧ бьхвазә бьльндщикә нобәдара чекә, пешийе р'унәни нәдә бәр һ'әсеб, гәло қәвата вийе бьгьһиже бинә сери^Ф йан на? ²⁹ Нәбә кӧ һ'име we дайнә у нькарьбә бинә сери, йед кӧ бьбиньн ле бьк'әньн ³⁰ у бежьн: «Әви мәрвьи дәстпекьр чекә у нькарьбу банийа сери». ³¹ Йан жи к'ижан п'адша п'адшакир'а дәрә шер', пешийе р'унәни нәшешьрә, гәло we бькарьбә бь дәһә һ'әзара бәр йәки кӧ бь бист һ'әзари те сәр ви бькә шәр'? ³² Һәгәр әв пе нькарә, гава һе дур ә we қасьде хвә бьшинә, бона льһәвһатьне һиви же бькә. ³³ Ава жь вә һәр кәс,

к'и кӧ дӑсте хвӑ жь т'эмамыйа хӑбуна хвӑ нӑк'ышинӑ, ӑв нь-карӑ бьбӑ шагьрте Мьн.

Хвейа бе т'эм

(*Матта 5:13; Маркос 9:50*)

³⁴ Хве тыштӑки қәнщ ӑ. Ле хӑгӑр ӑв т'эма хвӑ ӧнда кӑ, паше ӑве бь чь т'эме бьстинӑ? ³⁵ Нӑ we дӑвса хвӑлийе бьгьрӑ у нӑ жи дӑвса п'ӑйн. We бавежьнӑ веда. Гӧһе к'ейи бьһистьне хӑйӑ бьра бьбьһе».

Пӑза ӧндабуйи

(*Матта 18:12-14*)

15 ¹ Ава х'ӑму хӑршгьр у гӧнӑк'ар незики Wi дьбун, кӧ гӧһе хвӑ бьдана сӑр готьнед Wi. ² Ле ферьси у қанунзана бина хвӑ тӑнг дькьр у дьготьн: «Ӕва гӧнӑк'ара қӑбул дькӑ у т'ӑви ван нан дьхвӑ». ³ У Иса ӑва мӑсӑла ванр'а гот: ⁴ «Жь вӑ к'и йӑ ӑв мӑри, кӧ сӑд пӑзед wi хӑбьн у гава йӑки жь ван ӧнда кӑ, нод нӑһа чол у бӑста нӑһелӑ у пӑй йа ӧндабуйи нӑк'ӑвӑ, х'ӑта кӧ we бьбинӑ? ⁵ У гава бьбинӑ, we жь шабуна дайнӑ сӑр мьле хвӑ, ⁶ вӑгӑр'ӑ мале, гази дӑр у щинара кӑ у ванр'а бежӑ: <Т'ӑви мьн ша бьн! Мьн пӑза хвӑйӑ

ӧндабуйи дит>. ⁷ Ӕз вӑр'а дьбежьм, ӧса жи ль ӑ'змен бона гӧнӑк'арӑки кӧ т'ӧбӑ дькӑ, he we бьбӑ шабунӑкӑ мӑзын, нӑ кӧ бона нод нӑһед р'аст, к'ижана-р'а т'ӧбӑкьрьн нӑ х'ӑвщӑ йӑ.

Зиве ӧндабуйи

⁸ Йан к'ижан ӑ ӑв к'ӧлфӑта кӧ дӑһӑ зивед we хӑбьн у гава йӑки жь ван ӧнда кӑ, we ч'ьре венӑхӑ, мале гези нӑкӑ у қәнщ ле нагӑр'ӑ, х'ӑта кӧ зиве хвӑ бьбинӑ? ⁹ У чахе ӑв бьбинӑ, we гази дӑр у щинара кӑ у ванр'а бежӑ: <Т'ӑви мьн ша бьн! Мьн зиве хвӑйи ӧндакьри дит>. ¹⁰ Ӕз вӑр'а дьбежьм, ӧса жи мьльйа-к'ӑтед Хвӑде бона гӧнӑк'арӑки кӧ т'ӧбӑ дькӑ, ша дьбьн».

Кӧр'е ӧндабуйи у бьре wi

¹¹ У Иса гот: «Дӧ кӧр'ед мӑрвьӑки хӑбун. ¹² Йе бьч'ук готӑ баве хвӑ: <Баво, жь хӑбука хвӑ чь кӧ п'ара мьн дьк'ӑвӑ, бьдӑ мьн>. У ӑви ванар'а хӑбук п'арӑвӑкьр. ¹³ Пӑй чӑнд р'ӧжар'а кӧр'е бьч'ук хӑр тыште хвӑ т'ӧп кьр чу вӑлатӑки дур. Ль вьр ӑви ӑ'мьре толтийе дӑрбаз кьр, х'ӑму хӑбука хвӑ п'уч' кьр. ¹⁴ У гава тыштӑк дестда нӑма, wi вӑлатида жи бу хӑлайикӑ

мэзын у әв к'әтә һ'аләки гьран. 15 Чу хвә ль бажарванәки ви вәлати гьрт у әви әв шан-дә к'әвшен бәр бәраза. 16 Әв һ'әвшә бу кә зьке хвә бь ван хьрнуфед^ф кә бәраза дьхвар т'ер бькьра, ле кәсәки әв жи нәдыда ви. 17 Ле гава әв сәр һ'ыше хвәда һат, гот: «Чьқас п'алә мала баве мьнда һәнә, кә нан дьхвьн у бәр ван дьминә, ле әз вьра бьр'чина дьмьрм. 18 Әз р'абьм һәр'ьмә щәм баве хвә у вир'а бежьм: Баво, мьн бәр тә у ә'змен гөнә кьр. 19 Әз иди нә һежайи кәр'тияа тә мә. Т'әне мина п'аләки хвә мьн қәбул кә». 20 У р'абу һатә щәм баве хвә. Ле гава һе дурва баве әв дит, дьле ви сәр шәвьти, бәрбь ви бәзи, әв һ'әмез кьр у р'амуса. 21 Кәр' жер'а гот: «Баво, мьн бәр тә у ә'змен гөнә кьр. Әз иди нә һежайи кәр'тияа тә мә». 22 Ле баве хөламед хвәр'а гот: «Зу бькьн, чөхе лапи р'ьнд биньн ле кьн, гөстиле текьнә т'ьлийе у сола жи бькьнә ньга. 23 Шанәгайе дәрмаликьри биньн, сәржекьн, әм бьхвьн у ша бьн. 24 Чьмки әв кәр'е мьн мьри бу, сах бу, ондабуйи бу, һатә дитьне». У дәст бь шайи-йе кьрьн.

25 Ви чахи кәр'е вийи мэзын ль к'әвшен бу. Гава һат незики мале бу, дәнге стьран у р'әқасе бьһист. 26 Әви гази жь хөлама йәки кьр у же пьрси: «Әв чь һ'әвал ә?» 27 Хөлем вир'а гот: «Бьре тә һатийә, баве тә щанәгайе дәрмаликьри сәржекьрийә, чьмки әв сах у сьламәт вәгәр'ийайә». 28 Бьра һерс к'әт у нәхвәст кә һәр'ә һьндөр'. Бав дәрк'әтә дәрва, лава ви кьр. 29 Әви ль баве хвә вәгәр'анд у гот: «Әва мөхдаре чәнд сала нә кә әз тәр'а хөламтийе дькьм у жь гөр'а тә қәт дәрнәк'әтьмә, тә қәт карәк жи нәдайә мьн кә мьн т'әви һәвал-һогьред хвә к'әф бькьра. 30 Ле гава әв кәр'е тәйи кә һәбука тә бьр, т'әви қава^ф п'уч' кьр һат, тә бона ви шанәгайе дәрмаликьри сәржекьр». 31 Баве жер'а гот: «Лаво, тә һәр гав т'әви мьн и у һ'әму һәбука мьн йа тә йә. 32 Гәрәке әм әшқ у ша буна, чьмки әв бьре тә мьри бу, сах бу у ондабуйи бу, һатә дитьне».

**Вәк'илхәрщә^ф беамьн,
ле сәрвахт**

16 ¹ Иса шагьртед Хвәр'а гот: «Мәрвьәки дәвләти

һәбу, wәк'илхәрщәки wi һәбу. Р'ожәке гъли гъништә wi, йанчийә^ф wәк'илхәрще wi һәбука wi п'уч' дькә. ² Әwi жи гази wi кър у готе: «Әв чь йәк ә кә эз бона тә дьбьһем? Һәқ-һ'әсабе wәк'илхәрщтийа хwә бьдә, чьмки иди тә нь-кари wәк'илхәрщтийе бьки». ³ Wәк'илхәрщ дьле хwәда гот: «Эз чь бькьм? Ахайе мьн жь wәк'илхәрщтийе мьн дәрдь-хә, ә'рдк'олан ль мьн набә, жь п'арскьрне жи шәрм дькьм. ⁴ Эз заньм эзе ньһа чь бькьм, кә малед хwәда мьн қәбул кьн, гава әз жь wәк'илхәрщтийе дәрк'әвьм». ⁵ Әwi йәк-йәк гази дәйндаред ахайе хwә кър у йе пешьнр'а гот: «Тә чьқаси дәйндаре ахайе мьн и?» ⁶ Әwi гот: «Сәд к'уп* бьзье зәйт'уне» у wir'а гот: «Һан ньвисара хwә һьлдә у зу р'уне бьньвисә пенши». ⁷ Паше йе дьнр'а гот: «Тә чьқаси дәйндар и?» Әwi жи гот: «Сәд ч'әл* гәньм» у wir'а гот: «Һан ньвисара хwә һьлдә у бьньвисә һ'әйште». ⁸ У аха пәсьне wәк'илхәрще беамьн да, wәки әwi бь ақьли кър. Аwa

мәрвьед ве дьне һьндава хwәда жь мәрвьед р'онайе сәрwахттър ьн. ⁹ Эз wәр'а дьбежьм, һун бь һәбука ве дьне һәвала хwәр'а дәст хьн у гава һәбук кем бә, wә бьн конед һ'әта-һ'әтайеда қәбул кьн. ¹⁰ Әwe кә нава тыштед һьндькида амьн ә, нава тыштед гәләкида жи амьн ә, ле әwe кә нава тыштед һьндькида беамьн ә, нава тыштед гәләкида жи беамьн ә. ¹¹ Һәгәр һун нава һәбука ве дьнеда беамьн бун, к'е we һәбука р'аст бьдә wә? ¹² Һәгәр һун нав тыште йе хәрибда амьн нибьн, йа wә к'е we бьдә wә? ¹³ Хөламәк нькарә дә ахар'а хөламтийе бькә, чьмки йан we һ'иле wi жь йәки һәр'ә у йе дьне һ'ыз бькә, йан жи we қәдьре йәки бьгьрә у йе дьне бөһөрмәт кә. Һун нькарьн һьн Хwәдер'а, һьн жи һәбукер'а хөламтийе бькьн».

Қанун у П'адшатийа Хwәде

(*Мәтта 11:12-13; 5:31-32;*

Марқос 10:11-12)

¹⁴ Гава ферьсийа әв һ'әму тышт бьһистьн, қәрфе хwә ль Иса дькьрьн, чьмки п'әрәһ'ыз

* ^{16:6} К'упәки щьһуйа қаси 35 литър ав һьлдьда.

* ^{16:7} Ч'әләкә щьһуйа қаси һ'әwзәки 390 литър бу.

бун. ¹⁵ Иса ванр'а гот: «Һун әв ын йед кө хвә бәр мәрыва р'аст дьднә к'ьфше, ле Хвәде дьле вә занә. Бьзаньбьн кө әв тьште нав мәрывада хвәйиқәдър ә, әв ль бәр Хвәде һ'әрам^ф ә. ¹⁶ Зәмане Қанун у п'әхәмбәра һ'әта Йуһ'әнна к'ьшанд, жь вьр шунда П'адшатиҺа Хвәде те даннасинкьрне у һәр кәс дьшә'динә бь қәвате бьк'әвә вьр. ¹⁷ Ле ә'рд у ә'змане һе р'ьһ'әт дәрбаз бьн, нә кө жь Қануне ноктәк өндә бә. ¹⁸ К'и кө жьна хвә бәр'дә у йәкә дьн бьстинә, зьнек'арийе дькә. У к'и кө йа мербәр'даи дьстинә, зьнек'арийе дькә.

Мәрыве дәвләти у Лазаре фәқир

¹⁹ Мәрывәки дәвләти һәбу, кө к'ьнще р'әвш у назьк* ль хвәдькьр у һәр р'ож бь әшқ-ша к'әф дькьр. ²⁰ Мәрывәки фәқир жи һәбу, наве ви Лазар. Әв нава п'ьзькед п'исда бәр дәрә йе дәвләти к'әти бу. ²¹ У ч'ә'ве ви бәрмайийе сьфра дәвләтида дьма, кө дьхвәст кәрме хвә пе бышкенанда. Сә жи дьһатьн,

бьринед ви даластьн. ²² Р'ож һат фәқир мьр, мьлйак'әта әв бьрьнә щәм Бьраһим. Йе дәвләти жи мьр, дәфьн кьрьн. ²³ Гава йе дәвләти дийаре мьрийада щәфа дьк'ьшанд, сәрә хвә бьльнд кьр, жь дурва Бьраһим дит у Лазар һ'әмезеда. ²⁴ Әви дәнг даие у готе: «Баве Бьраһим, ль мьн вәрә р'ә'ме. Лазар бьшинә, кө сәрә т'ьлийа хвә аведа кә бинә заре мьн шьл кә, чьмки әз к'ура ви агьрида дьшәвьтьм». ²⁵ Ле Бьраһим готе: «Лаво! Бинә бира хвә, кө тә қәншийед п'ара хвә нав зәмане ә'мьре хвәда стандьнә, ле Лазар зәлули к'ьшандийә. Ньһа жи дьле ви ль вьр р'ьһ'әт ә, ле тө нава щәфада йи. ²⁶ У пештьри ве йәке жи, гәлики бебьни нава мә у вәда һәйә. Нә йе вьр дькарьн дәрбази щәм вә бьн, нә жи йе вьр дькарьн дәрбази щәм мә бьн». ²⁷ Ынге әви готе: «Баво, вәки өса йә, әз һиви жь тә дькьм, тө әви бьшинә мала баве мьн, ²⁸ чьмки пенщ бьрайед мьн жи һәнә, бьра һәр'ә т'әмийе бьдә ван, вәки әв жи нәйенә ви щийе

* ^{16:19} Бь йунани хәбәр бь хәбәр аһа йә: «К'ьнще ширк^ф у к'ьтане хас», кө һынге гәләки бьһа бун.

щәфа». ²⁹ Ле Брахим готе: «Муса у п'ехәмбәред ван һәнә. Брах гөһдарийа ван бькьн». ³⁰ Әви жи гот: «На, баве Брахим, һәгәр жь мьрийа йәк һәр'ә щәм ван, we жь гөнәкьрьне вәгәр'ьн». ³¹ Ынгә Брахим вир'а гот: «Һәгәр гөһдарийа Муса у п'ехәмбәра накьн, йәк жь мьрийа р'абә жи, диса әвана бауәр накьн».

**Чәнд готьнед Иса дәрһәқа
гөнәкьрьне, бахшандьне,
бауәркьрьне у борщдаинедә**

(Матта 18:6-7, 21-22;

Марқос 9:42)

17 ¹ Иса шагьртед Хвәр'а гот: «Набә кә сәбәбийа жьр'ек'әтьне т'өнәбә, ле вәй ль ви, кә бьбә сәбәбе ве йәке. ² Вир'а һе қәнщ ә, кә бәрәшәк стуйе вива бе гьредан у авитьне нава бәре, нә кә жь ванед бьч'ук йәки жь р'е дәрхә. ³ Ыаш жь хвә һәбьн! Һәгәр бьре тә гөна бькә, ле һьле, һәгәр сәр кьрьна хвә п'ошман бә, ви бьбахшинә. ⁴ У һәгәр нава р'ожеда һ'әфт шара нәһәқийе ль тә бькә у вәгәр'ә, тәр'а бежә: «Әз т'обә дькьм», ви бьбахшинә».

⁵ Шандийа Хөданр'а гот: «Бауәрийа мә зедә кә». ⁶ Хөдан

гот: «Һәгәр бауәрийа вә вәкә һ'әбәкә т'охьме хәрдале һәбә у ве дара т'утер'а бежьн: «Жь вьр р'абә у бәреда дач'ькә», әве йа вә бькә».

⁷ Жь вә к'ижан ә, әве кә хөламәки вийи щотк'ар йан шьван һәбә, гава әв жь к'әвшен бе, вир'а бежә: «Бьләзинә к'әрәм кә сәр сьфре»? ⁸ Ве пешийе жер'а нәбежә: «Шива мьн һазьр кә, пышта хвә гьредә у бәрдәстийе мьнр'а бькә. Әз бьхвьм у вәхвьм, паше жи тә бьхвә у вәхвә»? ⁹ Гәло бона әв тыштед кә хөлемр'а һатьнә ә'мыркьрьне у ви кьрьнә, ахайе ви we жер'а бежә: «Зәф р'азимә»? ¹⁰ Өса жи һун, гава әв һ'әму тыштед кә вәр'а һатьнә ә'мыркьрьне бькьн, бежьн: «Әм хөламед бекер ьн. Чь кә ль мә дьк'әт, мә әв кьр».

Қәнщкьрьна дәһә к'отийа

¹¹ Гава Иса бәрбь Оршәлиме дьчу, нава Самәрийае у Шәлилер'а дәрбаз дьбу. ¹² Чахе Әв дьк'әтә гөндәки, дәһә мәрьвед к'оти р'асти Ви һатьн дур сәкьнин ¹³ у бь дәнге бьльнд готьне: «Исайе мамоста, ль мә вәрә р'әме». ¹⁴ У гава Иса әв дитьн, ванр'а гот: «Һәр'ьн хвә

нишани к'аһина кын». У чахе әв һе дьчун, пақьж бун. ¹⁵ Ле гава жь ван йәки дит кө әв пақьж буйә, пашда вәгәр'ийа, бь дән-гәки бьльнд шькьри дьда Хвәде. ¹⁶ Әви хвә дөвәр'у авитә бәр ньгед Иса у р'азибун дьда Wi. Әв самәри бу. ¹⁷ Ынгә Иса гот: «Нә һәр дәһә жи пақьж бун, ле к'ане нә һәр нәһед дьн?» ¹⁸ Чьма пештьри әви мәрьве хәриб кәсәк жь ван вәнәгәр'ийа, кө бьһата шькьри бьда Хвәде?» ¹⁹ У wir'a гот: «Р'абә һәр'ә. Бавәрийа тә тө қәнщ кьри».

Һатна П'адшатийа Хвәде

(Мәтта 24:23-28, 37-41)

²⁰ Гава ферьсийа жь Иса пьр-си, П'адшатийа Хвәде we к'әнге бе, Әви ль ван вәгәр'анд у гот: «П'адшатийа Хвәде ашкәрә найе. ²¹ Нә жи we бежьн: «Ва йә вьр ә!» йан жи: «We дәра һан ә!» Чьмки П'адшатийа Хвәде нава вәда йә». ²² У шагьртед Хвәр'а гот: «We р'оже бен, кө һуне һ'ьзрәта р'ожәкә Көр'е Мерьв бьн, ле набиньн. ²³ У һәгәр вәр'а бежьн: «Ва йә вьр ә!» йан: «Дә-

ра һан ә!» пәй нәк'әвьн нәчьн. ²⁴ Чьмки чава бьруск жь алики ә'змен бьрқ дьдә у т'әмамийа ә'змен р'онайи дькә, Көр'е Мерьв жи we р'ожа хвәда өса бә. ²⁵ Ле пешийе гәрәке Әв гәләки щәфа бьк'ьшинә у жь ви мь-ләти бе т'әхсиркьрьне. ²⁶ Чава р'ожед Нөһда дьқәвьмин, өса жи we р'ожед Көр'е Мерьвда бьқәвьмын. ²⁷ Ынгә дьхварьн, вәдхварьн, дьзәвьшин у мер дькьрьн, һ'әта we р'ожа кө Нөһ к'әтә гәмийе, лейи р'абу қьр'а һ'әмуя ани*. ²⁸ У өса жи чава р'ожед Лутда^ф бун, дьхварьн, вәдхварьн, дьк'ьр'ин, дьфьро-тън, дьр'әшандьн у чедькьрьн. ²⁹ Ле әв р'ожа кө Лут жь Содоме дәрк'әт, агьр у к'ьрк'ут^ф жь ә'з-мен бари, қьр'а һ'әмуя ани*. ³⁰ Әв р'оже жи we өса бә, гава Көр'е Мерьв к'ьфш бә.

³¹ We р'оже к'и сәр хени йә у һәбука wi жи малда йә, бьра жорда нәйе, кө тыштәки һьл-дә у әве ль к'әвшен ә, бьра пашда вәнәгәр'ә. ³² Жьна Лут биньнә бира хвә*. ³³ К'и кө дьхвазә ә'мыре хвә хьлаз кә,

* 17:27 Дәстпәбун 6-8.

* 17:29 Дәстпәбун 19.

* 17:32 Дәстпәбун 19:23-26.

we онда кә, ле к'и кӧ ә'мыре хвә онда кә, we хьлаз кә. ³⁴Эз вәр'а дьбежым, we шәве һәгәр дӧ мәри ньвинәкеда бьн, йәке бе һьлдане, йәке бе һьштъне. ³⁵У һәгәр дӧ к'ӧлфәт сәр дәс-тар'әки бьн, йәке бе һьлдане у йа дьн бе һьштъне»*. ³⁷Вана ле вәгәр'анд у готън: «Хӧдан, әве ль к'идәре бьбә?» Әви жь ванр'а гот: «Бәрәт'ә^ф ль к'ӧ һә-бә, тәйре жи ль вьр бьщьвьн».

Мәсәлә жьнәбийе у һ'акьм

18 ¹Иса мәсәләк бона we йә-ке шагьртар'а гот, вәки һәр гав дӧа бькьн у ащьз нәбьн ²у гот: «Бажарәкида һ'акьмәк һәбу, әв нә жь Хвәде дьтър-сийа у нә жи мьнәт жь мерьв дькьр. ³Ви бажарида жьнәбик жи һәбу, һәр гав дьһатә щәм ви у дьгот: «Һәқийе бькә, мьн жь дәсте нәйаре мьн хьлаз кә». ⁴Һ'акьм гәләк вәхт гӧһ нәдыда we, ле паше хвәха хвәр'а гот: «Эз жь Хвәде натьрсьм у жь мерьв жи мьнәте накьм, ⁵ле бона хатьре we йәке, кӧ әва жьнәбийа те зә'мәте дьдә мьн, әзе һәқийе жер'а бькьм, кӧ һәр

гав нәйе мьн ащьз нәкә». ⁶У Хӧдан гот: «Бьбьһен кӧ һ'акьме нәр'аст чь гот. ⁷Гәло Хвәде жи бьжартийед Хвәр'а we һәқийе нәкә, йед кӧ шәв у р'ож һәва-ра хвә Ви датиһьн? Йан Әве щаба ван дәрәңги бехә? ⁸Эз вәр'а дьбежым, we дәстхвәда һәқийе бькә. Ле гава Кӧр'е^ф Мерьв бе, гәло сәр дьне we бауәрийе бьбинә?»

Мәсәлә ферьси у хәрщгьр

⁹Әв мәсәлә жи ванр'а гот, йед кӧ хвәха хвәда гӧман бун, йанчийә әвә р'аст ьн у һ'әмуйед майин бәр тьштәки һ'әсаб нә-дькьрьн. ¹⁰«Дӧ мәри һьлк'ьши-йанә п'арьстгәһе, кӧ дӧа бькьн. Йәк ферьси бу, йәк жи хәрщгьр. ¹¹Әве ферьси т'әне сәкьнибу хвәда гӧман бь ви шур'әйи дӧа дькьр: «Хвәдейе мьн, шькьрдар ьм, кӧ әз нә мина ван мерьва мә, йед кӧ т'аланийе, нәһәқи-йе, зьнек'арийе дькьн у нә жи мина ви хәрщгьри мә. ¹²Ле әз һ'әфтийе дӧ шара р'ожи дьгьрм у дәһәке жь һ'әму к'ара хвә жи дьдьм». ¹³Ле әви хәрщгьр дур сәкьнибу, р'уйе ви нәдыгьрт ль

* ^{17:35} Нав һьнәк дәстньвисарада р'еза 36-а жи һәйә: «У һәгәр дӧ мерьв ль к'әвшен бьн, йәке бе һьлдане у йе дьне бе һьштъне».

э'змен жи бьньһер'ийа, синге хвэ дьхьст у дьгот: «Хвэде, ль мьн гөнэк'ари вэрэ р'э'ме». ¹⁴Эз вэр'а дьбежым, кӧ эв хэршгьра р'астһ'эсаббуйи^ф чу мала хвэ, нэ кӧ йе дьн. Ава һэр кэсе кӧ хвэ бьльнд кэ, we ньмьз бэ, ле к'и кӧ хвэ ньмьз кэ, we бьльнд бэ».

Иса дӧа зар'ока дькэ

(*Матта 19:13-15;*

Марқос 10:13-16)

¹⁵Т'ьфал жи анинэ шэм Иса, кӧ дәсте Хвэ дайнэ сэр ван. Гава шагьрта эв йэк дит, ль йед данин һьлатьн. ¹⁶Ле Иса гази зар'ока кьр у гот: «Бьра эв зар'ок бенэ шэм Мьн, пешийа ван нэгьрын, чьмки П'адшатийа Хвэде п'ара йед аһа йэ. ¹⁷Эз вэр'а р'аст дьбежым, к'и П'адшатийа Хвэде мина зар'окэке қэбул нэкэ, эв т'ӧ шар нак'эвэ нава we».

Сэрверэки шьһуйайи дәвләти ль жийина һ'эта-һ'этайе дьгэр'э

(*Матта 19:16-30;*

Марқос 10:17-31)

¹⁸Сэрверэки жь Ви пьрси у гот: «Дэрсдаре қәнщ, эз чь

бькьм, вэки жийина һ'эта-һ'этайе вар бьм?» ¹⁹Иса вир'а гот: «Тӧ чьма Мьнр'а дьбежи қәнщ? Қәнщ т'эне Хвэде йэ, пештьри Ви кэсэки дьн т'ӧнэ. ²⁰Тӧ т'эмийа зани: «Зьнек'арийе нэкэ, нэкӧжэ, нэдьзэ, шэ'дәтийа дэрәw нэдэ, қәдьре де у баве хвэ бьгьрэ*». ²¹Әви жи гот: «Эв һ'эму жи мьн жь щәһьлтийа хвэда хвэй кьрынэ». ²²Гава Иса эв йэк бьһист, вир'а гот: «Тьштэки тэ һе кем э, һэр тьште хвэ бьфьрошэ, бөлайи фәқира кэ, һьнге хьзна тэ we ль э'змана һэбэ. У пәй Мьн вэрэ». ²³Гава әви эв йэк бьһист, эшқа ви шкәст, чьмки гәләки дәвләти бу. ²⁴Иса дит кӧ бәшәра ви нәхвәш э, гот: «Чьқаси зә'мәт э бона йед хвәйиһәбук кӧ бьк'эвьнэ П'адшатийа Хвэде. ²⁵Дәвэ we қӧла дәрзийер'а һе р'ьһ'әт дәрбаз бэ, нэ кӧ дәвләти бьк'эвэ П'адшатийа Хвэде». ²⁶Әвед кӧ дьбьһистьн, готьн: «Иди к'и дькарэ хьлаз бэ?» ²⁷У Иса гот: «Эв тьште кӧ жь дәсте мерьв найе, Хвэде дькарэ бькэ». ²⁸Пәтрус гот: «Ава мө һэр тьштед хвэ һьштьнэ у пәй Тә һатьнэ». ²⁹Әви ванр'а гот: «Эз

* ^{18:20} Дәрк'әтьн 20:12-16; Қануна Дӧшари 5:16-20.

р'аст вәр'а дьбежым, һәр кәсе кӧ бона П'адшати́я Хвәде мал, йан жьн у зар', йан хушк у бьра, йан де у бав һышт'бә, ³⁰ we ве дьне һе зедә бьстинә у дьняа дьнда жи жийина һ'ә-та-һ'әтайе».

**Иса щара сьсийа дәрһәҫа
мьрына хвәда дьбежә**

(Мәтта 20:17-19;

Марҫос 10:32-34)

³¹ Әви һәр донздәһ данә алики у ванр'а гот: «Бьбьһен! Әм һәвраз дьчьнә Оршәлиме у һ'әму тыштед кӧ бь дәсте п'ехәмбәра бона Кӧр'е Мерьв һатьнә нвьисаре, ве бенә сери. ³² Әве бьк'әвә дәсте нәшьһуя, we қәрфе хвә ле бькьн, бейӧр-мәт кьн, т'укьне, ³³ бьдьянә бәр қамчийа, Ви бькӧжьн. У р'ожа сьсийа we жь мьрыне р'абә». ³⁴ Шагьрта т'ӧ тышт жь ван хәбәра фә'м нәкьрын. Әв йәк жь ван вәшарти бу у әв готьн сәре ванда р'унәдьяншт.

**Иса п'арскьрәки кор
бажаре Әриһайеда қәнщ дькә**

(Мәтта 20:29-34;

Марҫос 10:46-52)

³⁵ Гава Әв незики Әриһайе бу, йәки кор ль сәр р'е р'унышти

п'арс дькьр. ³⁶ У гава бьһист кӧ ә'лаләт бәр wir'а дәрбаз дьбә, пьрси: «Әв чь һ'әвал ә?» ³⁷ Wir'а готьн: «Исайе Ньсрә-те дәрбаз дьбә». ³⁸ Ђнге әви кьрә қир'ин у гот: «Иса, Кӧр'е Давьд^ф, ль мьн вәрә р'ә'ме!» ³⁹ У йе кӧ пешийе дьчун, ль ви һьлатьн, кӧ дәнге хвә бьбьр'ә, ле әви һе дькьрә қир'ин: «Кӧ-р'е Давьд, ль мьн вәрә р'ә'ме!» ⁴⁰ Иса щида сәкьни у ә'мьр кьр, кӧ әви биньнә шәм Ви. У гава кор незики Ви бу, жь ви пьрси у гот: ⁴¹ «Тӧ чь жь Мьн дьхвази кӧ Әз бона тә бькьм?» Әви гот: «Хӧдан, дьхвазым ч'ә'вед мьн бьбиньн». ⁴² У Иса wir'а гот: «Бьра бьбиньн, бавәрийа тә тӧ қәнщ кьри!» ⁴³ У дәстхвәда ч'ә'вед ви дитьн, да пәй Иса чу у шькьри дьда Хвәде. Т'ә-мабийа we щьмә'те кӧ әв йәк дит, пәсьне Хвәде дьдан.

Иса у хәршгьр

19 ¹ Иса к'әтә Әриһайе у wer'а дәрбаз дьбу. ² Ль вьр мәрвьәки дәвләти һә-бу, сәрwere хәршгьра, наве ви Зәхайо. ³ Әви дькьр кӧ Иса бьдита к'а Әв к'и йә, ле дәст ә'лаләте нькарьбу бьдита, чьмки бәжьнеда кьн бу. ⁴ Әв

пешда бәзи р'абу сәр дарәкә һежирейә стьрин, вәки Иса бьбинә, чьмки Әвә һәма ль вьрр'а дәрбаз бьбуя. ⁵ У чахе Иса һатә ви шийи, ль жор ньһер'и у готә ви: «Зәхайо! Зу бькә жь вьр вәрә хваре, чьмки Әз гәрәке иро мала тәда бьминьм». ⁶ Зәхайо ләзанд жорда һатә хваре у бь әшқ-ша Әв қәбул кьр. ⁷ Һ'әмуйед кә әв йәк дитьн, бина хвә тәнг дькьрьн у дьготьн: «Әв бу меване мәрвьәки гөнәк'ар». ⁸ Ле Зәхайо пеш һ'әмуйава сәкьни у готә Хөдан: «Хөдан, әз ва ниве һәбука хвә дьдьмә фәқира у мьн нәһәқи к'е жи кьрьбә, әзе чар шар ле вәгәр'иньм». ⁹ Иса вир'а гот: «Иро әв мал хьлаз бу, чьмки әва жи зар'а Бьраһим ә. ¹⁰ Бона ве йәке Көр'е Мервь һат, вәки ль йед өндабуи бьгәр'ә у хьлаз кә».

Мәсәла дәһә зер'а
(*Мәтта 25:14-30*)

¹¹ У вана һе әв тышт дьбьһистьн, Иса мәсәләкә дьн жи ани сәр ве йәке, кә Әв незики Оршәлиме дьбу у вана т'ьре П'адшатийа Хвәде ве зутьрәке к'ьфш бә. ¹² Әви гот: «Мәрвьәки ә'сылзәдә чу вәлатәки дур,

кә п'адшатийа хвә бьстинә у вәгәр'ә. ¹³ Гази дәһә хөламед хвә кьр, дәһә зер' данә ван у гот: «Ван бьдьнә хәбате, һ'әта кә әз вәгәр'ьм». ¹⁴ Ле бажарвана к'ина ви гьртьбу, қасьд ль пәй ви шандьн у готьн: «Әм нахвазьн әв п'адшатийе ль сәр мә бькә». ¹⁵ У гава әви п'адшатийа хвә станд вәгәр'ийа, гази ван хөлама кьр, к'ижанед кә әви п'әрә дабунә ван, вәки бьзаньбә к'а һәр йәки чьқас кьрийә к'ар. ¹⁶ Йе пешьн һат у готе: «Әз хөлам, зер'әки тә дәһә зер' кьрә к'ар». ¹⁷ Ахайе ви жер'а гот: «Ә'фәрьм, хөламе қәнш! Тө нава ви тыште һьндькида амьн майи, сәрwertийе дәһә бажара бькә». ¹⁸ Йе дөда жи һат у гот: «Әз хөлам, зер'әки тә пенш зер' кьрә к'ар». ¹⁹ Ахайе ви жер'а гот: «Тө жи сәр пенш бажара бә». ²⁰ Паше йәки дьн һат у гот: «Әз хөлам, ва йә зер'е тә, мьн дәстмаледа п'еч'айи һьлдабу. ²¹ Чьмки әз жь тә дьгьрсийам, мьн заньбу тө мәрвьәки һ'ьшк и, чь кә тә данәнийә, һьльдди у чь кә тә нәчандийә, дьдьруи». ²² У ви жер'а гот: «Әзе һәма бь дәве тә диwana тә бькьм, хөламе хьраб! һәгәр тә заньбу кә әз

мәрвәки һ'ышк ым, чь кӧ мьн данәнийә, һьлдьдъм у чь кӧ нәчандийә, дьдърум, ²³тә чь-ма п'әре мьн нәда к'аркьра, кӧ эз бьһатама мьн бь сәләф бьстанда?» ²⁴У һазьрар'а гот: «Ви зер'и жь ви бьстиньн у бьдьнә әве кӧ дәһә зер'ед ви һәнә». ²⁵Вир'а готьн: «Хӧдан, дәһә зер'ед ви һәнә». ²⁶Әви гот: «Эз вәр'а дьбежъм, йе к'е кӧ һәйә, вир'а ве бе дайине, ле йе к'е кӧ т'ӧнә, чь һәйә жи ве же бе стандьне. ²⁷Ле бәле ван нәйаред мьн жи, к'ижана нәдьхвәст эз п'адшатийе ль сәр ван бькьм, биньнә вьр, бәр ч'әве мьн ван бькӧжьн»».

**Иса бь р'умәт дьк'әвә
Оршәлиме**

*(Мәтта 21:1-11; Марқос
11:1-11; Йун'әнна 12:12-19)*

²⁸Иса пәй ве хәбәрданер'а пешда чу, вәки һәвраз һәр'ә Оршәлиме. ²⁹У гава незики гӧндед Бәйтфаще у Бәйтанияе бу, ви щийе кӧ жер'а дьготьн ч'ийайе^Ф Зәйт'уне, һьнге дӧ шагьртед Хвә шандьн ³⁰у гот:

«Һәр'әнә ви гӧнде пешбәри хвә, гава һун бьк'әвьне, һуне щә'шькәкә гьредаи бьбиньн кӧ һе кәсәк ле сийар нәбуйә. Әве вәкьн у биньн. ³¹Һәгәр йәк жь вә бьпьрсә: «Һун чьма ве вәдькьн?» бежьн, кӧ Хӧданр'а лазьм ә». ³²Әвед шанди чун, чава кӧ ванр'а һатьбу готьне, ӧса жи дитьн. ³³У вана һе щә'-шьк вәдькьр, хвәйед ве ванр'а готьн: «Һун чьма ве щә'шьке вәдькьн?» ³⁴Шагьрта гот: «Хӧданр'а лазьм ә». ³⁵У әв анинә щәм Иса, к'ьнщед хвә авитьнә сәр ве у Иса ле сийар кьрьн. ³⁶Гава дьчу, щьмә'те к'ьнщед хвә сәр р'е р'адьхьстьн. ³⁷У гава Әв незики п'ебәржере ч'ийайе Зәйт'уне бу, т'әмамияа к'ома шагьрта дәстпекьрьн ша дьбун у бь дәнге бьльнд бона һ'әму к'әрәмәтед кӧ дитьбун шькьри дьданә Хвәде ³⁸у дьготьн: «Бьмбарәк ә әв П'адшайе кӧ бь наве Хӧдан те!* Ә'дьлайи ль ә'змен у шькьри ль Йе һәри Жорьн**!» ³⁹Ле жь нав'әлаләте чәнд ферьсийа Исар'а гот: «Дәрсдар, ль шагьртед Хвә

* 19:38 Зәбур 118:26.

** 19:38 Бь йунани хәбәр бь хәбәр аһа йә: «Шькьри бьльндаийеда». «Бьльндайи» бә'са щийе Хвәде дькә.

һыле». ⁴⁰Әви ль ван вәгәр'анд у гот: «Әз вәр'а дыбежым, һәгәр әвана дәнге хвә бьбьр'ын, кәвьре бькьнә қир'ин».

Иса бона Оршәлиме дьгьри

⁴¹У гава незики Оршәлиме бу, ль бажер ньһер'и, сәрда гьри-йа ⁴²у гот: «Хвәзи тә һәма иро бьзаньбуйа ә'длайийа тә чьва гьредаи йә! Ле ньһа жь бәр ч'ә'ве тә һатә вәшартьне. ⁴³We р'ож сәр тәда бен, кә дьжмьнед тәйе дора тә чәпәр'е гьредьн у жь һәр алийава һ'ышуми сәр тә кьн. ⁴⁴We тә у зар'ед тә нава тәда бькьн ах-хвәли у кәвьр ль сәр кәвьр һәһельн. Чьмки вәхте кә Хвәде сәрик да тә, тә хвә нәһ'әсийайи».

Иса п'арьстгәһеда

(*Мәтта 21:12-17; Марқос 11:15-19; Йуһ'әнна 2:13-22*)

⁴⁵У к'әтә п'арьстгәһе, дәстпекьр йед кә дьфьротьн дәрхьстьн ⁴⁶у ванр'а гот: «Ньвисар ә: «Мала Мьн we мала дәә бә»*. Ле вә әв кьрийә «шкәфта қачаха**». ⁴⁷У һәр р'ож п'арьстгәһеда һин дькьр, ле сәрәкед

к'аһина, қанунзан у гьрәгьред шьмә'те пәй к'әтьбун, кә чава Wi бькөжьн. ⁴⁸Ле нькарьбун тьштәк бькьрана, чьмки т'әма-мийа шьмә'те Wiва гьредаи бу у гөһдарийа Wi дькьр.

Пьрса дәрһәқа һ'өкөме Исада

(*Мәтта 21:23-27;*

Марқос 11:27-33)

20 ¹У р'ожәкә жь ван р'о-жада, гава Әви п'арьстгәһеда хәлқ һин дькьр у Мьзгини дыда, сәрәкед к'аһина у қанунзан т'әви р'успийа һатьнә шәм Wi ²у готьн: «Бежә мә, Тә бь чь һ'өкөми ван кьра дьки? К'е әв һ'өкөм дайә Тә?» ³Әви ль ван вәгәр'анд у гот: «Әз жи тьштәки жь вә бьпьрсьм у һун Мьнр'а бежьн: ⁴Һ'өкөме ньхө-мандьна Йуһ'әнна жь ә'змен бу йан жь мәрьва?» ⁵Әвана нав һәвда шешьрин у готьн: «Һәгәр әм бежьн: «Жь ә'змен бу», Әве бежә: «Ле вә чьма әв бауәр^ф нәкьр?» ⁶Ле һәгәр әм бежьн: «Жь мәрьва бу», т'әма-мийа шьмә'те we мә бьдә бәр кәвьра, чьмки әв ә'сәйи бауәр дькьн, кә Йуһ'әнна п'ехәмбәр

* ^{19:46} Ишайа 56:7.

** ^{19:46} Йерәмийа 7:11.

бу». ⁷ Вана шаба **Ви** да у готын: «**Әм** нъзаньн жь к'ө бу». ⁸ **Иса** ванр'а гот: «**Әз** жи вәр'а набежъм, к'ө бь чь һ'өк'оми ван кьра дькьм».

**Мәсәлә р'әзе тьрийа
у р'әзвана**

(Мәтта 21:33-46;

Марқос 12:1-12)

⁹ **У Иса** дәстпекьр әв мәсәлә шьмә'тер'а гот: «**Мәрвьәки** р'әзе тьрийа дани у әв бь к'ьре да р'әзвана, вәхтәки дьреж чу вәлатәки дьн. ¹⁰ **У** вәхтда хөламәк шандә щәм р'әзвана, вәки жь ви р'әзи бәре п'ара ви мир'а бьшиньн, ле р'әзвана хөламе ви к'өта у дәствала вәр'екьрн. ¹¹ **Ахе** хөламәки дьн жи шанд, вана әв жи к'өта, әв р'обәт кьрн у дәствала вәр'екьрн. ¹² **Йе** сьсийа жи шанд, вана әва жи бьриндар кьр у жь р'әз дәрхьстьн. ¹³ **Хвәйе** р'әз гот: «**Әз** чь бькьм? **Көр'е** хвәйи дәлал бьшиньм, һьлбәт we жь ви шәрм бькьн». ¹⁴ **Ле** гава р'әзван ч'ә'в ви к'әтн, ль һәв шешьрин у готын: «**Әв** вәре ви йә! **Вәрьн** әм ви бькөжьн, к'ө мират'а^ф ви мәр'а бьминә».

¹⁵ **У** әв жь р'әз дәрхьстьнә дәр у к'өштн. **Ава** хвәйе р'әз we чь бинә сәре ван? ¹⁶ **Нә** әве бе қьр'а ван р'әзвана бинә у р'әз бьдә һьнәкед дьн». **Гава** әв йәк бьһистьн, готын: «**Хвәде** нәкә». ¹⁷ **У Иса** ль ван ньһер'и у гот: «**Ле** әв чь йә, к'ө ньвисар ә? «**Әв** кәвьре к'ө һоста т'әхсир кьр, әв бу сәре ә'нишке^ф»*.

¹⁸ **Һәр** кәсе к'ө бьк'әвә сәр ви кәвьри, we һурдәхвәши бә у әв кәвьр бьк'әвә сәр к'е, we ви бьһ'ьнщьр'инә». ¹⁹ **Сәрәкед** к'аһина у қанунзана we дөме кьрн к'ө **Ви** бьгьрн, чьмки фә'м кьрн, к'ө **Әви** әв мәсәлә ани сәр ван, ле жь шьмә'те тьрсийан.

Пьрса хәрщдайн у нәдайине

(Мәтта 22:15-22;

Марқос 12:13-17)

²⁰ **У** ч'ә'вед ван ль **Иса** бун, чәнд мәрвьед щә'сус шандьн, к'ө бь дөр'ути хвә дәвса р'аста данибун, вәки **Ви** бь хәбәра бьгьрн у бьднә дәсте һ'өк'өмәте у диwana вәли. ²¹ **Вана** жь **Ви** пьрси у готьне: «**Дәрслар**, әм заньн к'ө **Тө** р'аст хәбәр дьди у һин дьки, нав мәрьвада

* ^{20:17} Зәбур 118:22.

фъррийе жи данайни, ле р'ийа Хwәде р'аст хин дьки. ²² Гәло р'аст ә кә әм хәрщ бьднә Qәйсәр йан на?» ²³ Әви кә фелбазийа ван заньбу ванар'а гот*: ²⁴ «Зивәки нишани Мьн кьн. Әв наве ньвисар у сьфәт^ф йе к'е йә сәр?» ²⁵ Wана гот: «Йед Qәйсәр ьн». Әви ванр'а гот: «Wәки өса йә, чь кә йед Qәйсәр ьн, бьднә Qәйсәр у чь йед Хwәде нә бьднә Хwәде». ²⁶ У нькарьбун бәр щьмә'те нава хәбәра Wiда Әw быгьртана, сәр шабдайина Wi зәндәгьрти дәнге хwә бьр'ин.

Пьрса р'абуна мьрийа

(*Матта 22:23-33;*

Марқос 12:18-27)

²⁷ Садуқи^ф, кә дьбежьн р'абуна мьрийа т'өнә, һнәкә жь ван һатьнә щәм Wi жь Wi пьрсин у готьн: ²⁸ «Дәрсдар, Муса мәр'а ньвисийә: <Һәгәр бьре йәки бьзәwьщә у безөр'әт бьмьрә, бьра бьре ви жьна ви бьстинә у ware бьре хwә шин кә*». ²⁹ Аwa һ'әфт бьра һәбун.

Бьре мәзьн жьнәк станд, безөр'әт мьр. ³⁰ Пәйр'а йе дөда ³¹ у паше йе сьсийа әw жьн станд, һәйнәсәр ван һәр һ'әфта жи әw жьн станд у зар' пәй ван нәк'әтьн, мьрьн. ³² Пәй гьшкар'а әw к'өлфәта жи мьр. ³³ Дә ижар we Р'ожа Р'абуна мьрийа әw к'өлфәте бьбә жьна к'ижани? Чьмки һәр һ'әфта жи әw стандьбу». ³⁴ Иса ль ван вәгәр'анд у гот: «Мәрьве ве дьне дьзәwьщьн у мер дькьн. ³⁵ Ле әвед кә һежайи we дьне бьн у быгьһижьнә р'абуна мьрийа, нә we бьзәwьщьн у нә жи мер кьн. ³⁶ Әwe иди нькарьбьн бьмьрьн, әw wәкә мьлийак'әта нә. Әw зар'ед Хwәде нә, чьмки п'ара р'абуна мьрийа нә. ³⁷ Ле бона р'абуна мьрийа, Муса жи дайә к'ьфше. Әw сәрһатийа дара дьр'ийеда бона Хөдан дьбежә: <Хwәдейе Бьраһим, Хwәдейе Ишаq, Хwәдейе Аqуб*». ³⁸ Аwa Хwәде нә Хwәдейе мьрийа йә, ле йе зендийа йә, чьмки бона Wi һ'әму жи сах ьн». ³⁹ Жь қанунзана һнәка ле вәгәр'анд

* 20:23 Нав һнәк дәстньвисарада әв жи һәйә: «Һун чьма Мьн дьщеп'ьбинь?»

* 20:28 Qануна Дөщари 25:5.

* 20:37 Дәрк'әтьн 3:6.

у готыне: «Дәрсдар, Тә қәнш гот». ⁴⁰У иди кәсәки нәшерьбу кә тыштәки жи жь **Wi** быпърсә.

Мәсиһ көр'е к'е йә?

(*Мәтта 22:41-46;*

Марқос 12:35-37)

⁴¹У Иса ванар'а гот: «Чава дьбежын кә Мәсиһ көр'е Да-
вьд ә? ⁴²Давьд хвәха к'ьтеба
Зәбурада^ф дьбежә:

«Хөдан готә Хөдане мьн:

Ль мьле Мьни р'асте р'уне,

⁴³ һ'әта кә дьжмьнед Тә бькьмә
быне п'ийед Тә»*.

⁴⁴Ава һәгәр Давьд **Wi** «Хөдан»
һ'әсаб дькә, иди Әw чава дьбә
көр'е Давьд?»

**Һ'әвза хвә жь қанунзана
быкьн**

(*Мәтта 23:1-36;*

Марқос 12:38-40; Луқа 11:37-54)

⁴⁵Һе т'әмамия шьмә'те гөһ-
дари дькьр, Әwi шагьртед
Хвәр'а гот: ⁴⁶«Һ'әвза хвә жь
ван қанунзана быкьн, йед кә
һ'ыз дькьн бь чөхед дьреж бь-
гәр'ын, базарада сылаве бьднә
ван, к'ьништада к'өрсийед
пешьн бьгьрн у шайийада жи
һәрәма^ф жорьн р'унен. ⁴⁷Әвана

аликива малед жьнәбийа һ'у-
фи хвә дькьн, алийе дьнва жи
бона хвәк'ьфшкьрьне дөайе
хвә дьреж дькьн. Диwana ване
һе гьран бә».

Дийарийа жьнәбийа бәләнгаз

(*Марқос 12:41-44*)

21 ¹Иса дина Хвә даие у
дит кә дәвләтия һ'әди-
йед хвә давитьнә п'әрәданга^ф
п'арьстгәһе. ²Әwi бәләнгазәкә
жьнәби жи дит кә дө пол авитә
вьр ³у Иса гот: «Әз р'аст вәр'а
дьбежьм, кә әве жьнәбийа бә-
ләнгаз жь ван һ'әмуяа зә'фтьр
авите. ⁴Чьмки ван һ'әмуяа жь
бәрмайийед хвә авитьнә нава
һ'әдийа, ле әве ве бәләнгазийа
хвәда һ'әму тыште кә we пе
ә'буре хвә бькьра авите».

**Иса пешда дәрһәқа веранбуна
п'арьстгәһеда дьбежә**

(*Мәтта 24:1-2; Марқос 13:1-2*)

⁵У чахе һьнәка бона п'арьстгә-
һе дьготьн, кә бь кәвьре бәдәw у
п'ешк'еша һатийә хәмьландьне,
Әwi гот: ⁶«Ван һ'әму тыштед кә
һун дьбиньн, р'оже бен кәвьре
ль сәр кәвьр нәминә, һ'әмуяе
жи веран бьн!»

* ^{20:43} Зәбур 110:1.

Тэнгаси у зерандын*(Матта 24:3-14;**Марқос 13:3-13)*

7 У жь Ви пьрсин готьне: «Дэрсдар, эв тышт ве к'энге бьқәвьмьн? У чь нишане бьбә, гава эв йәк бьқәвьмьн?» 8 Әви гот: «Һаш жь хвә һәбн, кә һун нәйенә хапандьне, чьмки гәләк ве пе навә Мьн бен у бежьн: «Эз ым Мәсиһ» у: «Әв вәхт незик ә», пәй ван нәчн. 9 Гава һун бона шәр' у дә'ва бьбһен, нәтърсьн, чьмки гәрәкә пешийе эв тышт бьқәвьмьн, ле ахьрийа дьне нә һннге йә». 10 Һннге ванр'а гот: «Мьләте р'абә ль сәр мьләт, п'адшати ль сәр п'адшатийа, 11 ши-шийа ә'рдһ'әжед мәзьн, хәлайи-щәлайе у мина нәхвәшийа һ'ал ве бьбн, ль ә'змен жи тыштед хоф у тьрс у нишанед мәзьн ве бьқәвьмьн. 12 Ле бәри ван һ'әму тышта, ве дәст бавежьнә вә, вә бьзериньн, бьбнә бәр диwana к'ьништа у бькнә кәла. Бона навә Мьн ве вә бьбнә бәр п'адша у вәлийа. 13 Әвә вәр'а бьбә мә'ни, кә һун бона Мьн шә'дәтийе бьдн. 14 У ава ве йәкә бькнә бира хвә, кә пешда хәм нәкн һунә

чь щаба хвә бьдн. 15 Чьмки Әзе зар-зьман у сәрвахтийе бьдмә вә, кә дьжмьнед вәйе нькарьбн ль бәр вә хәбәр дн йан бьсәкнн. 16 Де у бавед вә, бьра-пьсмам у достед вә ве вә бьднә гьртнә у жь вә һнәка жи ве бькөжн. 17 Бона навә Мьн һунә бәр ч'ә'вә һ'әмуя р'әш бн. 18 Ле т'ө муке жь сәре вә кем нәбә. 19 Бь сәбьра хвә һунә р'өһ'е хвә хьлаз кн.

**Иса дәрһәқа веранбуна
Оршәлимеда хәбәр дьдә***(Матта 24:15-21;**Марқос 13:14-19)*

20 Ле гава һун бьбиньн кә ордийа дора Оршәлиме гьртийә, һннге бьзаньбн кә веранбуна ве незик ә. 21 Һннге әвед кә Щьһустанеда нә, бьра бьр'әвьнә ч'ийа у әвед кә Оршәлимеда нә, бьра дәрән, әвед к'әвшенда нә, бьра нәк'әвьнә бажер. 22 Чьмки әв р'ож, р'ожед һ'әйфһьлдане нә, вәки һәр чь кә һатийә ньвисаре бе сери. 23 Ле вәй ль һ'әмла у дәст-дәргуша ван р'ожада, чьмки тәнгасикә мәзьн ве бе сәре дьне у хәзәб әвә щьмә'тер'а. 24 Әвә бь дәвә шур бьк'әвнә

у нав һ'әму мьлэтада һесир бенә бьрьне. Оршәлиме жи бәр п'ийед мьләтед п'утп'а-рьст һәр'ә, һ'әта кә вәхте ван мьлэта хьлаз бә.

Һатъна Көр'е Мервь

(Мәтта 24:29-31;

Марқос 13:24-27)

²⁵У сәр р'ойе, һиве у стәйрка нишане бьбьн. Ль сәр дьне жи мьләте жь дәст дөнге хөши-нийә пелед бә'ре бьбьздьн у хвә онда кьн. ²⁶Дьле мәрьва жи жь тьрса ве бьсәкьнә, бо-на әв тьштед кә ве бенә сәре т'әмаийә дьне, чьмки т'опед ә'змана ве жь р'ийед хвә дәр-рен*. ²⁷У һьнге ве бьбиньн кә «Көр'е Мервь ә'врава бь қәват у р'умәта мәзьн те»*. ²⁸Гава әв тьшт дәстпекьбьн, һун р'абьн сәре хвә бьльнд кьн, чьмки азабуна вә иди незик ә».

Дәрсә дара һежире

(Мәтта 24:32-35;

Марқос 13:28-31)

²⁹У мәсәләк ванр'а гот: «Һун дина хвә бьдьнә дара һежире у һ'әму дара. ³⁰Гава дьбьшкь-

вьн, һун бь ве йәке заньн кә һавин незик ә. ³¹Оса жи гава һун бьбиньн кә әв йәк дьқәвь-мьн, бьзаньбьн кә П'адшатийә Хвәде незик ә. ³²Әз р'аст вәр'а дьбежьм, кә әва ньсьла дәрбаз набә, һ'әта кә әв һ'әму тьшт нәқәвьмьн. ³³Ә'рд у ә'змәне дәрбаз бьн, ле готьнед Мьн т'ө шар дәрбаз набьн.

Р'анәзен

³⁴Мьқати хвә бьн, нәбә кә дьле вә п'ьр'хөрийе, сәрхвә-шийе у хәмед ве дьнийәева гьредаийи бә, ньшкева әв Р'ож сәр вәда бе. ³⁵Чьмки әв р'оже мина т'әле бе сәре һ'әму мәр-рьвед ль сәр дьне. ³⁶Һ'ьшйар бьминьн у һәр гав дөа бькьн, вәки һун бькарьбьн жь ван һ'әму тьштед кә ве бьқәвьмьн бьр'әвьн-хьлаз бьн уль бәр Кө-р'е Мервь р'успи бьсәкьньн». ³⁷Иса р'оже п'арьстгәһеда һин дькьр, ле шәве дьчу сәре ви ч'ийайи дьма, кә жер'а дь-готьн ч'ийәйе Зәйт'уне. ³⁸У т'әмаийә щьмә'те сьбәһе зу дьчу п'арьстгәһе шәм Ви, кә хәбәрәд Ви бьбьһен.

* 21:26 Аһа жи те фә'мкьрьне: «Қәватед ә'змана ве бьһ'әжьн».

* 21:27 Данийел 7:13. (Бьхуньн: Ә'йанти 1:7.)

Гьртън, хачкьрън^ф у р'абуна Иса

Шевьра кӧштъна Иса

(Матта 26:1-5, 14, 16;

Марқос 14:1-2, 10-11;

Йуһ'анна 11:45-53)

22 ¹Щэжьна^ф Нане Шкэва незик бу, йа кӧ жер'а Щэжьна^ф Дэрбазбуне дьбежън. ²Сэрэкед к'аһина у қанунзана мәшаләке дьгәр'ийан кӧ Ви бькӧжън, чьмки жь щьмә'те дьгьрсийан. ³Һьнге мирещън к'этә қәлпе дьле Щьһудайе^ф кӧ Исхәрийоти дьһатә готъне, әв йәк жь ван һәр донздәһа бу. ⁴Әва р'абу чу т'әви сэрэкед к'аһина у сәрверед нобәдаред п'арьстгәһе, ванр'а хәбәр да, вәки Иса бьдә дәсте ван. ⁵Әвана ша бун у бир'а қайл бун, кӧ п'әра бьдънә ви. ⁶Щьһуда р'азу бу у һьлда сәр хвә, кӧ мәшале бьбинә Әви бь дьзи щьмә'тева бьдә дәсте ван.

Т'ьвдарәкдитъна шива

Щэжьна Дэрбазбуне

(Матта 26:17-25; Марқос

14:12-21; Йуһ'анна 13:21-30)

⁷Р'ожа Щэжьна Нане Шкэва һат, кӧ ә'дәт бу бәрхе қӧрбана Щэжьна Дэрбазбуне бьһата

сәржекьръне. ⁸Иса Пәтрус у Йуһ'анна шандьн у гот: «Һәр'ьн Шива Щэжьна Дэрбазбуне мәр'а һазьр кьн, вәки әм бьхвьн». ⁹Вана же пьрси: «Тӧ ль к'ӧ дьхвази кӧ әм һазьр кьн?» ¹⁰Әви жи ванар'а гот: «Гава кӧ һун бьк'әвьнә бажер, ва мәрвьәке р'асти вә бе, шер'е аве ль сәр мьла. Пәй ви һәр'ьнә ве мала кӧ әв дьче, ¹¹у хвәйе малер'а бежън: «Дәрсдар тәр'а дьбежә: К'ане әв ода мевана, йа кӧ Әзе теда т'әви шагьртед Хвә шива Щэжьна Дэрбазбуне бьхвьм?» ¹²Һьнге әве ль қәте жорьн одәкә мәзьнә һәвдаи нишани вә кә у вьр жи һун һазьр кьн». ¹³Әвана чун, чава кӧ ванар'а готьбу өса жи дитън у шива Щэжьна Дэрбазбуне һазьр кьрън.

Шива Хӧдан

(Матта 26:26-30; Марқос

14:22-26; Корьнт'и I, 11:23-25)

¹⁴У гава вәхт пер'а гьһишт, Әв бь т'әви шандийа ль сәр сьфре р'уньшт ¹⁵у ванр'а гот: «Әз гәләки һ'ьзрәта ве Шива Щэжьна Дэрбазбуне бум, кӧ Мьн т'әви вә бәри щәфе Хвә

быхвара. ¹⁶ Чъмки Эз вәр'а дьбежым, Эз иди жь ве т'о шар нахwym, һ'эта кӧ П'адшатиya Хвәдеда бьбә». ¹⁷ У к'ас һылда, шькьрийа Хвә жь Хвәде ани у гот: «Һылдын әве у нав хвәда бәла кьн. ¹⁸ Эз вәр'а дьбежым, вәки Эз иди т'о шар жь мәйя тьрийе вәнахwym, һ'эта кӧ П'адшатиya Хвәде бе». ¹⁹ У нан һылда шькьри да, кәркьр да ван у гот: «Әва бәдәна Мьн ә, кӧ бона вә те дайине. Ве йәке бона биранина Мьн бькьн».

²⁰ Ӧса жи к'ас пәй шивер'а һылда у гот: «Әва к'аса пәймана ну йә, пе хуна Мьн гьредаи, кӧ бона вә те р'етьне. ²¹ Ле ва дәсте йе кӧ нәмамия Мьн бькә, ль сәр ве сьфре т'әви Мьн ә. ²² Р'аст Кӧр'е Мерьв we ӧса һәр'ә, чава кӧ бона Wi ньвисар ә, ле вәй ль wi мәрьви, кӧ we нәмамия Кӧр'е Мерьв бькә». ²³ У вана дәстпекьр нав һәвда жь һәв пьрсин: «Гәло к'и йә әви нав мәда, кӧ ве йәке we бькә?»

Дә'ва бона мәзьянийе

²⁴ У нав ванда дә'w пешда һат, кӧ жь нав ванда к'ижан we йе һәри мәзьян бе һ'әсабе. ²⁵ Иса ванр'а гот: «П'адшайед мләта шьмә'та хвә бьндәст

дькьн у әвед сәр ван һ'ӧкӧм дькьн херхвәзед ван тенә готьне. ²⁶ Ле һун ӧса нәбьн, йе нав вәдаи һәри мәзьян, бьра бьбә мина йе һәри бьч'ук у бьра йе сәрвертийе дькә жи бьбә мина йе хӧламтийе дькә. ²⁷ Ньһа к'и йә мәзьян, йе ль сьфре р'уньшти йан бәрдәсти? Нә йе ль сьфре р'уньшти? У Эз нава вәда мина бәрдәстики мә.

²⁸ Һун ьн, йед кӧ нава шер'ьбандьнед Мьнда һ'эта ньһа т'әви Мьн манә. ²⁹ У Эзе П'адшатиye бьдьмә вә, чава Баве Мьн әw да Мьн, ³⁰ вәки һун П'адшатиya Мьнда жь сьфра Мьн бьхьын у вәхьын у сәр к'ӧрсийа р'унен, диwana донздәһ қәбилед^ф Исраеле бькьн.

**Иса дәрһәқа инк'арийа
Шьмһ'ун-Пәтрусда дьбежә**
(*Мәтта 26:31-35; Марқос 14:27-31; Йух'әнна 13:36-38*)

³¹ Шьмһ'ун! Шьмһ'ун! Ва йә мирешьн хвәст вәки вә мина гәньм бежьнге хә. ³² Ле Мьн бона тә дӧа кьр, вәки ба-вәрийа тә кем нәбә у гава тӧ вәгәр'и, дьл бьди бәр бьрайед хвә». ³³ У Пәтрус Wир'а гот: «Хӧдан, әз һазьр ьм т'әви Тә бемә гьртьне у кӧштьне жи».

³⁴ Иса wir'а гот: «Пәтрус! Эз тәр'а дьбежым, иро he бәри бангдана дик, те се щара бежи, wәки тә Мьн нас наки».

Дәрһәқа тәнгасийа мәзында

³⁵ У Иса wanp'а гот: «Гава Мьн һун бе к'исък, турьк у чарьх шандьн, һун һ'әwщe тыштәки бун?» Wана гот: «На». ³⁶ Ёнгe гот: «Ле ньһа к'иське к'е һәйә бьра һьлдә у өса жи турьк. У йе кә бе шур ә, бьра к'ьнщe хwә бьфьрошә у хwәр'а шурәки бь-к'ьр'ә. ³⁷ Ле Эз wәр'а дьбежым, кә гәрәке әва ньвисара сәр Мьн бе сери, кә: «Әw т'әви нәр'аста һатә һ'әсабе»*. У чь кә бона Мьн ньвисар ә, сәр qәwьмандьне йә». ³⁸ Шагьрта Wir'а гот: «Хөдан, ва нә вьра дә шур һәнә». Әwi wanp'а гот: «Бәс ә».

Иса сәре ч'ийайе Зәйт'уне дәа дькә

(*Мәтта 26:36-46;*
Марқос 14:32-42)

³⁹ У Иса ль гора ә'дәте Хwә р'абу чу ч'ийайе Зәйт'уне, шагьртед Wi жи ль пәй чун. ⁴⁰ У гава гьһиштә щи, wanp'а гот:

«Дәа бькьн, кә һун нәк'әвьнә нава щер'ьбандьне». ⁴¹ У Хwәха қаси кәвьравитьнәке жь ван дур к'әт, чок да дәа кьр ⁴² у гот: «Баво, һәгәр ә'мьре Тә йә, әве к'әсе жь Мьн дур хә. Ле бьра хwәстьна Тә бә, нә кә йа Мьн». ⁴³ У жь ә'змен мьльак'әтәк Wива хөйа бу у Әw qәwат кьр. ⁴⁴ Әwi нава щәфе гьранда, he бь дьле к'әл дәа дькьр. Худана Wi мина дьлопед хунейә гьр дьр'ьжийанә ә'рде*. ⁴⁵ У жь дәа р'абу, һатә шәм шагьртед Хwә, әwana к'әрба к'әдәре р'азайи дитьн. ⁴⁶ У wanp'а гот: «Һун чьма р'адьзен? Р'абьн дәа бькьн, кә нәк'әвьнә нава щер'ьбандьне».

Гьртьна Иса

(*Мәтта 26:47-56; Марқос*
14:43-50; Йух'әнна 18:3-11)

⁴⁷ Әwi he хәбәр дьда, ньшке-ва ә'лаләтәке сәр Wiда гьрт у йәки жь һәр донздәһа, наве wi Щьһуда, пешийа ван к'әтьбу у незики Wi бу кә Wi р'амусә. ⁴⁸ Иса wir'а гот: «Щьһуда! Тә бь р'амусане Көр'е Мерьв дьди дәсте ван?» ⁴⁹ Гава әвед т'әви Wi дитьн кә we чь бьqәwьмә,

* 22:37 Ишайа 53:12.

* 22:43-44 Нав һьнәк дәстньвисарада жь р'еза 43-а һ'әта йа 44-а т'өнәйә.

Вир'а готын: «Хөдан, эм бь шур ль ван хьн?» ⁵⁰ У жь ван йэки бь шур ль хөламе сэрэкс'ахин хьст у гөһе вийи р'асте пэканд. ⁵¹ Ынге Иса гот: «Бэс э, бьһельн». У дэст да гөһе ви, қәнш кьр. ⁵² Паше Иса готэ сэрэкед к'ахина, сэрүеред нобэдаред п'арьстгөһе у р'успийед кө һатьбунэ сэр Ви: «Те бежи һун бь шур у дара һатьнэ пешийа қача-хэки? ⁵³ Нэ Эз һэр гав т'эви вэ п'арьстгөһеда бум, вэ дэсте хвэ нэ дыда Мьн. Ле ньһа вэхте вэ йэ у һ'өкөме тэ'ристанийе йэ».

Пэтрус Иса инк'ар дыкэ

(Матта 26:57-58, 67-75;

Марқос 14:53-54, 66-72;

Йуһ'анна 18:12-18, 25-27)

⁵⁴ У Әв гьртын, бьрын кьрынэ мала сэрэкс'ахин. Пэтрус жи дурва п'е-п'е ль пэй Ви дычу. ⁵⁵ Гава вана говэка һ'эвшеда агьр вехьст у доре р'уныштын, Пэтрус жи ль вьрт'эви ван р'унышт. ⁵⁶ У щарике әв ль бэр агьр р'унышти дит, ль ви ньһер'и у гот: «Әва жи т'эви Ви бу». ⁵⁷ Ле Пэтрус инк'ар кьр у готе: «Эз Ви нас накьм, ә'вде!» ⁵⁸ Хелэке шунда йэки дын әв дит у гот: «Тө жи жь ван и». Пэтрус вир'а гот: «Пьсмам, әз нэ жь ван ьм».

⁵⁹ У вәкэ сьһ'этәке жи дәрбаз бу, йэки дын жи дыда зора хвэ у дыготе: «Һәбә-т'өнәбә әва мәрыва т'эви Ви бу, чьмки жь Шәлиле йә». ⁶⁰ Ле Пэтрус гот: «Фьлан кәс! Әз ньзаньм тө чь дыбежи». У хәбәр һе девда бу, дәстхвәда дик банг да. ⁶¹ Хөдан сэр Пэтрусда вәгәр'ийа ль ви ньһер'и, һынге Пэтрус готьна Хөдан ани бира хвэ, кө вир'а готьбу: «Иро һе бәри бангдана дик, те се щара Мьн инк'ар ки». ⁶² У Пэтрус дәрк'әтә дәрва к'әлә-к'әл гьрийа.

Иса дыкэ пек'әни у те к'өтане

⁶³ У әвед кө нобэдари ль Иса дыкьрын, қәрфе хвэ ль Ви дыкьрын, дык'өтан. ⁶⁴ Ч'ә'вед Ви гьредан у жь Ви дыпьрсин, дыготын: «Дә п'ехәмбәртийе бькә, к'а к'и бу кө Тә хьст?» ⁶⁵ У бь гәләк готьнед майин жи Әв бөһөрмәт дыкьрын.

**Иса ль бәр щьвина^ф
гьрәгьра**

(Матта 26:59-66; Марқос

14:55-64; Йуһ'анна 18:19-24)

⁶⁶ У гава сьбәһ зәләл бу, к'о-ма р'успийед щьмә'те, сэрэкед к'ахина у қанунзана щьвийан. Иса к'аши диwanхана хвэ

кърън ⁶⁷ у готьне: «Һәгәр Тө йи Мәсих, мәр’а бежә?» Иса ванр’а гот: «Һәгәр Әз вәр’а бежъм жи, йәк ә һун диса бавәр накън. ⁶⁸ У һәгәр пьрсәке жи бьдъмә вә, һуне диса шаба Мьн надън. ⁶⁹ Жь вьр шунда Көр’е Мерьв we ль к’еләка Хвәдейе Һәри Зор, ль мьле Вийи р’асте р’уне*». ⁷⁰ У һ’әмуйа бь һәвр’а гот: «Wәки өса йә Тө Көр’е Хвәде йи?» Әви ванр’а гот: «Һун хвәха дьбежън кө Әз Әв ьм». ⁷¹ У вана гот: «Иди шә’дә чи мәр’а нә? Мә хвәха жь дәве Wi бьхист».

Иса ль бәр Пилато

(*Матта 27:1-2, 11-14; Марқос 15:1-5; Йух’әнна 18:28-38*)

23 ¹ У т’эмамия ә’лаләта ван р’абу, Иса бьрьнә шәм Пилато. ² У дәст бь хәйбе кърън готьн: «Мә Әв мәрьва дит кө мьләте мә дьхальфинә у нә жи дьһелә кө хәрщ бьдънә Қәйсәр. Бона Хвә жи дьбежә: «Әз Мәсих П’адша мә». ³ Пилато жь Wi пьрси у готе: «Тө йи п’адше шьһуйа^ф?» Әви ле вәгәр’анд у готе: «Тә бь дәве хвә гот». ⁴ Пилато сәрәкед

к’аһина у ә’лаләтер’а гот: «Әз т’ө нәһәқийе Ви мәрьвида набинъм». ⁵ Ле әвана сәр йа хвә ман у готьн: «Әви мәрьви нава т’эмамия Шьһустане, жь Щәлиле дәстпекьри һ’әта вьра, шьмә’т бь һинкъръна Хвәва т’әвиһәв кьрийә».

Иса ль бәр Һеродәс

⁶ Гава Пилато бона Щәлиле бьхист, пьрси: «Әв мәрьва жь Щәлиле йә?» ⁷ Гава пе һ’әсийа, кө Әв бьн һ’өкөме Һеродәсда йә, Әв шандә щәм Һеродәс, кө әв жи ван р’ожада һатьбу Оршәлиме. ⁸ Гава Һеродәс ч’әв Иса к’әт, гәләки ша бу. Әви һе зува дьхвәст кө Әв бьдита, чьмки әви гәләк тышт бона Wi бьхистьбун у һ’ызрәта Wi бу, кө к’әрәмәтәке бь дәсте Wi бьбинә. ⁹ Һеродәс гәләк пьрс данә Wi, ле Иса шаба т’ө пьрсе нәда. ¹⁰ Сәрәкед к’аһина у қанунзана жи сәкьнибун у гәләки давитьнә Wi. ¹¹ Һеродәс жи бь әскәрәд хвәва Әв бәқәдър кьр, пе к’әнийан, паше к’ьнше р’әвш да ле кьрьне, диса пашда шандә щәм Пилато. ¹² We р’оже Пилато у Һеродәс

* 22:69 Зәбур 110:1.

ль һәв һатън, чъмки пешийе
нава ванда дъжмънати һәбу.

**Диванеда һ'өкөме көштъне
ль сәр Иса дәрдьхн**

*(Мәтта 27:15-26; Марқос
15:6-15; Йух'әнна 18:39–19:16)*

¹³ Пилато гази сәрәкед к'а-
һина, сәрвера у шьмә'те кър,
¹⁴ ванр'а гот: «Вә Әв мәрва ани
щәм мьн, чава Йәки шьмә'те
дъхальфинә. Ава мьн ль бәр
вә һәр тышт жь Ви пьрси, ле
жь ван хърабийед кө һун гъли
дъкън, мьн т'ө тышт ль сәр Ви
мәрви нәдит. ¹⁵ У нә жи һеро-
дәс дит, ләма жи ви Әв ль сәр
мәда вәгәр'анд. Әви тыштәки
өса нәкърыйә кө бе көштъне.
¹⁶ Әзе Ви бьдъмә бәр қамчийа
у бәр'дъм»*. ¹⁸ Ле т'әмаийа
ә'лаләте бь һәвр'а кърә қир'ин
у гот: «Ви ль р'убари дьне нә-
һелә! Барабас бона мә бәр'дә!»
¹⁹ Барабас йәки бона сәрһлдане
у меркөштъна бажерда буйи
һатъбу гьртъне. ²⁰ Пилато диса
дәстпекър хәбәр да, чъмки ви
дъхвәст кө Иса бьда бәр'дане.
²¹ Ле вана һе дькърә қир'ин у
дыгот: «Хач^ф кә! Әви хач кә!»

²² Әви шара сьсийа ванр'а гот:
«Әви чь хъраби кърыйә? Мьн
ль сәр Ви нәһәқи нәдит кө
Әв бе көштъне. Әз Ви бьдъмә
бәр қамчийа у бәр'дъм». ²³ Ле
әвана бь дәнге бьльнд сәр йа
хвә бун у дъхвәстън кө Әв бе
хачкъръне. Сәвта ван сәрк'әт.
²⁴ Пилато қырара хвә да, кө бь
хвәстъна ван бә. ²⁵ Анәгори
хвәстъна ван, йе кө бона сәр-
һьлдане у меркөштъне кәледа
бу, бәр'да. Ле Иса һьштә сәр
хвәстъна дьле ван.

Хачкъръна Иса

*(Мәтта 27:31-44; Марқос
15:21-32; Йух'әнна 19:17-27)*

²⁶ У гава әскәра Әв данә пеши-
йа хвә бьрн, йәки курени наве
ви Шьмһ'ун, кө жь к'әвшен
дъһат, әв гьртън у хач данинә
сәр мьле ви, кө ль пәй Иса бь-
бә. ²⁷ У ә'лаләтәкә шьмә'тейә
гьран ль пәй Ви дьчу, өса жи
к'өлфәтед кө шина Ви дькърн
удьгьрийан. ²⁸ Иса ль сәр ванда
вәгәр'ийа у гот: «Қизед Оршә-
лиме! Сәр Мьнда нәгьрин, ле
сәр хвә у зар'ед хвәда бьгьрин.
²⁹ Чъмки ва ве р'өже бен кө ве

* ^{23:16} Нав һнәк дәстньвисарада р'еза 17-а жи һәйә: «Ава ә'сәйи лазьм
бу Пилато щәжьнеда гьртик ванр'а бәр'да».

бежын: «Хвәзи ль ван к'өлфәтед безөр'әт, кө зар' нәанинә у нәмежандънә»*. ³⁰ Ёнгә мәрвеве дәстпекын бежын: «Ч'ийано! Ль сәр мәда бьк'эвьн. Гьрно! Мә вәшерьн»*. ³¹ Ёгәр сәре дара Тәр' аһа дькын, ле һ'але дара һ'ышк we чава бә?»

³² Дө мәрвеве нәһәқ жи анин, кө Пер'а бенә коштыне. ³³ У гава гьһиштынә ви щийе кө Қаф те готын, ль вьр Әв хач кьрын. У әвед нәһәқ жи йәк ль мьле р'асте хач кьрын у йәк жи ль мьле ч'әпе. ³⁴ Ёнгә Иса гот: «Баво, бьбахшинә ван, чьмки ньзаньн чь дькын». Сәр к'ынщед Ви п'әшк авитын вәки нава хвәда бәла кьн*. ³⁵ У щьмә'т сәкьнибу дьньһер'и. Сәрвәра жи қәрфе хвә ль Ви дькьрын у дьготын: «Хәлқ хьлаз кьрын, дә бьра Хвә жи хьлаз кә, һәгәр Әв ә Мәсиһ, бьжартийе^ф Хвәде». ³⁶ Әскәр жи ль Ви дьк'әнийан, пешда дьһатын, сьркә^ф дьда-

не ³⁷ у дьготын: «Ёгәр Тө йи п'адшайе щьһуйа, дә Хвәха Хвә хьлаз кә». ³⁸ У феза сәре Ви жи ньвисар бу*, кө: «ӘВА П'АДШАЙЕ ЩЬҺУЙА ЙӘ».

³⁹ Жь ван нәһәқед дардакьри, йәки Иса беһөрмәт дькьр у дьготе: «Тө нә Мәсиһ и? Дә мә хьлаз кә, Хвә жи пер'а».

⁴⁰ Ле һәвалә ви ле һьлат у гот: «Тө жь Хвәде натьрси? Нә тө жи хут ви щәзайида йи? ⁴¹ Әв һәқе мә йә, кө әз у тө анәгори ә'мәлед хвә дьк'ышиньн, ле Әви т'ө хьраби нәкьрийә». ⁴² У Исар'а гот: «Иса, мьн бир бини, гава П'адшатийа Хвәва бейи*». ⁴³ Иса вьр'а гот: «Әз р'аст тәр'а дьбежьм, иро те т'әви Мьн бөһьштеда^ф би».

Мьрьна Иса

(*Мәтта 27:45-56; Марқос 15:33-41; Йух'әнна 19:28-30*)

⁴⁴ Гава нивро сьһ'әт незики донздәһа бу, т'әмамийа ә'рде

* ^{23:29} Аһа жи те фә'мкьрьне: «Хвәзи ль ван к'өлфәтед безөр'әт у ван бәт'ьна кө зар' нәанинә у ван бьстана кө нәмежандънә».

* ^{23:30} Ёсейа 10:8.

* ^{23:34} Зәбур 22:18.

* ^{23:38} Нав һьнәк дәстньвисарада аһа йә: «У феза сәре Ви бь йунани, латини у ибрани^ф ньвисар бу».

* ^{23:42} Нав һьнәк дәстньвисарада аһа йә: «Гава Тө бьгьһижи П'адшатийа Хвә».

h'эта сьh'эта сьсийа бу тэ'ри
 45 у р'уйе р'ойе hatə гьртъне.
 П'эр'да п'арьстгəне нивида
 бу дō тиша^ф. 46 У Иса бь дэнге
 бьльнд кьрə гази у гот: «Баво,
 р'öh'e Хwə дьдьмə дəсте Тə»*. У
 гава əв йəк гот, р'öh'e Хwə да.
 47 Сəрсəд əв тьште буйи кō дит,
 шькьри да Хwəде у гот: «Р'асти
 Əвa мəрьвəки р'аст бу». 48 У
 т'əмамииа ə'лалəте, кō ль wьр
 бона т'əмаше шьвийайи бу, əв
 йəка дит, сингед хwə дьхьстьн,
 пашда вəдьгəр'ийанə малед
 хwə. 49 H'əму насед Wi жи у
 əв к'олфəтед кō жь Щəлиле
 hatьбун, дур сəкьни бун у əв
 тьшт дьдитьн.

Дəфьнкьрьна^ф Иса

(Мəтта 27:57-61; Марқос
 15:42-47; Йух'əнна 19:38-42)

50 Мəрьвəки қəнщи ширh'ə-
 лал у əндəме шьвина гьрəгьра
 шьхуйа həбу, наве wi Усьв^ф.
 51 Əвa жь бажаре Аримəт'яа
 Щьхустане бу у хwəха жи hi-
 вийа П'адшатийа Хwəде бу. Əв
 т'əви шewьр у кьрьна шьвина
 ван нəбьбу. 52 Əв р'абу чу щəм
 Пилато у щьнийазе Иса жь wi
 хwəст. 53 Щьнийаз жь хаче ани

хwəре, қəдəке к'ьтанида к'əфəн^ф
 кьр у дани нав т'ьрба қəйеда
 к'олайи, кō т'ō шар weда кəсəк
 нəhatьбу данине. 54 У əв р'ожa^ф
 т'ьвдарəккьрьнеда бу у евара
 шəмийе дəстпедькьр. 55 У əв
 к'олфəтед кō жь Щəлиле т'əви
 Иса hatьбун, əв жи пəй wi чун
 у əв т'ьрба кō чава щьнийазе Wi
 теда hatə данине, дитьн. 56 У
 пашда вəгəр'ийан, бьхарəт^ф у
 р'унe^ф бинхwəш hазьр кьрьн у
 анəгори т'əмийа Қануне р'ожa
 шəмийе р'ьh'əт бун.

Иса жь мьрьне р'адьбə

(Мəтта 28:1-10; Марқос
 16:1-8; Йух'əнна 20:1-10)

24 1 Р'ожa йəкшəме сьбəhe
 зу, ван к'олфəта бьха-
 рəтед hазьркьри hьлдан чунə
 сəр т'ьрбе. 2 Ле вана кəвьр жь
 бəр т'ьрбе холкьри дит. 3 Гава
 к'əтьнə hьндōр', щьнийазе Хō-
 дан Иса нəдитьн. 4 Гава əвана
 he бона ве йəке мəт'əлмайи
 мабун, ньшкева дō мəри бь
 к'ьнще нурани ль бəр ван
 сəкьнин. 5 У гава к'олфəт жь
 тьрса к'əтьнə сəр р'уйе хwə,
 ван мəрьва ванр'а гот: «hун
 чьма ль Йе сах нава мьрийада

* 23:46 Зəбур 31:5.

дьгәр'ын? ⁶Әw нә ль вьр э, Әw жь мьрьне р'абуйә. Биньнә бира хwә, кә чахе he Щәлиледа бу, чь wәр'а гот: ⁷ «Гәрәке Көр'е Мерьв бьк'әвә дәсте мәрвевд нәр'аст, бе хачкьрьне у р'ожа сьсийа жь мьрьне р'абә». ⁸ У wана готьна Иса бир анин ⁹ у жь т'ьрбе вәгәр'ийан, әва йәка һәр йанздәһа у һ'әму-йед майинр'а готьн. ¹⁰ Йед кә шандийар'а готьн, әвана бун: Мәрйәма Мәждәлани, Йоһана у Мәрйәма дийа Ақуб, бь т'әви һьнәкед майин. ¹¹ Шандийава чава готьнәкә п'уч' хойа бу у wана к'өлфәт бавәр нәкьрьн. ¹² Ле Пәтрус р'абу бәрбь т'ьрбе бәзи, қуз бу ньһер'и, т'әне к'ә-фәне Wi вьр бу у мәт'әлмайи чу, дьфькьри гәло чава бу.

Ль сәр Р'ийа Әmwасе
(Марқос 16:12-13)

¹³We р'оже дө шагьрт дьчунә гөндәки, кә жь Оршәлиме донздәһ километьри дур бу, наве wi Әmwас бу. ¹⁴ Wана бь һәвр'а бона һәр тыште қәwьми хәбәр дьдан. ¹⁵ У гава әвана нав һәвда хәбәр дьдан у дышевьрин,

Иса Хwәха жи незики wан бу, т'әви wан чу. ¹⁶ Ле ч'ә'вед wан гьрти бун, кә Wi нас нәкьн. ¹⁷ Иса wанр'а гот: «Һун ве р'е-йеда чь һәвр'а хәбәр дьдьн?» Әwана мә'дәкьри сәкьнин*. ¹⁸ Йәки жь wан, кә наве wi Клепас бу, ле вәгәр'анд у гот: «Әw чава жь Оршәлиме т'әне Тә нәбьһистийә кә ван р'ожед пашьнда вьр чь қәwьмийә?» ¹⁹ Әwi жь wан пьрси у гот: «Чь буйә?» Wана ле вәгәр'анд готте: «Бона Исаяе Ньсрәте, кә Әw бь ә'мәл у хәбәрәд Хwә ль бәр Хwәде у т'әмамийа мьләт п'ехәмбәрәки зор бу ²⁰ у чава сәрәкед к'аһина у сәрwерәд мә нәмамийа кәштьна Wi кьрьн, хач кьрьн. ²¹ Әм we гөмане бун кә Әwi we Исраеле аза бькьра. Wәки дьн жи әва р'ожа сьсийа йә, кә әв тышт бунә. ²² Ле чәнд к'өлфәтед нав мәда жи әм ә'щәбмайи кьрьн. Әwана сьбәһе зу чубунә сәр т'ьрбе ²³ у щьнйазе Wi ль вьр нәдитьбун, вәгәр'ийан һатьн мәр'а готьн, кә: «Мә мьльак'әт дитьн, мәр'а готьн, кә Әw сах ә». ²⁴ У жь мә һьнәк жи чунә сәр

* ^{24:17} Нав һьнәк дәстньвисарада аһа йә: «Һун ве р'ейеда чь һәвр'а хәбәр дьдьн у мә'дәкьри нә?»

т'ърбе, чава кӧ ван к'ӧлфӧта готьбу, ӧса бу, ле Ӓв нӧдитьн». 25 Һьнге Ӓви ванр'а гот: «Һӧй инсанед бе фькьр, хун чьқаси гьран һ'ӧму готьнед п'ехӧмбӧра бавӧр дькьн? 26 Нӧ гӧрӧке Мӧсирӧ шӧфа бьк'ьшанда у бьк'ӧта р'умӧта Хвӧ?» 27 У Ви дӧстпекьр жь Муса у һ'ӧму п'ехӧмбӧра, чь кӧ ван к'ьтебада бона Ви ньвисар бун, ванар'а шьровӧкьрьн.

28 Гава незики ви гӧнде кӧ дьчуне бун, Ӓви ӧса да к'ьфше, йанчийӧ Ӓв дьчӧ щики дур. 29 Ле вана зор ль Ви кьр у гот: «Ишӧв ль шӧм мӧ бьминӧ, чьмки евар ӧ, р'о чуйӧ ава». У Ӓв чу һьндӧр', кӧ ль шӧм ван бьминӧ. 30 Ле гава Ӓв т'ӧви ван сӧр сьфре р'уньшт, нан һьлда, шькьрийа Хвӧ жь Хвӧде ани, кӧркьр да ван. 31 Һьнге ч'ӧвед ван вӧбун, Ӓв нас кьрьн у Ӓв бӧр ч'ӧве ван бӧтавӧбу. 32 Вана һӧвр'а гот: «Лӧма, гава Ӓви р'еда мӧр'а хӧбӧр дьда у ньвисар мӧр'а шьровӧдькьрьн, агьр дьле мӧ дьк'ӧт». 33 Ӓв we гаве р'абун вӧгӧр'ийанӧ Оршӧлиме у һӧр йанздӧһ т'ӧви йед майин шь-

вийайи дитьн, 34 готьн: «Р'асти Хӧдан сах буйӧ у Шьмһ'унва хӧйа буйӧ!» 35 Паше ван һӧр дӧйа гьли кьр, кӧ чава р'еда р'асти Ви һатьн у чахе Ви нан кӧркьр, Ӓв нас кьрьн.

Иса Хвӧ нишани шагьртед Хвӧ дькӧ

(Матта 28:16-20; Марқос 16:14-18; Йух'анна 20:19-23; К'аред Шандийа 1:6-8)

36 Вана һе бона ве йӧке хӧбӧр дьда, Иса нава ванда сӧкьни у ванр'а гот: «Ӓ'дьлайи вӧр'а». 37 Ӓвана жь тьрса бьздийан у ван т'ьре хӧйалӧки^ф дьбиньн. 38 Ле Ӓви ванр'а гот: «Һун чьма шашмайи манӧ у дӧдьли нӧ? 39 Ава ль дӧст у п'ийед Мьн бьньһер'ьн, кӧ Ӓз Хвӧха мӧ. У дӧсте хвӧ бьдьянӧ Мьн у бьбиньн, чьмки гошт у һӧстуйед р'ӧһ' т'ӧнӧнӧ, чава кӧ хун дьбиньн йед Мьн һӧнӧ». 40 Гава ӧв йӧк гот, дӧст у п'ийед Хвӧ нишани ван кьрьн. 41 У һе жь шабуна бавӧр нӧдькьрьн, һ'ӧйр-һ'ӧжмӧк'ар мабун, Ӓви ванр'а гот: «Qӧт тьштӧки хварьне ль шӧм вӧ һӧйӧ?» 42 Вана чити мӧ'сийе пьжанди да Ви*.

* 24:42 Нав һьнӧк дӧстньвисарада ӧв жи һӧйӧ: «У мьрт'оха һьнгьв».

43 Эви һылда ль бәр ч'э'ве ван хвар 44 у ванар'а гот: «Эв бун әв готьнед кӧ гава Эз т'эви вә бум, Мьн вәр'а готьбун: «Гәрәке һәр тыштед кӧ бона Мьн Қануна Муса, һвисаред п'ехәмбәра у Зәбурада^ф һвисар бун бһатана сери». 45 Ынге фә'ме ван вәкър, кӧ һвисара фә'м бькьн. 46 У ванр'а гот: «Ава һвисар ә, кӧ Мәсиһ гәрәке щәфа бьк'ьшинә у р'ожа сьсийа жь мьрьне р'абә 47 у жь Оршәлиме гьрти бь наве Ви т'обәйи у бахшандьна гӧна нав һ'әму мьләтада we бе данна-синкьрьне. 48 У һун ьн шә'дед

ван һ'әму тышта. 49 У ва Эзе созе Баве Хвә вәр'а бышиньм. Оршәлимеда бьминьн, һ'әта һун қәвате жь жор бьстиньн».

Жорһьлатына Иса

(Марқос 16:19-20;

К'аред Шандийа 1:9-11)

50 У әв һ'әта Бәйтантайе бьрьн, дәсте Хвә бьльнд кьр, дӧа ван кьр. 51 У һе дӧа дькьр, жь ван қәтийа, бәрбь ә'змен һатә һьлатыне. 52 Шагьрта жи сәре хвә бәр Ви дани, бь әшқ у ша вәгәр'ийанә Оршәлиме. 53 У һәр гав п'арьстгәһеда бун, пәсьне Хвәде дьдан.